

**JOSEPHI
MARIANI PARTHENII**

S. J.

COMMENTARII.



**ROMAE
EXCUDEBAT GENEROSUS SALOMONI
AN. dō 15. CC. LXXII^r
SUPERIORUM PERMISSU.**



DEIPARÆ VIRGINI

SINE LABE PECCATI ORIGINALIS CONCEPTÆ
VIRGINUM CHORUM DUCENTI
AC SS. VIRGINIBUS ET MARTYRIBUS
CÆCILIÆ IN PRIMIS
TUM AGNETI EMERENTIANÆ BIBIANÆ DEMETRIÆ
RUFINÆ SECUNDÆ DOMITILLÆ MARTINÆ
PRISCÆ JUSTINÆ SERAPHIÆ DIGNÆ EMERITÆ
PETRONILLÆ PRAXEDI PUDENTIANÆ BALBINÆ
AC RELIQUIS
QUÆ ROMANAM URBEM
AUT MARTYRIO AUT VIRGINITATE
AUT UTROQUE ORNAMENTO
CONSECRARUNT ILLUSTRARUNTQUE
OPUSCULUM HOC COMMENTARIORUM SUUM
JOSEPHUS MARIANUS PARTHENIUS
SOC. JESU
VOLENTI AC DEVOTO ANIMO
DICAT ET CONSECRAT.



*Multos veterum velut inglorios & ignobiles oblivio obruet;
Posteritati arratus & traditus, superstes erit.*
Tacit. in Agric. c. 46.

5

PAULUS ANTONIUS RAFFAGNI
SOCIETATIS JESU

In Provincia Romana Præpositus provincialis

CUM Opus, cui titulus *Josephi Mariani Parthenii*
S. J. Commentarii ab uno ex nostræ Societatis Sa-
cerdotibus conscriptum, aliquot ejusdem Societatis
Theologi recognoverit, & in lucem edi posse proba-
verint, potestate nobis a R. P. Laurentio Ricci Præ-
posito Generali ad id tradita, facultatem concedimus
ut typis mandetur, si ita iis, ad quos perrinet, vide-
bitur. In quorum fidem has ilteras manu nostra subscri-
ptas, & Sigillo nostro munitas dedimus.

Romæ 14. Februarii A. MDCCLXXII.

Paulus Antonius Raffagni.



I M P R I M A T U R.

Si videbitur Reverendiss. P. Magistro Sacri Palatii Apostolici.

D. Jordani Pat. Antioch. Vicesgerens.

QUE dixi generatim de prima hujus Operis parte jam typis vulgata, quæ Actiones continet, eadem videntur, tribuenda huic etiam alteri, quam jussu Reverendissimi P. S. P. A. Magistri summa cum diligentia ac voluptate perlegi, nimirum, *Josephi Mariani Parthenii S. J. Orationes; & Commentarios*. In hanc autem partem solertissimus, & a facultate Oratoria instructissimus Auctor, qui nihil habuit potius, quam suorum auditorum progressum, multa erudite, copiose multa, scienterque concessit, easque præsertim, quæ iturus ad eloquentiam adolescentibus viam facere poterant plamio-rem & expeditiorem, quod egregie præstitit tribus præsertim orationibus Paræneticis, totidemque aliis, quas inscripsit de contrahenda Encyclopædia. Accedit nihil occurrisse mihi in ejusdem Operis lectione, quod a Fide Orthodoxa, bonisque moribus sit alienum. Quare arbitror Reipublicæ litterariæ, bonarumque artium incremento publica luce donari posse, si videbitur &c. Datum Romæ XII. nonas Sept. A. MDCCLXXII.

*Jo. Baptista Gautier Linguae & Humanitatis Græcæ
in Archigymnasio Romano Professor Emeritus.*

ORationes, & Commentarios ab erudito Viro Josepho Mariano Parthenio S. J. latine conscriptos tanta nitent puritate sermonis, tantamque eloquentiæ Majestatem præferunt, ut plurimum ad Litterariæ Reipublicæ commodum, & ad vindicandam Italiæ gloriam conferre possint. Cumque nihil a Catholica Religione, & a recta institutione morum alienum contineant; dummodo Reverendissimo Sacri Palatii Magistro, cujus jussu mandatove ea diligenter attenteque perlegi, visum fuerit, publicæ expectationi in vulgus edenda censeo. Datum Romæ in Abbatia S. Præ-
dis die 30. Julii A. MDCCLXXII.

D. Rodolphus Androsilla Ab. & in Romano Archigymnasio Elog. & Histor. Professor.

I M P R I M A T U R.

F. Thomas Augustinus Richinius Ord. Pr. æd. S. P. A. Mag.

EDI-

EDITOR

LECTORI BENEVOLO.

JAM ad tertium volumen, Deo ac Deipara bene juvantibus, Parthenii nostri pervenit labor. Coninet volumen hoc Commentarios a Parthenio exaratos, non quidem omnes, plures enim confecit, sed ex omnibus electos atque excerptos. Opus enim absolvere festinans, & vero etiam impensa necessario in operis impressione facienda deterritus tot satis habuit edere, quot ad justam voluminis molem conficiendam, sive potius explendam esse possent. Sic enim in edito totius operis specimine se facturum ipse recepit his verbis; Tertium Volumen aliquot Doctorum Virorum vitas continebit, quod mole duobus primis contractius, si cum Electricorum volumine copulabitur, justam molem reliquorum exæquabit. Electricorum autem opus carmine exaratum minime a Parthenii Orationibus visum est sejungere, ut ex eo quantum in poetica etiam facultate Parthenius excellat, judicari possit. Quare rem gratam bonarum artium cultoribus, & humaniorum litterarum studiosis nos facturos existimavimus, si omnia, quæ sive prosa sive carmine scripsit Parthenius, tribus voluminibus comprehensa a nobis fuissent iisdem exhibita. Quæ vero ante trium horum voluminum editionem de Parthenio nostro in lucem prodierunt,

Parthenius ipse pro suis vix agnoscit . Eâ enim juvenili quodam effervescentis ingenii aestu subito effusa , neque vero voluntate , sed necessitate vulgata , minime ei digna gravioris hujus ætatis atque diuturnioris exercitationis visa sunt . Quare in hac editione illud Auctor curavit , ut eadem , quantum quidem cuncti ingenio potuit , ad quandam perfectionem exigeret , de qua ii judicare poterunt qui facta contentione hæc cum illis comparaverint .



D E

BERNARDINO PERFETTO

POETA LAUREATO.

COMMENTARIUS I.



Uam olim Bernardini Perfetti Senensis Poetæ Laureati vitam Italico sermone scripsi, & in manus hominum venire passus sum, nunc eandem in Latinum libet convertere; ita tamen, ut non verbis verba appendam, sed tantum quendam narrationis ductum sequar. Quod si ab hoc discessero, &, mutato rerum ordine, aliqua addidero, nonnulla ademerō; & Latinam hanc interpretationem aliam prorsus ab Italico exemplari evadere contigerit, id mihi nolim vitio dari. Hoc enim jure is esse debet, ut arbitrio suo utatur, qui in alium sermonem non aliena scripta vertit, sed sua. Consilium autem hoc a me idcirco susceptum fuit, quia nescio quam Latinæ litteræ rebus, quæ memoriæ traduntur, conferunt dignitatem, quam illis impertiri vernaculæ non possunt. Præterquamquod Bernardini Perfetti in optimis studiis excellentia plane digna existit, cujus notitia ad exterarum etiam gentes

tes perveniret ; quod nemo assequi potest , nisi ea qui lingua scribat , quæ nusquam gentium ignota sit ac peregrina .

II. Natus est Bernardinus Perfettus Senis , urbe Etruriæ nobilissima , & quondam libera ; sed quæ libertate amissa , nihilo tamen minus suam retinuit dignitatem , ut inter principes non Etruriæ solum , sed etiam Italiæ totius urbes numeretur . Non hoc ego loco Senarum ornamenta persequar , quæ & plurima & maxima sunt , & multorum scriptis ac linguis celebrata . Floruit enim semper hæc urbs incredibili quadam virorum , tum sanctitate , tum doctrina , tum etiam gloria rei militaris illustrium copia , ac prope modum redundantia . Inter tot ornamenta unum commemorabo , quod mihi quidem hujus urbis præcipuum videtur , nec omnino reticendum . Eximio enim studio Sanctissimam Dei Genitricem ac veneratione prosequitur . Ei dicata civitas est communi Senensium & solemni nuncupatione . Exstat in Æde principe pulcherrimum Sacellum , recentiori quidem opere peregrinis marmoribus ab Alexandro VII. cive Senensi exornatum , sed jam inde a vetustissimis temporibus Virgini Deiparæ hoc titulo dedicatum ; *Advocata Senensium* . Hæc mihi prætermittenda minime visa sunt , tum quia peculiari modo urbem hanc illustrent , & civium pietatem commendant , tum quia eo de viro scribere instituo , qui singulari
piæ

piz devotionis sensu erga Sanctissimam Dei Genitricem afficiebatur, ut nostrum hunc Commentarium legentibus patebit. Hanc, quam diximus, urbem tot ornamentis commendatissimam nactus est Patriam Bernardinus Perfettus, & in lucem editus anno a reparata salute MDCLXXI. VII. Id. Septemb., qui dies felicissimum, & mortalibus omnibus maxime salutarem Beatæ Mariæ Virginis diem natalem præcedit, ut vel ex hoc captari omen potuerit de singulari ejus in Divinam Matrem & studio, & pietate. Parentes habuit Equitem Petrum Angelum Perfettum, & Urfulam Amerighiam conjuges pari nobilitate, & christianis virtutibus, quibus insigniter excelluerunt, spectatissimos.

III. Mira de ultima Bernardini infantia narrantur, & prorsus inusitata. Menses tantum quinque natus non jam balbutire, sed explicare verba cœpit; undecimum vero mensem vix exorsus salutationem, quam *Angelicam* dicimus, & memoria continuit, & recte atque expedite pronunciavit. Illud vero multo mirabilius, quod illa ipsa ætatula ex ejus ore sententia excidit, cujus contexta sic erant verba, ut non solum versus conficerent, sed in eundem sonum, quem vernaculo nos vocabulo *Rimam* appellamus, desinerent. Addam etiam rem multo superioribus admirabiliorem, & quæ omnem prope admirationis modum excedit. Vix decimum ab ortu & septimum inchoa-

choarat mensē, cum Sacerdoti ad Aras operanti recte atque ordine respondere didicit, & vero auditus est. Quæ res in Leonardo Marsilio Senensi Archiepiscopo, qui forte præsens adfuit, risum quidem excitavit, sed summam admirationem, expectationemque de futnra pueri excellentia commovit. Ut sensim adolevit, alia edere in dies acerrimi cujusdam ingenii documenta non destitit, ut nihil non magnum parentes de eo sperare possent sui.

IV. Quam vero ad Poësim a natura comparatus, atque adeo effectus esset, novo apertissimoque indicio declaravit. Septennis enim primum poema confecit ex eorum genere, quæ vulgo a nobis *Sonetti* appellantur. Non raro cum mensis conviva adhiberetur, & Matri assideret, sumpto in manus poculo, repente, accumbentibus rei novitate obstupefactis, non sine versu propinabat. Cantitabat frequenter carmina, alias severa, jocosa alias, ut improvise, quo corripiebatur, animi impetu impelli se agique sentiebat; ut jam inde illum ipsum animi impetum, quò agi postea solitus fuit, posses agnoscere. Nec vero non etiam quanta, quamque tenacis memoriæ vi præditus esset, novis significationibus atque indiciis ostendit. Hac ipsa, quam nondum prætergressi nos in scribendo sumus, ætate orationem satis longam sibi a Matre traditam quam celerrime memoriæ mandavit, & incredibili felicitate in conventu pronunciavit.

Jus.

Iustus nescio cujus partes in Comœdia quadam supplere, vix sumpto ad ea, quæ subinde agere in scena debebat, memoriæ tradenda spatio, & partibus, quas susceperat, & omnibus, qui aderant, egregie satisfecit. Hæc certe admirabilia sunt, & prorsus inaudita, ex quibus cum in omnibus liberalibus studiis, tum in poetica præsertim facultate ejus excellentiæ, si vita suppeditasset (minus enim vivaces existimantur, quorum præcoces adeo existunt fructus, certa capi conjectura potuit.

V. His rebus factum est, ut liberalissime institueretur, ne, quam de se extraordinariam commorat, institutione non accedente, postea falleret expectationem. In hanc curam præcipue incubuit Mater (Patre enim adhuc infans orbatas est), & quo certius bonis moribus & bonis artibus erudiretur, Patrum S. J. curæ fideique traditus eorum gymnasia frequentare cœpit. Qui ingenii singularis, & singularis item memoriæ vi, præditus esset, non ei admodum difficile fuit, quæ tradebantur a Magistris, & intelligentia percipere, & memoria retinere. Itaque factum est, ut brevi condiscipulos suos, quos ætate nondum assequeretur, scientia longe anteiret. Hoc modo e tricipis Grammaticæ se quam citissime explicavit, atque expeditus & alacer ad audiendum Rhetorem accessit. Hic vero, confirmata aliquantulum ætate, multo evidentius patuit, qualis quantusque Poeta esset evasurus.

VI. Qui

VI. Qui ad Italicam se Poesim natura ipsa ferri potissimum sentiebat, Præceptoris tamen hortatu plurimum in Latina addiscenda operæ posuit, optimis auctoribus & legendis & imitandis. Qua in re Magistro suo utilia consulenti se docilem præbuit, & acres illos, quibus ad Italicam Poesim vehementissime incitabatur, stimulos retudit atque compressit. Sibi enim persuaderi passus est a Latina Poesi, & Poetis ea in arte principibus exordiendum esse, ab iisque sensim ad excellentiam progrediendum. Hi enim uberrimi fontes sunt, quorum *pietis aquis* Poetarum large *irrigantur* ingenia. Ex his petendæ illæ veneres atque exprimendæ, quæ cujusque generis carmina exornant maxime atque commendant. Qui secus se gerunt, ac sentiunt, male sibi, male ipsi Poesi Italicæ consulunt. Nunquam enim, his contemptis Magistris, perfectum aliquid ac numeris omnibus absolutum in poetica facultate exsistet. Bernardinus igitur, qui, uti acerrimo ingenio, ita præstanti judicio pollebat, jam tum sibi ad summam in Italica Poesi laudem ea via enitendum putavit, quam excellentissimi quique Itali Poetæ primum insistentes vestigiis tritam suis nobis reliquerunt. Itaque Latinos Poetas amavit plurimum, seque in Latina Poesi multum exercuit. Nec vero dubium, quin, si eam postea excoluisset, hac laude commendatissimus evasisset. Sed, quo amore in Italicam ferebatur, atque adeo rapie-

rapiebatur, is effecit, ut, Latina relicta, illi uni se dederet, illam unice excoleret, ad ejusque unius excellentiam eniteretur.

VII. Exactis in domo paterna primis adolescentiæ annis, in Collegium Ptolemæum, quod Senis sub Patrum S. J. regimine constitutum, magna nobilissimorum adolescentium frequentia tunc florebat, translatus est, quo novum hoc ad liberaliorem ejus institutionem & adjumentum & incitamentum accederet. In hoc Collegium Bernardinus admissus dici non potest, quantum ex ipsa tot ingenuorum contentione enituerit. Unus omnes & ingenii præstantia, & memoriæ vi, & omnigenæ eruditionis studio facile vicit ac superavit. Verum, etsi inter electissimos nobilissimi illius convictus Alumnos unus maxime explendescibat, tanta tamen in eo comitas fuit, tanta in tantis ornamentis modestia, ut non solum omnium oculos ad se attraxerit, verum etiam, quod multo difficilius est, animos sibi devixerit. Nemo erat, qui eum non suspiceret plurimum, nemo, qui plurimum non diligeret, ut dubium esse posset, utrum amor existimationem vinceret, an illum ista superaret. His de causis non iniquo animo æquales ferebant Perfettum sibi anteponi; immo vero omnes unum ultro omnibus anteponebant. Tot enim ac tantis a natura ornamentis supra communem sortem ditatus erat, nulla ut ulli cum eo de præstantia ingenii atque excellentia doctrinæ posset esse contentio. VIII.Fo.

VIII. Eodem in Collegio Philosophiæ operam dedit; cum Philosophiæ studio studium Jurisprudentiæ conjunxit, quibus in facultatibus magnos progressus fecit. Eodem tempore Historiam perlustravit universam, quo eruditior in dies evaderet, & ad illud, quod meditabatur, munus instructior esset atque paratior. Neque vero Poesim colere prætermisit, a qua ejus animus divelli non poterat. Tanta autem, ac tam dissimilia studia quod conjunxerit, non est sane, cur quisquam reprehendat. Is enim erat, qui omnibus uno tempore posset egregie satisfacere. Quod si exemplum imitari quis vellet, monendus esset; Non, quid quisquam fecerit, considerandum; sed, quid cujusque vires ferant, certo consilio providendum. Neque enim, quod uni licet, concessum est omnibus.

IX. Cum ad annum ætatis suæ decimum sextum pervenisset, nobilissimi Ordinis S. Stephani insignibus decoratus est, & Eques creatus. Non ita multo post in publico Senensi Gymnasio, editis singularis doctrinæ argumentis, in utroque jure Doctor renunciatur. His ornamentis insignitus, & absoluto cum laude in Collegio Ptolemæo studiorum suorum curriculo, paternam in domum remigravit, ubi cum sui juris esset, & plurimum otii haberet, diversis studiorum generibus totum se dedit, illudque contendit, & vero assecutus est, nihil ut prope eorum, quæ sciri possunt, ignoraret. Reliquis vero studiis Poesim antetulit,

tulit, ad quam natura ferebatur, quamque sibi veluti carissimam sponfam, jam inde a primis adolescentiæ annis desponderat. Sed antequam de Poeticis ejus studiis a nobis ex nostro potissimum instituto dicatur, visum est reliqua, quæ ad ejus vitam pertinent, expedire. Annos natus viginti quinque uxorem duxit, & Mariam Franciscam Salvaniam, singulari virtute eximiisque dotibus ornatam fœminam sibi matrimonii jure devinxit, cum qua sanctissime & conjunctissime vixit. Ex ea tredecim suscepit liberos, mares quinque, fœminas octo. Optimus paterfamilias fuit. Filios liberaliter educavit, & ad omnem pietatem instituit, nec paternum ullum erga eos officium prætermisit. Tres utriusque sexus acerbo funere in ipsa puerili ætate festinantior mors oppressit; quarta fœmina orbatu est, annum ea cum ægeret decimum septimum; ejusque mortem ægerissime tulit, & elegantissimo carmine deslevit. Reliqui ejus liberi, cum hæc ipsa scribimus, etiamnum superflites sunt, patriæ virtutis hæredes.

X. Quod vero ad munera, quæ ei delata fuerunt, attinet, iis egregie functus est, & utilem in eorundem functione patriæ navavit operam. Jurisprudentiam publice docuit, eandemque cum Jure Canonico conjunxit. Evecto ad Episcopalem Crasseti Cathedralam Bernardino Peccio, qui has facultates tra-

ce, qui probe cognitam Perfetti in utroque jure doctrinam habebat, sufficitur. Quo munere illi tradito, non tam ipse novis proventibus ditatus est, quam gravissimo summi illius Principis judicio honestatus. Quandiu hanc provinciam tenuit, tandiu ejus partes abunde explevit. Magna discipulorum celebritate floruit, inter quos commemorandus est Princeps Joannes Theodorus Maximiliani Bavariae Ducis filius, qui postea S. R. E. Cardinalis creatus, & Episcopus primum Ratisbonensis, tum Frisingensis, ac demum Leodiensis, renunciatus fuit. Hic cum se in Etruriam ac Senas contulisset, cui urbi Violantes Bavariae Ferdinandi Magni Etruriae Principis uxor tunc vidua praerant, a Violante ipsa Perfetto in disciplinam traditus est, ut tanto sub Praeceptore & Jurisprudentiam, & Jus Canonicum edisceret. Suis certe partibus Praeceptor non defuit, & illustrem erudire discipulum non praetermisit. Jurisprudentiam quoque in Collegio Ptolemaeo magna cum laude docuit, & non minore discipulorum suorum profectu. Haec fere sunt munera, quibus functus est, multo majorem certe navaturus Patriae operam, si ei per studia sua licuisset. Neque vero minus utilis existimandus est civis. Patriam enim honestavit quam maxime; urbes autem non solum opera eorum indigent, qui eas consilio, & muneribus obeundis juvent, sed etiam illorum ornamento, qui ingenio ac sapientia easdem illustrent.

strent. Hac certe in re Patriæ non defuit Perfectus, & quidquid operæ, si concessum foret, in illam collaturus fuisset, hoc nominis sui celebritate, quæ in Patriam ipsam redundavit, abunde supplevit. Præterquam quod assidue in Patria residere non potuit. Etenim a multis certatim urbibus expetitus Italiam obire, ac longissima itinera, & vel in ipsam Germaniam ab Electore Bavaro evocatus, suscipere coactus est.

XI. Jam, ut ad Poetica ejus studia veniamus, quæ multo potissima Commentarii hujus nostri pars esse debet, ad ea primum summam doctrinam attulit, sine qua Poësis nulla est; ex multiplici enim rerum maximarum scientia atque eruditione efflorescat oportet. Hic ego eum in omni arte atque doctrina non mediocriter versatum si dicam, minus, quam debeam, prædicem. Singularia enim & certissima excellentis sapientiæ in omni facultate edidit documenta. Legebat multum, nec facile libros de manu deponebat. Quæ vero semel legerat, ita memoriæ infixæ hærebant, nulla ut diuturnitate temporis elaberentur. Hac memoria cum iteretur, in hanc, tanquam in thesaurum, copiam cognitionum prope infinitam congeffit, unde, quod usus, & vel subita flagitaret occasio, repente depromeret. Itaque Historiam cognovit universam; eamque non generatim tantum, sed separatim in regna, nationes, ac provincias descriptam. Illam quoque naturalis Histo-

riæ partem , quæ stirpes , & animantia complectitur a se noluit ignorari . Abditiora ac reconditoria Mathematicorum & Metaphysicorum studia penitus sibi cognoscenda esse duxit . Neque vero Theologiæ ipsius cognitionem a se alienam putavit . Ipsa leviora etiam studia ab eo minime negligenda existimavit , qui se palam in conventu de rebus omnibus responsurum profitebatur . Quid multa ? ulla sine assentationis nota videor mihi de tanto viro vere affirmare posse , nihil eorum , quæ doctrina aliqua , aut arte paullo liberaliore continentur , ejus scientiam fugisse . Quapropter nulla ei res unquam in percunctando posita fuit , quæ homini nova atque inaudita esset , & de qua non subito posset scientissime copiosissimeque dicere .

XII. His multiplicis doctrinæ atque omnigenæ eruditionis præfidiis accessit poeticum plane ingenium , sine quo nihil hac in arte , quod laude dignum sit , homini tentare fas est . Omnino in eo inerat illa inflammatio animorum , & poeticus furor , a Platone & Democrito in Poetis requisitus , quo vere agi Poetæ , & extra se rapi dicuntur . Qui quidem concitatissimi effervescentis animi motus nisi a natura inditi sint , frustra eos arte commovere aggrediaris atque excitare , ut plane constet , quod communi sermone tritum est , *Poetam nasci , Oratorem fieri* . Præter illam , quam diximus , inflammationem animi , &
furo-

furorem , acerrima erat in eo cogitandi commentandique vis , qua fiebat , ut statim , quæ dicenda erant , occurrerent , & momento temporis ordine disposita poeticis insignibus ornarentur . His copiis instructus , atque adeo locupletatus , & ipsa non hortante modo , sed etiam incitante natura , ad poeticam artem accessit .

XIII. Dicendum nunc qua potissimum occasione ad subitæ Poesis genus impulsus fuerit . Florebat Senis eo tempore , eximia ingenii fama , Joannes Baptista Bindius Poeta extemporalis . Hic eo plurimum . Poesis genere delectabatur , quod a Francisco Berno , qui in eo princeps excelluit , *Bernesium* dicitur . Humile quidem , & ad familiarem sermonem quam maxime accedens hoc poetici carminis genus est , sed idem hac ipsa de causa longe difficillimum . Abundat enim lepore quodam suo , & nativa quadam simplicitate commendatur , quæ ei incredibilem conciliat venustatem . Duas autem res inter se componere sic , & temperare , ut humilitas dignitati non officiat , adeo arduum ab intelligentibus judicatur , ut pauci admodum hoc in genere carminis excellentes habeantur . Audiebatur hac de causa summa admiratione Bindius , & mirificis in cælum laudibus efferebatur . Audivit hominem Perfettus ; audivit & suspexit ; nec vero non ejus animum subita quædam & acris pupugit æmulatio . Accessit &

B 3 .

aliud



aliud incitamentum , quo Perfettus & acriter excitatus fuit , & incredibilem in modum ad excolendum repentinæ Poësis genus inflammatus . Cum urbem , æstivo nocturno tempore , perambicaret , magna stipatus amicorum caterva , improvise animi impetu coram earum nobilium Familiarum , quarum ædes forte prætergrediebatur , laudes extemporali carmine celebrare cœpit . Hoc autem tanta felicitate præstitit , ut , obstupefcentibus omnibus , & leporem carminum , & promptam ingenii vim demirantibus , summis laudibus cumulatus fuerit , & prope triumphalibus acclamationibus domum usque suam deductus . His initiis ad famam extemporalis Poetæ , existimationemque omni opinione majorem evasit .

XIV. Verum , etsi ad omne Poeseos genus se a natura elaboratum probe nosset , videretque nihil sibi , eorum deesse , quæ ad subitæ etiam Poeseos discrimen sine temeritatis nota subeundum requirebantur , consilio tamen usus hanc tentare publice aleam prius noluit , quam privatim poeticæ hujus ipsius facultatis suæ periculum faceret . Admissi primum amici , qui aliquid , de quo ex tempore versus effunderet , proponerent , tum alii subinde , atque alii , & ad interrogandum submissi , & ad audiendum introducti . Res e sententia succedebat , & frequens exercitatio hominem alias promptum confirmabat . Itaque cum

nova, quæ in dies capiebantur, tentamenta, certam spem de felici exitu attulissent, tandem amicis ipsis suadentibus, atque adeo impellentibus, e privatis latebris emerſit, & in publicum conspectum hominum lucemque progressus est; tantumque ingenium atque exercitatio valuit, ut Perfettus ipse, non solum publico se tuto credere posse existimarit, sed nullum etiam sibi in posterum vel lectissimum convenum refugiendum duxerit ac reformidandum.

XV. Atque hic, dicam primum, quæ se modo in edendis ex tempore carminibus gereret, dicturus subinde de singulari plane atque admiranda poetica ejus hoc in subito genere fundendorum carminum facultate. Sedebat ipse loco edito, ut commodius a circumfusa multitudine audiri posset. Assidebat Citharædus, qui hos aut illos, pro ejus imperio ac libito, & pro multiformium varietate carminum varios faceret modos. Versus cantando pronunciabat, quod eo valebat, ut & aliquid ad cogitandum haberet spatii, & numerosius carminum inciderent pedes. Sono autem excitabatur plurimum, & ad pedum ipsorum mensuram certius dimetiendam multum juvabatur. Frigida inter canendum uti solebat, ad fauces nimirum recreandas, & ad nimium fervorem, quo incendebatur, restinguendum. Tria fere ex diversis facultatum & artium petita generibus ei in percunctando ponebantur, quibus cum satisfecisset, quartum addebat car-

men , quo sic illa , de quibus dixerat , etiamſi inter ſe maxime diſſidentia eſſent , illigabat , ut aliud ex alio quam aptiſſime conſequeretur , & unum quiddam ex multiplici rerum vel diſjunctiſſimarum copia coaleſcens efficerent . Poſtremum hoc carmen , & avidius expeti ſolebat , & libentius audiri , in quo ſecum ipſe Poeta certare videbatur , ut , cum in prioribus Poetas viciffet omnes , in hoc ipſe ſe ſuperare exiſtimaretur .

XVI. Nullum exſtitit carminum genus adeo implexum & difficiles exitus habens , a quo refugeret , & quo nullo diſcrimine non uteretur . *Rima* , quæ appellatur a noſtris , & quæ Poetarum ingenia torquet , & in maximas perſæpe conjicit anguſtias , ita ſemper ei præſilo fuit , ut nunquam illi ſua ſponte non occurrerit . Quod quam prope miraculo habendum ſit , experti norunt , qui eam ſæpe non exauditi arceſſunt , ut propterea una cum verbis ſententiam invertere , & non raro ſententiam ipſam cum alia commutare adigantur . Perfettus contra , ut ſe mente ac cogitatione in verſum conjecerat , verba ſimiliter deſinentia prompta ad nutum , ac plane obſequentia habebat , perinde quaſi ea in re nihil operæ poneret . Vere illud , & ſine aſſentatione dici videtur poſſe , Perfetto vel non cogitanti ſponte ſua verſus occuſſiſſe , ex ejuſque ore effluſiſſe ſic , ut verſus ipſi ſibi viam , unde emergerent , ultro aperirent . Uſus certe , & aſſidua exercitatio ad hoc plurimum contulit ; ſed tamen ;

men, summo sine ingenio, & divina quadam ad hoc ipsum habitudine, res profecto tanta perfici non potuisset.

XVII. Inter omnia (hoc autem exterorum gratia, quibus potissimum scribo, ut jam inde ab initio significavi, dictum sit) inter varia Italici carminis genera, admodum difficile Heroicum, sive Epicum habetur, quod, præter styli granditatem, memoriæ vim requirit maximam, propter varios carminum exitus, & certa lege definitos. Hoc enim carmen ita circumscriptum est, ut quibusdam veluti sedibus contineatur, quæ *Octavæ* appellantur, propterea quia versus octo comprehendunt, quorum postremæ voces sic alternant, ut novissima vox primi versus, novissimæ tertii & quinti, novissima vero secundi novissimæ quarti, & sexti versus sono respondeant; duo autem postremi versus sibi invicem assonent, atque eodem exitu numerosè claudantur. In hac vero tam difficili versuum eo, quo diximus, modo alternantium & numerosè cadentium coagmentatione, non solum feliciter excelluit, ut ne syllaba quidem una deficiente versus ipsi claudicarent; sed hanc ipsam difficultatem incredibiliter exaggeravit. Sic enim consequentem *Octavam* ordiebatur, ut eodem verborum exitu, quo priorem concluderat, uteretur. Itaque, tametsi quinque omnino vocabula similiter desinentia necessario in promptu habenda essent, nihil tamen unquam a quoquam,

quam, etiam si auditum acueret, atque attentionem intenderet, in Perfecti carminibus notatum est hians, nihil discrepans, nihil absouum, quod aures feriret; immo vero omnia animaduersa perfecte exacta ad mensuram, ad leges, ad sonum. Quod de heroico carmine diximus, idem de brevi illo epigrammate, quod *Sonetto* appellamus, intelligendum est, in quo, ut fere in omni Italico carmine, certa lege variant exitus, & vocum incidunt percussiones. Sed illud etiam in hoc erat singulare, quod, si quando ad canendum brevi huiusmodi poemate provocaretur, non ante ad rem propositam veniebat, quam eodem Poeseos genere usus humanitatis ergo responderet, ita tamen, ut se ad eosdem, quibus fuerat provocatus, verborum exitus adigeret. Præcidam. Nemini tam in sua potestate est loqui, quam fuit Poetæ nostro versus fundere, quos formabat ad arbitrium, detorquebat, quo vellet, & etiam non arcessitos ad rem, ad usum, ad omnem opportunitatem quam promptissimos habebat.

XVII. Neque vero magis laborabat in rebus, propter eximiam eruditionem, & singularem in omni facultate & doctrina sibi quæsitam, ut diximus, summo studio & non intermissa legendi contentione præstantiam. Nihil unquam tam longe e penitioribus facultatum ipsarum recessibus erutum, cuiusquam arbitrato, ab eo quæsitum fuit, quo, ne tantisper
qui.

quidem , argumenti sive novitate perculsus , sive difficultate deterritus commoveretur . Ejus rei toties certissima edidit documenta , quoties , infinitis prope percunctationibus , tentata ejus doctrina atque eruditio fuit . Romæ cum esset , nescio quid ad Divinam Gratiā pertinens , eque penitissima Theologia depromptum ab eo requisitum est , cui egregie adeo & subtiliter fecit satis , ut Bernardus Vargas S. J. Hispanus , Theologus in primis , ex veteri illa disciplina , acutus & acer obstupuerit , nec quidquam , neque pressius , neque certius dici ab excellenti Theologo potuisse affirmari . Bononiæ vero , cum in Collegio S. J. ad confertissimum doctissimæ illius civitatis conventum more solito versus funderet , Cæsar Calinus , editis in sacram Scripturam Commentariis vulgo notus , ejus eruditionem tentare volens , proposita ex libris Regum quæstione valde implicata , hominem in angustias adigere conatus est . Rei difficultate nihil perturbatus Perfettus , non docte solum propositam quæstionem dissolvit explicavitque ; sed oblatam etiam , ostendendæ memoriæ & expromendæ eruditionis , in re multo difficillima , occasionem sibi elabi non sivit . Etenim Reges omnes tum Judæ , tum Israelis enumerare instituit , eorumque seriem , acclamantibus omnibus , & tantam memoriæ atque eruditionis vim , quantam nunquam antea suspexissent , admirantibus , recensuit atque contexuit .

XIX. Porro ex his , quæ reconditiorem doctrinam requirunt , facilis est conjectura de reliquis , quæ ex aliis facultatum & artium generibus non adeo seposita atque abdita , ac propterea multo faciliora atque expeditiora proponebantur . Dici universe potest , Perfettum hæsisse nunquam , & in discrimine impeditissimo constitutum semper explicasse se , & felicissime expeditisse . Ipsa retrusa atque abdita Mathematicorum adyta nunquam ei fuerunt impervia ; in ea , quoties aut occasio se obtulit , aut interrogationibus adactus est , toties non minus feliciter ingenio suo penetravit . Quare supervacaneum , & nimis lectoribus molestum esset , per omnes facultates excurrere , quas ille inoffenso pede peragrabat universas . Hæc cum vulgo & passim de Perfetto prædicarentur , non defuerunt , qui ea credere negarent . Videbantur enim incredibilia , & quæ humani ingenii modum superarent ; augente , uti plerumque fit , res fama , & supra veritatem efferente . Sed ii ipsi ad audiendum Perfettum invitati , & de quaque re , quæ magis eis arrideret , & quantum ipsi investigando assequi poterant , abditioribus e locis deprompta , illum interrogare compulsi , quam fidem narrantibus habere nolissent , habere sibi coacti sunt , & similia , atque alii sibi de Perfetto prædicarant , ipsi aliis de eodem prædicare .

XX. Atque ut nihil hic de ejus poetica laude
omitta.

omittamus, præter incredibilem in fundendis versibus felicitatem, præter eximiam doctrinam, præter singularem eruditionem, nulla existit poetica virtus, quæ in eo non admirabiliter eluxerit. Elegantia, delectus, nitor, venustas in verbis; ordo, series, nex-
us in sententiis; veneres denique ac lepores omnes, quæ Italicam Poesim ornant, in Perfetti carminibus eminebant. Pro rerum tractandarum varietate & modo, varius ipse & multiformis; gravis idem & facetus; grandis idem & sublimis, idem, si res posceret, demissus & humilis; acer interdum & vehemens; interdum lenis & placidus; aliquando inter utrumque extremum incedens, mira quadam mediocritate, nec nisi a poeticæ artis peritissimis æstimanda, temperatus. In rebus vero humilibus ejus mirabiliter elucebat ars & venustas. Ad ipsam naturam suis exprimendam coloribus accedebat sic, ut nihil neque verius pingi posset, neque elegantius. Pastores, & id genus hominum agrestium atque simplicium, pueros puellasque, sic loquentes inducebat, ut non Poetam, sed illos ipsos, qui inducebantur, te audire existimares. Tanta erat imitatio naturæ, tam apte, tam scite, tam ad rem, ad tempus, ad locum efficta persona.

XXI. Hujus rei carmen illud exemplo esse potest, quod summa voluptate auditum, Italia tota celebratum fuit. In hoc puella rustica inducebatur, sic enim

enim positum fuerat, quæ in civis domum ingressa, & subito speculi camino hærentis objectu, quæ nihil simile unquam vidisset, obstupescita, perinde de eo loqui cœpit, ac si speculum illud re ipsa chrysellinum non esset, sed eo loco aqua glacie constricta obrigisset. Hac falsa quidem persuasione decepta, sed quæ mirabiliter ejus conditionis puellæ ingenio conveniebat, civium præ rustica simplicitate extollit ingenium, qui ita gelu fontes durare artificio noscent suo, ut subiecti calore ignis minime colliquefierent. In hoc autem ipso exprimendo tot tantique dubitationum ambagibus incertam, hærentem atque ancipitem puellam fecit, & tam apte ad rem propositam loquentem, nihil ut ad exprimendam naturam neque verius, neque venustius potuerit excogitari. Carmina, quibus hoc ipsum expressit, statim a concione fuerunt arrepta, ac memoriæ mandata, & probata sic, ut in vulgus edita passim a populo canerentur. Nec minori tunc usus felicitate fuit, cum alteram puellam rusticam perinde de Solis eclipsi loquentem fecit, ac si ob Lunæ Sponsæ obitum, ejus desiderio lugubrem Sol vestem sumpsisset. Hæc hujusmodi sunt, ut quivis mirificam naturæ imitationem facile in iis cernat atque suspiciat.

XXII. Verum non in humilibus solum hujusmodi argumentis præcellebat; sed etiam singulariter eminebat in grandibus. In his acerrima illa, quæ Poe-

tas

as facit, eosque *secernens populo*, ut ait ille, prope *Dis miscet superis*, cogitandi ac commentandi vis quam maxime dominabatur. Grandes in rebus grandibus imagines insigniter exstabant, & audientium animos vehementer percellebant. Quanta cum dignitate, versus coram Clemente XI. more suo fundens, in poema curram illum Ezechieli per speciem oblatum induxit! quam apte in mysticis quatuor animalibus curram trahentibus Sanctorum virorum Pii V. Andreae Avellini, Felicis a Cantalicio, Catharinae Bononiensis, quibus Clemens ipse sacros honores haud ita pridem indixerat, præcipuas virtutes adumbratas, atque adeo expressas auditoribus exhibuit! Rerum, quæ tractabantur, magnificentia ejus erigebatur animus, nec minus ipse res sublimius ac magnificentius tractando extollebat. Qua de causa multi ei fuerunt auctores, ut Poema epicum scribendum susciperet, & Torquati Tassi in eo carminis genere principis gloriam æmularetur; sed ipse, propter eas, quas infra commemorabimus, causas, a scribendo semper abstinuit.

XXIII. Furor vero poeticus, quo corripiebatur, omnem prope superat fidem; nec, nisi ab iis, qui eum audierunt, qualis quantusque fuerit, judicari potest. Fuit enim inusitatus omnino, admirabilis, atque ei unice proprius ac singularis. Inter canendum adeo inflammabatur, ut prope furere, & extra se
rapi

rapi videretur. Quæ in Poetis mirabiliter expressa de Vatribus ac Bacchantibus leguntur, poeticum Perfecti furorem vix adumbrant. Cæsar Calinus, de quo supra mentionem fecimus, divinum illum æstum, quo Prophetæ & instincti & acti dicuntur, non expressius, quam in Perfecto, cerni potuisse affirmavit. Ardebant Poetæ oculi, incendebatur facies, anhelabat pectus, toto ex ore poeticus furor eminebat. Quotiescumque furore hoc agebatur, tum eum neque ipse Citharædus, vel digitis super chordas evolantibus, consequi poterat. Incitatissimus erat verborum cursus, vix ut sententias animo ac cogitatione auditores assequerentur; rerum vestigia quidem cernerent, res autem ipsas cernere vix possent. Usque adeo effugiebat oratio, & tanta tamque præceps celeritas erat & verborum, & sententiarum. Ipse vero exhaustis spiritibus prope exanimatus, cum finem canendi faceret, consistere vix pedibus poterat. Notem, quæ cantum consequiebatur, transigere cogebatur insomnem, nec sanguinis motus, & conceptus calor, nisi longo post tempore, & conquiescebat, & deservescerebat.

XXIV. His de causis summa semper cum admiratione auditus est. Illa, *euge, bene, præclare*, & illa alia, *non potest melius*, jam obsoleverant, & ipsa assiduitate viluerant. Non suppetebant verba satis idonea, quibus ei tantam sapientiam, tamque admi-
miran-

mirandam in poetica extemporalī facultate præstantiam homines gratularentur. Non hominem eum quidem, sed spiritum quendam e supernis sedibus in terras delapsū prædicabant, & prope tanquam Deum admirabundi atque obstupescētes intuebantur. Antonius Maria Salvini, vir ille Italia tota scriptis suis celebrissimus, cum primum Perfettum audivit; *Mirares!* exclamavit, *ego vix aliquot versiculos, qui mihi probentur, ad pluteum sedens extrico, ac per otium extendo; iste vero tot, eosque optimos uno spiritu versus effundit.* Ad eum audiendum turmatim undique concurrebatur. Aularum laxitudo maximarum ad capiendam confertissimæ concionis frequentiam angusta erat, etiam si vulgaris conditionis homines excluderentur, & tantum viri docti ac nobiles admitterentur. Audiebatur summa attentione, & stipata multitudo ab ejus ore pendebat sic, ut attonita videretur. Nemo hīscere audebat; silentium summum, summa admiratio, nisi quod subiti interdum plausus a concione extorquebantur, quibus Poetæ acclamabatur. His interpellatus cantum cogeatur abrumpere, donec ille exsultantium animorum motus conquiesceret. Tota Italia ejus fama atque opinio percrebuerat, ut de eo non aliter homines loquerentur, ac de monstro atque prodigio. Certatim, & pluribus allegationibus a præcipuis Italiæ urbibus expetitus fuit; nemo erat, qui hominem non audire cuperet, de quo tanta ac

tam inusitata & ferebantur, & prædicabantur. Viri principes non raro ejus unius audiendi causa Senas se contulerunt.

XXV. Sed ante quam de poetica Perfetti facultate dicere desino, illud minime prætermittendum est, quod superiores ejus hoc in genere laudes longe antecellit. Id autem accepi a clarissimo & doctissimo viro Francisco Maria Corsetto, qui cum jam dudum animadvertisset Perfettum, tum propter ingravescentem ætatem, tum etiam propter affectæ valetudinis incommoda, valde canendo defatigari, forte una cum eo extra urbis mœnia inambulans, *Quintu*, inquit, *versus sine cantu fundis?* Reposuit Perfettus, *Versus sine cantu fundere! hoc enim vero fieri nequaquam potest; tale aliquid nunquam expertus sum.* Cui Corsettus, *Experire nunc*, & continuo ei Œdipum Regem Thebarum posuit, qui vastitatis, quam regno suo pestis importaverat, causam ab Oraculo fiscitatus, eam culpæ potissimum suæ, a se tamen ignoratæ, tribuendam didicit. Aggressus argumentum Perfettus centum optimorum versuum, quas supra diximus *ostavas*, amico, supra quam dici potest, rei insolentia & novitate perculso, ac prope attonito, uno spiritu pronunciavit. Pestem tetris adeo coloribus depinxit, ut nihil magis; in Œdipi vero sensus pervadens ita eos expressit, ut nihil sebiilius, & ad commiserationem excitandam accommodatius

tius dici potuerit . Hoc profecto si caret exemplo , in hoc non excellens supra reliquos , sed unicus affirmari Perfettus debet .

XXVI. Extraordinariæ porro virtuti ac singulari extraordinarius ac singularis profecto honos debebatur . Hunc Perfettus consecutus est , non quidem ab ipso , contra atque fieri soleat , petitum , sed ei ultro delatum , quod in maxima ejus laude ponendum est . Fuerat Perfettus Romæ jam inde ab anno MDCXCII. & expectationem illam , quam absens de se commorat , præsens longe multumque superaverat . Hoc enim usu ei venire solebat , contra atque in aliis summis etiam viris accidat , ut ejus famam præsentia non minueret , sed augeret . Auditus tum a Clemente XI. Pont. Max. fuit , qui eum & plurimum suspexit , & mirifice collaudavit . Ad Urbem iterum , in comitatu Violantis Bavaræ , reversus , quam de se opinionem discedens reliquerat , eandem eodem rediens quam florentissimam ac recentissimam offendit . Percrebuit statim tota Urbe advenisse Perfettum , & maximi ad eum nobilium ac doctorum hominum facti concursus . Erat tunc Pontifex Benedictus XIII. . Hic cum mira quædam atque inusitata de poetica Perfetti facultate vulgo ab omnibus celebrari audiret , illum Laurea publice in Capitolio honestare constituit .

XXVII. Ne vero tantus honos Violantis gratiæ tri-

butns, sed uni virtuti decretus videretur, iussit non eum ante donari Laurea, quam & omnigenæ, quæ de eo ferebatur, doctrinæ, & poeticæ facultatis singulare specimen ederet. Itaque factum est. Constituti tres specimini dies, quibus divisim percunctantibus responderet, lecti, qui interrogarent, destinati Iudices, qui sententiam ferrent. Duodecim quæsitæ sunt ex diversis facultatibus & artibus deprompta, ex Theologia, Philosophia, Mathematica, Jurisprudentia, Ethica, Poetica, Medica, Gymnastica, Historia, atque ex universa Philologia. Quo ordine quæsitæ fuerunt, singulis a Perfecto, in doctissimo lectissimoque conventu, satisfactum. Adfuit semper Violantes, cui honoris & observantiæ ergo, e duodecim percunctationibus postrema reservata fuit. Tria proposuit argumenta Violantes, ut e tribus unum optaret. Negavit Perfectus in argumentis sibi a Domina sua propositis liberum optioni esse locum. Itaque de tribus dixit, & quæ proposita fuerant, elegantissimis carminibus exornavit. Jam, quod necesse erat, a Iudicibus pronunciatum; *Perfectum Lauream Coronam videri meruisse*, idque eo magis, quod si unquam alias, hoc certe edendo poeticæ facultatis suæ specimine, divinitus cecinisse existimatus est. Eodem autem tamquam cumulus illud accessit, quod cum tria fere diversi generis argumenta colligare consuesset, tunc, præter omnium expectationem, omnino duo-

duodecim , immo vero quatuordecim adstrinxit , & admirando epilogo in unum copulavit . Hæc res adeo Perfetti obrectatores perculit atque attrivit , ut ejus honori obfistere aufi non fuerint . Ipsa invidia fuffragium contulit fuum , & meritiffimum hominem nullo non honore dignum judicavit .

XXVIII. Decreta igitur Corona laurea , dicta folemni-
tati dies , delectus ampliffimo honori perfpectæ viri-
tuti tribuendo locus omnium ampliffimus , Capitolina
nimirum Aula , ingenti laxitate capax , & magnifi-
centiffimo ædificio nobilis ; ejus parietes aureis feri-
cisque periftromatis conveftiti funt , area dirempta
cancellis atque descripta , & fuus quibusque princi-
pibus Urbis Ordinibus assignatus locus . Tota Urbs
tanta excita celebritate , & fuis prope fedibus com-
mota eft . Viæ omnes , quibus tranfiturus erat Perfet-
tus , incredibili confluentium multitudine ftipatæ , ac
prope obfefsæ ; fenestræ pendentibus auleis exornatæ ;
e fenestris denfi humeris fpectatores , qui tantum vi-
rum de facie faltem cognoscere avebant . Perfettus
aureo curru invectus , & ea pompa prope regia , qua
vehi per Urbem P. R. , quos vocant , *Confervato-
res* folent , magno affeclarum famulorumque comitatu,
ab Archigymnafio Romano , unde difcefferat , ad Capi-
tolium venit . Omnium oculi in unum converfi ,
omnium oculos unius modestia perculit : Ut venit ,
in Aulam Capitolinam introductus eft , quam nobiliffi-

simis confertam spectatoribus offendit. Aderant S.R.E. Cardinales, Regum ac Principum Oratores, Præfules, Proceres, Patricii, Litterati viri, totus denique Romanæ Nobilitatis ac Sapientiæ flos. Ipsa in primis Violantes aderat, quæ præsentia sua tantam celebritatem honestavit, & illustriorem effecit.

XXIX. Perfettus, cujus gratia tanta solemnitas indicta fuerat, per medios Proceres incessit, & ad *Conservatorum* solium accessit. Hic ad Marii Frangipanii Senatoris Urbis pedes accidit, a quo humanissime exceptus, solemnî ritu his conceptis verbis Corona laurea donatus est; *Eximium hoc Poeticæ laudis decus, quod tuo capiti impono sub felicissimis auspiciis SS. D. N. Benedicti Papæ XIII., Eques egregie, sit publici non minus erga te studii argumentum, quam obsequentissimi animi erga amplissimam ac plane regiam benevolentiam, qua decoraris. Cui Perfettus; Poetica laurus immeritæ imposita fronti excelsum Sanctissimi Patris ac Pontificis Papæ Benedicti XIII. munificentiam, effusamque S. P. Q. R. erga me voluntatem testatur; quarum utraque aut honore dignos invenit, aut facit. Invitatus subinde a Jo. Mario Crescimbenio Custode Arcadiæ ad gratias extemporali carmine agendas, has, quantas maximas potuit, egit, solita usus felicitate, nec minore modestia, ut difficile dictu sit, utrum illa majorem admirationem commorit, an hæc, in tanto honore capiendo, ei benevolentiam conciliarit.*

XXX.

XXX. Talis autem ac tantus honos aliis honoribus cumulus est. Civitas Romana impertita; facta potestas, ut jure suo & Lauream ferre, & eandem in gentilitium stemma inferre posset. Quæ acta sunt, omnia diligenter perscripta, & typis edita; in tabulas quoque publicas relata, & in ipsum tabularium Capitolinum ad memoriam tantæ rei posteritati prodendam illata. Cusa etiam eodem tempore, tum Romæ, tum alibi ænea fuerunt numismata, quibus Perfecti effigies capite laureato ad vivum expressa exhibebatur. Porro Arcadum Cœtus, cui, Alauri Eurotæi sortitus nomen, adscriptus erat, honorem Sodali delatum jure etiam ad se pertinere existimavit, sic, ut in uno homine Arcadum Cœtus ornaretur universus. Itaque, editis lætitiæ significationibus, atque poeticis indictis acclamationibus, voluntatem erga Collegam, benevolentiamque ostendit suam. Præterea consentientibus Cœtus universi suffragiis decretum est, ut eo in loco, ubi conventus haberi solent, perpetuo ejus exstaret effigies, tum in nemore Parrhasio ei inscriptio poneretur, tum denique uti Pastor Arcas *Laureatus* in posterum appellaretur, ad reliquorum discrimen, qui Arcades tantum Pastores nominantur. Externis etiam Coloniis litteræ missæ, quibus de honore in Perfectum collato factæ sunt certiores. Senenses vero, in quos maxima certe pars tanti honoris redundabat, communi consilio decre-

runt ; primum , ut Summo Pontifici gratiæ publico nomine amplissimæ agerentur ; deinde , ut in urbis aula ejus effigies inter illustrium virorum imagines , atque alia item effigies in eo gymnasio , ubi Juris prudentiam docuerat , collocaretur .

XXXI. Jam vero tantus honos non ambitione quæsitus , sed virtute partus , quanti faciendus sit , facile æstimare poterit is , qui animum ad urbem , ad locum , ad judicium , & ad honoris ipsius genus advertat . Urbs , Roma caput gentium fuit ; Locus , Capitolium , Urbis & Orbis amplissimus ; Judicium hujusmodi , ut declararetur , honorem non gratiæ donari , sed virtuti tribui ; Honoris denique si spectetur genus , eo neque majore affici Poeta , neque vero majus a Poeta expeti potuit ; quippe qui , post hominum memoriam , non nisi paucissimis , iisdemque sapientissimis viris collatus est . Hunc eodem in loco Franciscus Petrarca tulit ; Torquato Tasso decretus quidem fuit , sed morte interceptus ad eum obtinendum non pervenit . Tanta autem , quantam ostendimus , dignitate auctus Perfettus , & honoris culmen attigit , & ad summam extemporalis Poetæ famam existimationemque pervenit . His contentus , sapienti consilio , votis modum imposuit suis . Quapropter consulto a scribendo abstinuit . Non defuerunt , ut dixi , hortatores , qui eum multis rationibus ad scribendum impellere conarentur , sed hac in re nunquam

quam iis morem gerendum sibi esse existimavit. Maluit enim obsecundare naturæ, quam quidquam agredi, illa renuente atque invita. Qui vinculis omnibus expeditus spatium libere, quo vellet, assueverat, nihil oderat magis, quam arctari pedicis, quæ cum adstringerent & incitatum illum, quo ferri solitus erat, cursum aut interciperent, aut retardarent. Requisitus interdum, ut poema aliquod conscriberet hoc fere responsum dabat; *Si calamo me distantem consequi poteris, tum istuc, quod flagitas, habeto; si secus, mihi molestus esse desinito*. Non tamen semper efflagitatorum effugere importunitatem potuit, & nonnulla scripto mandavit; sed quæ repugnante natura scripta erant, nullo modo ejus poeticæ facultati respondebant.

XXXII. Quare, etsi operæ fortasse pretium fecisse videri potest is, qui collecta Perfetti carmina aut ab ipso invito expugnata, aut, ea cum funderet ex tempore, a librariis excepta publici juris fecit; ego tamen, ut ejus in Perfettum voluntatem laudem, non possum non improbare consilium. Hac enim re, meo quidem judicio, tanti viri famæ atque opinioni plurimum officit. Eo evaserat existimationis Perfettus, ut aliquot raptim descriptis versibus, tamquam adminiculo, ad sublimiorem dignitatis gradum obtinendum, minime indigeret. Nullam scriptam litteram reliquit Socrates Philosophorum ille Parens, nullam
Craf-

Crassus, nullam Antonius, Oratores disertissimi; nemo tamen eos doctissimos fuisse viros negat, quos relicta ab ipsis certissima sapientiae opinio satis posteritati commendat. Quanquam, si librariorum opera talis adhiberi potuisset, qua versus, ut re ipsa effundebantur, exhibiti nobis fuissent, ex iis poeticam tanti viri aestimare facultatem utique possemus. Sed huiusmodi opera desperanda omnino erat, cum ea fere in carminibus fundendis Perfetti celeritas esset, ut illam assequi scriptoris manus non posset. Præterea, quis librariorum inscitiam atque incuriam ignorat? qui vel ea, quæ per otium describunt, mendorum illuvie contaminant, ut nos minus ab iisdem castigatam in scribendi celeritate munditiem requiramus. Huc accedit, quod, si quando istiusmodi homines, quos cane pejus & angue oderat, in concione latere, tanquam in insidiis collocatos, Perfettus suspicabatur, præcipitanter adeo ferri solitus erat, ut manifeste appareret, non tam quid diceret cogitare, quam illud contendere, ut scriptorum celeritatem festinatione sua anteverteret.

XXXIII. His de causis obtineri omnino non potuit, ut Perfetti carmina perinde scripto mandarentur, atque erant ab eo prolata. Multa igitur, ut sententiæ aliquo modo sibi constarent, multa, inquam, addenda, multa fuerunt tollenda, quibus sive additis sive sublatis, necessario tota carminum venustas perire

rire debuit. Nihil enim tenerum magis ac delicatum quam versus, cuius, vel una immutata vocula, omnis continuo perditur elegantia atque corrumpitur. Quare Perfettus ipse huiusmodi carmina sibi interdum oblata pro suis non agnovit, repudiavitque. Ea vero, quæ, cum furore illo suo agebatur, fundebat, & ex quibus Poetæ nostri excellens colligi potissimum facultas debet, nullo modo excipi potuerunt. Quo pacto, quæ celerrima vix cogitatio assequeretur, librarii consequi poterat manus? Non negarim tamen edita Perfetti carmina aliqua dignari laude non immerito posse, si ea qui legat, animadvertat fuisse ab auctore effusa ex tempore, quod nescio, an cuiquam, vel eximio Poetæ, aliquid simile tentanti, eventurum similiter e sententia sit. Sed, si certum de tanto viro iudicium quærimus, non est cur illi longe gravissimo & maximo, quod tota Italia, & Roma ipsa de singulari ejus excellentia tulit, stare recusemus.

XXXIV. Ne vero quisquam forte putet a me Bernardinum Perfettum sic esse descriptum, ut non qualis reipsa fuerit; exhibuerim, sed qualem mihimet ipse animo, parum de historica veritate sollicitus, conformarim, nihil est, quod addam, nisi quod colligi ex his, quæ hætenus persecuti sumus, debet, & necessaria consecutione efficitur. Da mihi hominem acerrimo ingenio, summa memoria, non inter-

misso

misso studio , assidua exercitatione , tum de eo quid-
quid voles excellens atque admirandum narrato ; fa-
cile id non mihi solum , sed cuique probare poteris
ac persuadere . Is autem fuit Perfettus , qui ad eam ,
ad . quam evasit , poetica in arte præstantiam , &
acerrimum ingenium , & summam memoriam , & non
intermissum studium , & assiduam exercitationem ,
omnia denique & naturæ & artis præsidia attulit .
Præterea doctrinæ , & poeticæ facultatis suæ toties
periculum fecit , quoties versus fudit ex tempore ;
id autem non privatis in latebris , sed luce palam ,
non amicis solum præsentibus & plaudentibus , sed
in lectissimis doctissimisque conventibus , non Senis
tantum , & in Patria , quæ caritate quadam civi suo
favere poterat , sed extra Patriam , sed in principi-
bus Italiæ urbibus , sed semel atque iterum Romæ ,
urbe omnium principe , sed ubique , prout se tulit
occasio , coram viris harum ipsarum facultatum , quas
Perfettus profitebatur , scientissimis , & acerrimis
æstimatoribus ; ipsis denique aut invidis , aut incre-
dulis difficillima quæque percunctantibus , & certa de
hominis doctrina atque eruditione tentamenta capien-
tibus . Præterquamquod ego non de homine scribo ,
cujus memoria de antiquitatis sinu mihi sit eruenda ,
de quo quidvis possim libere comminisci , nullius
refellente testimonio . Hæc litteris prodo de viro haud
ita pridem vit a functo , qui non multos ante annos
flo-

floruit, cujus laudes in ore omnium adhuc sunt, & vigent, quem prope innumerabilis hominum multitudo & audivit, & suspexit. Horum autem cum non pauci etiamnum vivant, ego certe, si mentirer, eos impudentiæ meæ testes esse nollem. Quamobrem in his ipsis scribendis mihi magis providendum fuit, ne quid de vera laude Perfetto detraherem, quam ne ei aut falsam, aut exaggeratam assignerem; & verendum potius, ne hæc ipsa, quæ memoriæ mandavi, tanti viri merito, atque opinioni minus respondeant.

XXXV. Diximus de poeticis Perfetti studiis, nunc reliqua, & vero præcipua, de Christianis ejus virtutibus persequamur; in his enim excelluit maxime. Has ego si paullo diligentius colligam, non opinor me in cujusquam reprehensionem incursum, sed gratiam potius apud bonos omnes initurum. Etenim ille mihi nunquam probatus mos fuit, neque vero a quoquam probari potest, litteratorum hominum, qui Christiani sunt, vitas ita scribendi, ut nulla in eis Catholicæ Religionis significatio edatur. Refúgit enim vero animus, cum de quodam admodum erudito viro scriptum legi, *Eum in pulcrarum artium, quas vivens dilexerat, sinu spiritum exhalasse*. Absit hoc a me, qui mihi viderer injuriam Perfetto irrogare, si quas ipse præ se tulit virtutes, eas ego silentio tege-rem, ac dissimularem. Immo vero proferantur, at-
que

que ad litteratorum hominum & exemplum & incitamentum proferantur, ut plane omnibus constet posse summam doctrinam Christiana cum professione conjungi. Inter cæteras Perfecti virtutes, ejus maxime semper eluxit modestia, quæ propria quædam ejus virtus exstitit ac singularis. Atque hæc quidem virtus tanto in eo admirabilior fuit, quanto majoribus, cum viveret, honoribus ipse cumulatus est. Efferebatur passim summis & miris laudibus, audiebatur semper admiratione summa, nemo se non beatum putabat, qui ejus colloquio, aut saltem aspectu frui posset, doctissimos quosque sui præcones habebat; nullum tamen unquam, in tanta honorum copia atque affluentia, aut arrogantia, aut insolentia indicium dedit. Alio derivabat laudes; si id minus poterat, eas verecunde excipiebat. Nihil de se unquam magnifice prædicavit, & qui probe suam in poetica facultate excellentiam norat, malebat eam premere silentio, & extenuare verbis, quam, aut aliquo modo significare, aut multo minus eam gloriosius efferre, atque jactantius amplificare.

XXXVI. Sed hoc fortasse vel Philosophi norunt, quorum præceptum est, servandum esse in rebus modum, & præ se in omnibus ferendam modestiam. Illud vero in eo Christiani hominis proprium fuit, nihil sibi arrogare, sed omnia ad Deum, a quo, tantumquam a fonte, cuncta in nos bona redundant, ut par est.

est, referre. Cum ei Clemens XI. Pont. Max. summam doctrinam, & in arte poetica præstantiam gratularetur, modelle respondit; *Hoc, quidquid est, Beatissime Pater, Dei munus esse profiteor, qui, ut Balaami jumentam loquentem fecit, ita me Poetam facere voluit; haud sane possumus in iis tanquam propriis gloriari, quæ ab alio accepimus.* Hac ipsa occasione cum Ursulæ Matri rescriberet, ad quam honorum, quibus in urbe afficiebatur, fama pervenerat, honores hos ipsos divinæ erga se bonitati, & misericordiæ, his enim verbis utitur, unice tribuendos affirmavit. In alia item epistola ad eandem data, scribit se ante, quam Urbem ingrederetur, in eo consiliisse Sacello, quod Romam venientibus secus viam occurrit, ubi Christus S. Ignatio S. J. Conditore per visum oblatus se ei Romæ propitium fore illis verbis; *Ego vobis Romæ propitius ero*, recepit; hoc ipso in Sacello, ait, Christum enixius orasse se, ut sibi quoque eadem in Urbe adesse vellet; & vero, subdit, ut exitus ipse demonstravit, exorasse. Et sane primo illo suo adventu sic Urbem percussit, ut totam sui nominis fama ac celebritate prope concusserit. Quibus exemplis litterati viri docentur, & modeste de se sentire, & Deum bonorum omnium auctorem agnoscere.

XXXVII. Accessit modestiæ pudor quidam singularis & verecundia, quæ modestiam ipsam incredibiliter

biliter ornabat . Ea propter a tractandis prophanis amoribus semper abstinuit , atque adeo abhorruit . Nunquam illa via lascivientium Poetarum vestigiis trita , quorum oderat procacitatem , incessit , ab eaque exemplo suo incantam juventutem removit . Si quando aliquid hujusmodi ab eo quæreretur , ea graviter dicebat , quæ percunctantis petulantiam retunderent , & vero quibus percunctantem ipsum erubescere adigeret ; si minus id posset , propter percunctantis auctoritatem , alio detorquebat carmen suum , & multa de divino amore persequeretur , ut fatis ostenderet , nihil malle se , quam omnium mortalium corda cælesti illo igne inflammari .

XXXVIII. Quod ad Catholicam Religionem attinet, eam ubique præ se tulit , & vero etiam coram alienis a nostra Religione hominibus libere professus est . Huic rei illud documento sit . Versus de more fundebat ex tempore , confessus erat frequentissimus & lectissimus . Aderant inter cæteros nonnulli Heterodoxi , viri principes & nobilissimi . In ipso cantus , quo Perfertus incaluerat , fervore signum de proxima turri insonuit , quo sub vesperam ad salutandam Beatam Virginem Catholici invitamur . Qui non longe a Perfetto sedebant , ei submissa voce insinuarunt , signum ut dissimularet , & cantum abrumperere ne vellet . Interpellatus hoc modo Perfettus stomacho exarsit , & *Enim vero* , clara & elata voce sic ,

sic, ut ab omnibus audiretur, reposuit; *Non faciam; haud enim erubescō Evangelium*. Quo dicto cantum abruptit, & continuo surgens Beatam Virginem conceptis, quibus utimur, verbis salutavit. Quo facto, & se aperte Catholicum declaravit, &, quo erga Deiparam pio devotionis sensu afficeretur, ostendit.

XXXIX. Et sane eximium plane in eo fuit ac singulare erga Beatam Virginem Mariam studium. Qui ea in urbe natus erat, quæ singulari erga Divinam Matrem pietate, uti diximus, commendatissima est, qui Bernardini illius sanctissimi civis sui, ac Deiparæ studiosissimi nomine appellabatur, qui in gymnasiis S. J. adoleverat, in quibus hac ipsa pietate a teneris annis fuerat imbutus, hanc pietatem mirifice coluit. In nullo argumento libentius versabatur, quam cum ei de Virginis laudibus canendum esset. Mira quædam excogitabat, excogitata admirabilius exornabat; in hoc ingenii sui, & poeticæ facultatis vires contendebat omnes, ut de illa & nova, & inaudita, ac prorsus singularia, & acutissime investigaret, & venustissime expoliret. Si quando aliquid ab eo quæsitum esset, quod parum pudice tractari videretur posse, hoc tanquam perfugium habebat, quo se reciperet, & aditum sibi ad Deiparæ laudes celebrandas aperiret, in quibus libere, & sine offendiculo spatiaretur. Qua in re & pudori consulebat suo, & rem purissimæ Virgini gratissimam facie-

bat . Nullam vero elabi sibi occasionem passus est , qua insigni aliquo atque illustri documento pium hoc studium suum testaretur . Statim ab ipso honore acceptæ in Capitolio Laureæ ad sacram B. Virginis Ædem , quæ ad Martyres nuncupatur , recta contendit , ut debitas illi gratias ageret , cui illum ipsum honorem referebat acceptum . Lauream porro Coronam ad Sacellum B. Virginis , quod Senis est in Æde principe , eo titulo , quem supra diximus , dedicatum ab obitu suo deferri voluit , idque testamento cavit , ut Virginis aræ , in perpetuum suæ erga eam observantiæ ac pietatis monumentum , suspenderetur . Est & aliud suæ erga Deiparam pietatis & studii certissimum argumentum . Inter pagellas quasdam a se relictas , in quibus ea , quæ ad animi sui in Christianis virtutibus profectum pertinebant , perscribere solebat , schedula reperta fuit , in qua B. Virginem cum ab omni originis labe fatebatur immunem , tum , interposita religione , se id unquam non sensurum affirmabat , curaturumque præterea recipiebat , ut , quod ipse ea de re & sentiret & prædicaret , idem etiam alii , ipso auctore ac suatore , & sentirent , & prædicarent . Nec vero , quod recepit , non præstitit . Immunitatem illam adeo Virgini gloriosam semper propugnavit , nec ab aliis oppugnari , se præsentente , unquam passus est . Hoc autem quam gratum purissimæ Virgini fuerit , ejus vita caste semper integreque traducta satis aperte declaravit .

XL. Religioforum hominum consuetudine plurimum utebatur, & delectabatur. Homines S. J., a quibus fuerat institutus, singulari benevolentia complexus est, & omnibus grati animi significationibus profecutus. Collegium Ptolemæum, cui suam potissimum liberalem debebat institutionem, frequentissime celebrabat, & in eo prope versabatur assiduus. Feriis Bacchanalibus ad honestam nobilissimæ illius juventutis relaxationem in eo Collegio versus solebat fundere ex tempore, & hunc fere locum ad conventus habendos cæteris præoptabat, si quando a principibus viris Senas venientibus, & eum audire cupientibus, suæ poeticæ facultatis specimen edendum erat. Quod suis moribus Collegium adolescens ornaverât, hoc suis exemplis, & sanctis præceptionibus erudit senex. Dici potest generatim atque univérse, nullum a Perfetto neque Religionis, neque Pietatis prætermissum unquam fuisse officium. Consentiens de eo hæc omnium opinio fuit; hac opinione semper floruit, hanc moribus vivens meritus est, hanc moriens confirmavit, hanc de se post mortem reliquit. Sepositum habebat tempus, quod in rerum cælestium commentatione impenderet. Sæpe ad sacram *Synaxim* accedebat, multo sæpius conscientiæ suæ labes Catholico ritu expiabat. Qui in sempiternum tempus spectare consueverat, eoque curas omnes ac cogitationes direxerat suas, nihil magis cavît, quam

ut cum ne mors nec opniantem interciperet . Quapropter de æterna animi sui salute vehementer sollicitus , nunquam fundendorum ex tempore carminum periculo se committere audebat , quin prius animi sui noxas abstergeret , & Deum sibi conciliaret . Non enim tunc de sua tantum existimatione , sed de vita ipsa agi arbitrabatur ; nec vero sine causâ pertimescebat , ne in ipso concitati animi æstu ac fervore aliquando extingueretur .

XLI. Et vero tale mortis genus ei obtigit , quale suspicabatur . Exeunte Julio anni MDCCXLVII. repentino paralyſis iſtu percuſus eſt . Ea vis morbi fuit , quæ omnem medentum artem vicit , nec ullo adhibito remedio potuit edomari . Relevatus aliquantum , & ſui compos , Kalendis Sextilibus , ad ſe liberos introduci juſſit , eoſque ad omnem virtutem ac pietatem cohortatus eſt . Haud ita multo poſt extrema Catholicæ Eccleſiæ Sacramenta enixe requiſivit , & ſumma religione ſuſcepit ; quibus ſuſceptis intrepidus ipſe & conſtans in communi adſtantium luctu , petita ab Uxore , a Fratre , a Liberis eo abundi facultate , ubi ſe quam beatiffimum fore , & in ſempiternum tempus victurum ſperabat , ipſis Kalendis Sextilibus , pie , ac ſanctè , ut ſemper vixerat , deceſſit . Nemo tanti viri mortem non luxit , mœroremque ex ejus obitu ſuſceptum ſummis doloris ſignificationibus Civitas univerſa declaravit , quæ tan-

to orbata cive summum ornamentum amisit. Laureato capite elatus est, ejusque funus S. Stephani Equites magnifica pompa usque ad urbis portas prosecuti sunt. Inde cadaver, primo ab urbe lapide, in avitum sepulchrum illatum est, quod exstat in templo Fratrum S. Francisci, quos Minores vocant. Exequiæ etiam solemni pompa ab Academia *Introductorum* celebratæ sunt. Laudatus pro concione fuit a Nicolao Joannellio viro doctissimo; idem pietatis officium a se desiderari Collegium Ptolemæum minime passum est. Uxor vero, Liberi, ac Frater magnificum e marmore excitandum ei monumentum curarunt prope Sacellum B. Virginis, cui Coronam lauream appendi testamento jusserat. Monumento insculptum elogium.

XLII. Vixit Perfettus annos LXVI. carus omnibus propter suavissimos mores, & singularem illam suam, quæ ei omnium amorem conciliabat, modestiam. Quos habuit invidos & obrectatores, eos facile lenivit obsequio, & patientia sibi devinxit sua. In quotidiana consuetudine lepore affluens, &, cum res & tempus poscerent, doctrina abundans, ut nemo non ejus colloquio frui maxime cuperet. Non illud in eo vitium, quod *Cantoribus atque Poetis* commune est, qui, nisi rogati, ac multis precibus propemodum expugnati, canere in animum non inducunt. Facile hac in re amicis morem gerebat, &

se audire cupientium voluntati obsecundabat. Doctissimos quosque ætatis suæ viros & admiratores habuit, & præcones. Inter hos præcipue numerandi sunt, Jo. Marius Crescimbenius Arcadiæ Custos, Antonius Maria Salvini, Petrus Crescentius Vassellius, Paulus Rollius, Ludovicus Sergardius, Alexander Guidius, Gregorius Reditus, alique hujus notæ, ac magni nominis viri. Celebriores tota Italia doctorum virorum Cœtus ejus nomen certatim expetiverunt, & Cœtum ipsi suum tanti Poetæ nomine honestare voluerunt.

XLIII. Aliquot post ejus obitum annis vulgata est Romæ ejus vita italice a me conscripta; legitur inter Arcadum insigniorum vitas, numero nono, volumine ultimo ex iis, quæ de illustrium Arcadum vitis prodierunt. Elogium de Perfetto luculentissime scriptum reliquit Joannes Lamius in sua Ephemeride litteraria anni MDCCXLVII. Cæsar Calinus S. J. in Opere, quod inscripsit *Trattenimento Istórico, e Cronologico*, lib. IV. cap. XXII. imaginem Perfetti ad vivum expressam lectoribus suis exhibet. Gregorius Reditus Perfettum Phemio illi Poetæ extemporali, cujus meminit Homerus in *Odyssæa*, comparat, atque hanc comparisonem suis versibus ornat, elegantissimeque persequitur. Vitam Bernardini Perfetti publici juris fecit Romæ elegantissime conscriptam Angelus Fabronius in tertio suarum *Decadum* volumine;

ne ; legitur ordine nona . De singulari Clarissimi harum Decadum Scriptoris doctrina , eruditione , deque aurea latinitate nihil dicam , quod vereor , ne , dum gratus videri volo , ejus modestiæ offensionem incurram , a quibusdam vero nimis fortasse officiosus existimer . Floruit etiam magnorum Principum gratia , Clementis XI. Benedicti XIII. Summorum Pontificum , Cosmi III. Magni Etruriæ Ducis , Violantis Bavaræ , quæ ei quoque multorum Germaniæ Principum benevolentiam conciliavit . Non dubium , quin hac via ad magnas opes evasurus fuisset , si Principum virorum gratiam nundinari ad suum quæstum , ut plerique faciunt , voluisset . Sed ejus modestia effecit , ut importuni efflagitatoris reprehensionem effugeret , excelsitas animi , ut a turpi nundinatione abhorreret . Alia ad opes comparandas honesta sane ac liberalis ei patuit via , siquidem Jus civile non cognitionis tantum , sed lucri etiam gratia adamasset ; sed ad excellentiam in arte poetica natus illam omni emolumento antetulit . Agrum quidem per se valde sterilem coluit , sed qui ei nominis immortalitatem omnibus divitiis potiore extulit .

. XLIV. Fuit statura corporis justa , lata & exporrecta fronte , acribus oculis , toto ore conformato ad dignitatem , quam adjuncta suavitas quædam temperabat . Plures ejus effigies visuntur , & cusæ , & incisæ , & coloribus expressæ ; ejus utinam animus &

virtutes, si non exprimi, aliquo saltem modo adumbrari a me potuissent. Ego quidem meo hoc Commentario aliquam tanti viri imaginem pro mea tenuitate efformare conatus sum, sed plane video quantum ab exemplari discordet. Egomet jam inde annis ab hinc viginti vitam hanc ipsam latine conscripsi, sed quia mihi non probabatur, flammis absumendam tradidi. Viri docti, quibus illam legeram, mihi tunc auctores fuerunt, ut eam vulgarem; ego vero eorum consilio non acquievi. Illud enim persuasum semper habui, aliud esse iudicium aurium, aliud oculorum; remissius illud & indulgentius, acrius hoc atque severius. Verum, cum a me non tam requiri, quam deberi tanti viri excellentiæ viderem, ut ea etiam exteris nota fieret, semel, iterum, tertio experiri non destiti, si quid tandem aliquando succederet e sententia. Cum prope desperata res esset, hæc nescio quomodo repente emerſit vita, quæ etsi mihi plane non satisfacit, omnino tamen non displicet. Si vero hæc ipsa minus probabitur, confido fore, ut conatus saltem in re honesta aliqua laude dignetur, & gratus etiam futurus sit civibus suis, quorum maxime interest, ut memoria tanti viri in omnem posteritatem propagetur.

XLV. Cæterum Bernardinus Perfettus non unus fuit e multis, sed unus in paucis; immo vero, si tanti Poetæ excellens ingenium, tenax memoria, assidua lectio, non inter.

intermissa exercitatio, cognitio prope infinita omnium doctrinarum & artium, summa cogitandi celeritas, acerrima commentandi vis, admiranda in fingendis carminibus felicitas, affluentissima in fundendis copia, incredibilis animi inflammatio, poeticus æstus & furor, & siqua sunt alia, quæ in summis Poetis laudantur, si conjunctim inquam, uti reipsa fuerunt, hæc in Perfetto spectentur, prorsus unicus exstitit ac singularis. Omnino, ut paucis multa complectar, in eo natura videtur experta quid in extemporalis Poeseos genere posset efficere. Quapropter est cur merito Senis, cur Italiæ toti, cur Ætati nostræ tantum virum gratulemur. Habet enim Senarum urbs in uno Perfetto, quod ad cæterarum Italiæ urbium, habet Italia, quod ad exterarum nationum, habet Ætas nostra, quod & ad totius Antiquitatis, quæ nihil unquam tale suspexit, & ad consecuturæ etiam Posteritatis, quæ simile quiddam nunquam fortasse suspiciet, prope ad invidiam ostendet.

DE

Hæc Vita separatim Romæ vulgata fuit anno 1771. Typis Generosi Salomoni; vulgandam propriis sumptibus curarunt Biringucci Fratres Patritii Se-

nenses, qui hoc se debere officium Civili de Patria benemerentissimo existimant. Huic editioni Parthenius hæc addidit inscriptionem.

*Deipara Virgini Advocatæ Senensium
Cui Bernardinus Perfettus
Suam Coronam Lauream Dicatam Voluit
Eidem Iosephus Marianus Parthenius
Lucubrationem Hanc Suam
Consecratam Fuls.*

CAROLO SANCTINO

COMMENTARIUS II.



OC me debere Carolo Sanctino Collegæ in Rhetorica tradenda meo memoris animi officium sum arbitratus, ut quæ mihi de viro singulari probitate atque eximia doctrina spectatissimo nota essent, litteris traderem, ejusque memoriam, si quo modo assequi possem, ab oblivione vindicarem. Atque hoc quidem eo libentius aggredior, quo me id facilius consecuturum confido. Scribo enim de homine mihi notissimo, atque amicissimo, ut propter intimam ejus cognitionem fidem mereri, & propter amicitiam officiosus haberi debeam.

II. Natus est Carolus Sanctinus IV. Kal. Jun. An. MDCCVIII. in Insula Corsicæ, quæ nunquam non optimorum ingeniorum ferax maxime fuit, & plures Societati nostræ singulari doctrina, atque insigni sanctimonia præstantes viros extulit. Oppidum, quod Lama appellatur, Diœcesis Marianensis ei patria fuit. Parentes habuit pios in primis ac religiosos, & vero etiam fortunæ bonis satis instructos, ut Sanctinia fami-

familia inter præcipuas ejus oppidi numeretur. Annos octo natus missus Romam est, & sub Patruī, viri æque pii atque docti, disciplina institutus. Hic jam a multo tempore Romæ commorabatur, & Sacerdos ab omni ambitione alienus Deo & sibi, suisque studiis vacabat. Plurimum ad optimam nepotis institutionem optima contulit Patruī disciplina. Sanctius enim se Patruo eum quam rectissime instituenti pro sua egregia indole docilem præbuit atque morigerum, & piæ educationi cumulatissime respondit. Frequentavit adolescens scholas Collegii Romani, multumque in litteris umanioribus profecit. Ætate provectior graviores disciplinas, Philosophiam nimirum ac Theologiam, in Collegio S. Mariæ supra Minervam a PP-Ordinis Prædicatorum edoctus est.

III. Confecto non sine præstantis ingenii & doctrinæ commendatione studiorum suorum curriculo, ad humaniores litteras, ad quas præcipuo quodam naturæ munere comparatus erat, totum se contulit. In iis penitus cognoscendis & assidue excolendis multum operæ insumpsit, & propositis sibi præstantissimis veterum auctorum exemplaribus diligentia sua atque assiduitate perfecit, ut ad ea imitatione quam proxime accesserit. Latinam linguam excoluit æque atque Italicam, intimamque utriusque linguæ cognitionem est assecutus. Latinam item atque Italicam Poësim mirifice adamavit; sed primo illo effervesce-

vescentis juventutis suæ tempore Italicam Latinæ prætulit. Itaque Italos Poetas multum legit, atque attenta eorum lectione tantum profecit, ut de con-
dendo ad Torquati Tassi imitationem Epico Poemate cogitarit. Neque vero cum magnitudo operis ab eodem suscipiendo deterruit. Qui & acri ingenio erat, & optimorum Poetarum lectione bene subactum habebat judicium, & vero etiam a natura ipsa ad hoc Poeseos genus ferebatur, opus longe difficillimum aggressus est, & illud dies noctesque urgendo ad exitum usque perduxit. Poema inscripsit *Constantinum*; atque in tantum Heroem perficiendum ornandumque quidquid in eo erat quidquid ingenii, poeticæ artis contulit. Hoc ego Poema nunquam legi. Itaque meum de eo non possum judicium interponere; qui legerunt, totius operis coagmentationem, carminum splendorem, cultum, venustatem summo pere, me audiente, collaudarunt. Poema hoc Patruo suo cum in Societatem ingressus est, tradidit; sed eo e vivis sublato quas in manus pervenerit, divinare quis possit? Conjicere tamen licet commune aliis hujusmodi ingenii monumentis fatum subiisse, quæ extinctis Auctoribus, qui illa edere neglexerunt, fere pereunt.

IV. Humanioribus igitur excolendis litteris intentus nihil cogitabat, nisi ut ex iis eum fructum caperet, quem litteræ ipsæ cultoribus parere solent suis; nimirum ut honeste occuparetur & liberalissimo otio frue-

frueretur. Verum cum ejus doctrinæ opinio, & in humanioribus litteris excellentia, percubisset, expectitus earum Doctor a Seminario Sublacensi fuit. Ab honesto munere suscipiendo, suadentibus amicis, non abhorruit Sanctinus, operamque suam utilem in primis ac salutarem illi Seminario aliquot annos impendit. Discipulos suos tum bonis moribus instituit, tum humanioribus litteris erudit, ac discedens magnum sui ac virtutum suarum desiderium reliquit. Adhuc viget in eo Seminario ejus memoria, adhuc ejus virtutes prædicantur, adhuc doctrina celebratur, ejusque nomen non sine laude commemoratur.

V. Verum cum ad sanctius vitæ genus a Deo vocaretur, Sacerdotio initiatus est. Sacerdos effectus non tam ornari a dignitate, quam illam moribus suis ornare studuit, eamque vitæ rationem instituit, quæ tantæ dignitati, quoad ejus fieri posset, conformis esset, ac plane consentanea. Itaque excolendo virtutibus animo totum se dedit. Verum de his, deque eximia viri sanctitate dicam suo loco, cum præcipua, quibus functus est munera, explicavero. Haud ita multo post a suscepto Sacerdotio ineundæ Societatis Jesu consilium cepit, quo, terrenis rebus omnibus a se prorsus abdicatis, liberius atque expeditius sibi, atque uni Deo vacare posset.

VI. Hoc suscepto consilio, non ei difficile fuit illud executioni mandare. Nam statim, atque se Societ-

cie-

cietatis Moderatoribus obtulit, ab iisdem in Societatem admissus est. Morum sanctitas, integritas vitæ, rara indoles, singularis doctrinæ opinio, ipsa oris ad modestiam compositi commendatio ei continuo in Societatem aditum aperuerunt. Et vero Societas in Carolo Sanctino talem alumnum adepta est, qualem se adeptam jure ac merito semper gloriari poterit. Se enim ita ad Ordinis nostri leges ac præscripta effinxit, ut Sociis tanquam absolutissimum virtutum omnium exemplar proponi ad imitandum potuerit. In Tyrocinium ingressio nihil admodum de inita jam sanctioris vitæ ratione immutandum fuit, illudque solum contendendum, ut opus propriæ, *perfectionis* quod jam incoharat, contentius in dies urgeret.

VII. Confecto Tyrocinio, & emissâ suo tempore solemnî *Professione*, cujus in umanioribus litteris perspecta jam erat Moderatoribus excellentia, Florentiam ad tradendam Rhetoricam missus est, ubi primum Hieronymi Lagomarsini, tum meus eodem in munere Collega fuit. Ex hoc autem tempore mihi intime notus esse cœpit, & ego multa in eo animadvertere potui, quæ ut a me observata sunt, fideliter mandabo litteris. Et primum, quod ad excellentis plane Rhetoris præstantiam attinet, non dubito illum cum omnibus, qui ætate hac nostra hoc in litterarum genere maxime floruerunt, comparare, multis etiam anteferre. Et prosa, & versu multa scripsit

pſit elegantiffime , quæ pro ſumma , quæ ei mecum intercedebat , familiaritate , mihi legenda , atque , ut pro ſua ipſe modèſtia ajebat , cognoscenda tradere conſueverat . Ea legens nihil fere unquam animadverti , quod reprehendi poſſet ; immo vero & linguæ purioris elegantiam , & ſententiarum veritatem , & ſubactum omnibus in rebus , quas ſcripto mandabat , exquiſitumque judicium , quod ſane paucorum eſt , nunquam non ſum demiratus .

VIII. In Orationibus preſſus erat , limatus , concinnus & ſubtilis , illudque eloquentiæ genus adamarat , quod Iſocratea venuſtate commendatur . Atque hoc ego quidem dicendi genus multo difficillimum ſemper exiſtimavi . Multis enim ex virtutibus oratoriis , atque adeo ex virtutum ipſarum temperamento quodam effloreſcat neceſſe eſt , unde ſuavitas illa emergit , quæ incredibilem in modum demulcet aures , atque interdum multo felicius ſeſcit animos , quam imperioſior illa & magniloquentior eloquentia contorqueat . Hæc ita ſcribo , uti ipſe ſentio . Quanquam , ut vere dicam , ego ab hoc dicendi genere fere refugi ſumma ejus difficultate deterritus . Sed in hoc ſequi naturam , tanquam optimam Duceſſem , debemus , nec quidquam temere aggredi illa invita ac repugnante . Omnia dicendi genera , quæ multa ſunt & varia , ſi ea egregie quis expreſſerit , propria laude dignantur . Neque enim ego unquam eorum judicium
pro-

probavi, quibus illud solum, quod ipsi amplexi sunt, orationis genus probatum est.

IX. In Carminibus vero non insigniter minus ejus eluxit ingenium, quam elegancia atque venustas; sive ad delicatam Tibulli, sive ad grandiore Propertii, sive ad mixtam Catulli formam se fingeret. In Heroico carmine conficienda unum Virgilium sibi tanquam absolutissimum exemplar imitandum exprimendumque proposuit. Et vero multum ad perfectum illud exemplar accessit, quod ipsa suorum structura carminum, & in adhibendis cæsuris artificium satis aperte declarabant. Si vero hæc a me amicitiae donari quisquam putet, is vehementer errat. Quare ut idonei harum rerum æstimatores de Sanctini nostri in arte Poetica excellentia judicare possint, particulam elegiaci carminis, quæ sola ex ejus scriptis remansit, speciminis ergo in fine nostri hujus Commentarii legendam, iisdem exhibebo.

X. Cum optimi Rhetoris opinione floreret Sanctinus, & aliquot in tradenda Florentiæ Rhetorica annos exegisset, Romam evocatus est domesticis nostris Rhetoricæ auditoribus Doctor præficiendus. Hominem modestissimum, & de se admodum demissè sentientem oblata provincia conterruit. Sed Hieronymi præsertim Lagomarsini auctoritate motus, cujus consiliis plurimum deferebat, eam suscepit. Hic vero supervacaneum est dicere quanta cum diligentia quan-

quantoque cum discipulorum suorum profectu munus illud obierit. Qui majorem quietem & otium in illo Quirinali amœnissimo diversorio, ubi commorabatur, nactus fuerat, illud ad linguæ Græcæ studium potissimum contulit. Studium hoc si non desertum omnino, multum certe intermissum offendit. Sanctinus in eam præcipue curam totus incubuit, ut auditorum suorum animos ad illud erigeret, eosque linguæ Græcæ addiscendæ mira quadam cupiditate inflammaret. Itaque brevi effecit, ut discipuli strenuam Græcæ linguæ navantes operam Græcas ipsas orationes conficerent, quas constituto anni tempore in Collegio Romano ad domesticum conventum pronunciarent.

XI. Verum cum Sanctinus non minus doctrinæ excellentia, quam vitæ sanctitate emereret, visum est moderatoribus ejus operam in juvandis animis, atque ad Christianam perfectionem, quæ multo potior omni doctrina est, provehendis adhibere. Hoc consilio a moderatoribus suscepto excipiendis *Confessionibus* in nobilissimo Germanorum atque Ungarorum Collegio destinatur. Etsi ægre Sanctinus ab æde Quirinali, in qua tanquam in tranquilla aliqua statione conquiescebat, divellebatur, tamen moveri se loco passus est, nec moderatorum imperio ac voluntati repugnavit. Quomodo se novo hoc in munere gesserit non est cur ego hic pluribus persequar. Dicam solum in erudienda virtutibus omnibus Germanica illa florentis-

simā juventute ita ejus industriam esse versatam, ita probatam operam, ut eam ab externorum cultura ad domesticorum commodum utilitatemque traducendam moderatores judicarint.

XII. Itaque a Collegio Germanico moderatorum ipsorum jussu in Collegium Romanum commigravit, eique longe operosissima delata provincia fuit, ut juniorum nostrorum excolendis virtute animis operam navaret suam. Quam egregie & cumulate huic muneri satisfecerit, ex ejus virtutibus, de quibus paullo infra dicemus, intelligitur. Abdicatis jam multo ante prophanis studiis, quod ex laborosissimo munere supererat temporis in sacris litteris penitus cognoscendis posuit, & selectiora quædam sacræ Scripturæ loca exponere aggressus est. Qui Latinam & Græcam linguam optime norat, & Hebraicam etiam gustarat, aliquid hoc in studii genere efficere potuit, quod vulgare non esset, & vero etiam quod quam paucissimis propter linguarum ignorationem, Græcæ præsertim atque Hebraicæ, concessum. Itaque epistolas bis centum de difficilioribus sacrorum Biblicorum locis ad Anonymum quendam pereleganti Etrusco sermone conscripsit, quibus in Latinam linguam parī elegantia vertendis intentus cum esset, & jam ad septuagesimam septimam epistolam pervenisset, ejus obitu utilis adeo interceptus est labor. Has epistolas qui legerit, hominis ingenium, judicium, doctrinam, & linguarum peritiam non poterit non admirari.

XIII.

XIII. Ac jam ut aliquid, quandoquidem satis de Sanctini studiis ac muneribus diximus, de virtutibus dicamus, pauca quædam de iis pro Commentarii modo delibabimus. Generatim atque univérse dici potest, nullam earum virtutum ei defuisse, quas Societas a suis alumniis requirit. Etenim duo illa, quæ nostri Instituti propria sunt, mire conjunxit, nimirum sanctitatis præstantiam cum doctrinæ excellentia. Et primum quod ad religiosam, quam profitebatur, Paupertatem attinet, eam maxime coluit. Dicam rem sane admirabilem, sed veram, sed certam, sed exploratam, mihiq; ipsi cognitam. Præter Christi crucifixi, & B. Virginis imagines, sacrum codicem ad horas Canonicas persolvendas necessarium, aliquot ad corporis afflictationem instrumenta & pauca admodum scripta apud se habuit nihil. Cum scribo *nihil*, qui legunt, sciant me non exaggerate scribere, sed latine, sed historice. Quodcunque ei cubiculum quocumque instructum modo obtrigit, quale primo ingressu reperit, tale in egressu reliquit. Nihil ademit, nihil addidit, nihil immutavit, ne clavum quidem unum aut fixit aut refixit: Forficulas ad subsecandos ungues nunquam requisivit, sed quas ad emungendam lucernam sibi traditas invenit, ad eum usum traduxit. Leviora hæc videri fortasse nonnullis poterunt, sed ab idoneis harum rerum æstimatoribus tanti fient, quanti merentur fieri. Munuscula, quibus discipuli

Magistrorum laborem remunerari interdum solent ; si recusare non poterat , ea ne minimo quidem temporis spatio apud se esse patiebatur .

XIV. Hæc de Paupertate plane singularia ; nec singularia minus de ejus Abstinencia subtexam . Nunquam delicatiore illa Mexicana potione , cujus usus tantopere nunc invaluit , matutinam inediam levavit ; nunquam Arabica faba, nunquam Sinenſi folio stomachum fovit ; nunquam delicatiores, cujusque generis forent , liquores gustavit , nunquam eo pulvere usus est , qui ad levandam capitis gravedinem adhibetur ; nunquam , præter ſtata prandio & cenæ tempora , quidquam interdiu , uti fit , attigit , nec cruſtula , nec bellaria , nec placentas , aliasque hujus generis delicias . Cum ſcribo *nunquam* , hic quoque non exaggerate , ſed vere , ſed hiſtorice ſcribo . Utebatur , cum aliquid hujusmodi oblatum eſſet, excuſatione valetudinis , quod diceret has res aut noxias eſſe ſibi , aut certe parum ſalubres . Hoc modo ſe expediebat , & affectæ valetudinis obtentu, quæ naturæ minime neceſſaria , ſed gulæ potius irritamenta exiſtimabat , ſine cuiſquaum offenſione reſpuebat .

XV. Quod ad reliquas corporis afflictationes ſpectat , eas ab eo frequenter fuiſſe uſurpatas , & conſcientiæ ſuæ moderatores teſtantur , & flagella , & catenulæ ferreæ , aliaque hujusmodi instrumenta , quæ ſola excrucianti corporis ſui ſtadium ei reliqua fecerat ,
& ſo-

& sola post ejus obitum inventa sunt , satis aperte declarant . Neque vero his solum corporis afflictationibus contentus fuit , sed nullam etiam elabi sibi occasionem passus est , quæ ei sese afflicti sui obtulerit . Fere nunquam fenestræ valvas recludebat, nisi interdum superiores ad puriorem aerem excipiendum graviolemque efficiendum . Inferiores autem , unde aut transeuntes aspiceret , aut aliquid , quod visendi cupiditatem excitaret , intueretur , referavit nunquam , ut muscoli eo adrepserint , & nidulum construxerint , qui , patefactis a me forte valvis , stridore valvarum perterriti aufugerunt . Usque adeo illis eo loco quietis ac pacatis per Sanctinum esse licebat . Ego vero ridens suos ei gratulatus sum hospites ; qui blande subirasceus mihi succensuit , quod bestioli nullam sibi molestiam afferentibus molestus fuerim .

XVI. Perquam raro domo egrediebatur , & integros menses domi clausus mansisset , nisi eum identidem ad mecum una egrediendum compulisset . Quo vero libentius id a me sibi impertiri officium pateretur , fere ad remota urbis loca , & ad sacras Basilicas religionis ergo invisendas itabamus . Turbam enim oderat , atque a populi strepitu quam maxime refugiebat . Hoc tamen qualecumque solatium sic temperabat , ut oculos fere nunquam de humo sustolleret . Pileo paullo infra frontem inclinato , & collecto ante pectus pallio per vias incedebat .

XVII. Quod ad leges sui Ordinis attinet, in iis observandis ejus maxime enituit diligentia. Talem se præstitit semper, qualis Tyro fuit. Nunquam fervor ille, quo primum incaluit, non modo non restinctus est, sed ne intepuit quidem. Permotiones animi omnes probe edomitas habuit atque compressas. Demisse admodum de se & sentiebat, & loquebatur. Nihil in eo arrogans, nihil, quod insolentiam redoleret; nullum prorsus in eo ne levissimæ quidem ostentationis indicium. Existimationem hominum contemnebat, & vero etiam externorum præsertim refugiebat aspectum; amabat despici, & nullo loco haberi. Hoc causæ fuit, cur ejus tum sanctitatis tum sapientiæ opinio domesticis septa parietibus se continuerit. Scripta sua prope omnia aut ipse distraxit, aut flammis absumpsit. Quare præter eas, quas dixi epistolas, & quoddam carminis fragmentum, nihil eorum, quæ scripto mandavit, remansit, unde ejus in humanioribus præsertim disciplinis excellentia cognosci possit ac judicari.

XVIII. Jam quæ de ejus Obedientia reliquisque virtutibus commemorari possunt, non ego hic scribendo persequar; facile enim ex iis, quæ jam indicavimus, colliguntur. Orationis studium ei præcipue cordi fuit, multumque in precibus atque in rerum divinarum commentatione impendebat temporis. Quæ secum ipse de rebus divinis commentabatur, ea, prout sese
 offe-

offerebat occasio, aut habendis concionibus, aut *Exercitiis spiritualibus* tradendis, aut ferendis de rebus cælestibus colloquiis, aliorum utilitati expromebat. Ego eum sæpius his de rebus differentem audiui; utinam fuisset ex ejus sermonibus is perceptus a me fructus, qui percipi certe poterat & debebat.

XIX. Summo erga Divinam Matrem pietatis studio ferebatur, summo erga sacrosanctam Eucharistiam, summo erga acerbissimos Christi Reparatoris nostri cruciatus, Divinum quotidie celebrabat Sacrificium, & hanc ob causam, quod sancta sancte tractari debent, de cordis munditie anxius maxime erat atque sollicitus. Sæpe conscientiam expiabat suam, excutiebatque *pulverem illum, quo necesse est*, ut inquit S. Leo, *etiam religiosa corda sordescere*. Sic denique se gerebat in omnibus, ut omnibus exemplo esset. Sanctini aspectus ipse, totius oris & corporis compositio, vox fere demissa, incessus gravis & moderatus, mitissimum ingenium, omnia denique absolutum quoddam virtutum omnium exemplar intuentibus exhibebant.

XX. Acta hoc, quo diximus, modo vita, vitæ exitum ipsi convenientem sortitus est. Jam inde a multo tempore molestum contraxerat morbum ex humorum vitio quodam, quod quandiu se in cutem extulit, ex eaque emerfit, tandiu tolerabile fuit, neque admodum periculosum judicari potuit. In hoc potissimum

Medicorum ars incubuit , ut illud ad exitus corporis partes adducerent , nec ab iis quidquam provifum magis , quam ut ne curfum detorquens contagiofa lues ad interiora pervaderet . Accidit , ut eodem tempore , & eodem plane morbo graviter decumberet Pater Afdrubal Mattejus Collegii Romani Rector , quem lues illa ipfa corripuerat , in intimaque præcordia fublapfa exftinxerat . Hic enim verò quam fervens in Sanctino Charitas effet , quantusque vitæ contemptus , patuit . Ægrotanti Rectori erat a *Confessionibus* ; nemo dubitabat , quin , fi ei morienti dies noctesque affideret , eodem ipfe mortis genere e vivis eriperetur . Discrimen vidit ipfe Sanctinus , & , quæ humana infirmitas eft , difcrimen expavit . Sed vera Charitas *mifit foras timorem* . Suo muneri deefle noluit , & qui probe norat illud ex Evangelio *Majorem charitatem nemo habet , quam ut animam fuam ponat quis pro amicis fuis* , vitam contempfit , ægrotanti intrepide adftitit , & nullum Charitatis officium a fe requiri paſſus eft , quod ei ad mortem pie fanctæque obeundam non contulerit .

: XXI. Exftincto Patre Mattejo , quod omnes eventurum jam ante præviderant , & ipfe Sanctinus , cum fe prope certo mortis difcrimini objecit , in primis viderat , evenit . Etenim non multo poſt eodem prorfus mortis genere , & ejufdem tabis contagione fublatus interiit . Lues enim , qua , ut jam diximus , labo-

bona-

borabat , intimas in partes subrepens , ita præcordia corripuit , nulla ut inde Medicorum arte evelli potuerit . Qui vitam sanctissime instituerat suam , intrepido ac læto ore mortis sustinuit aspectum . Charitate , *quæ nunquam excidit* , confirmatus , & optimæ spei plenus , susceptis summo pietatis affectu *Sacramentis* omnibus , quæ impertiri morientibus solent , postquam alumnos suæ potissimum fidei atque institutioni concreditos ad omnem virtutem cohortatus est , placidissime excessit e vita . Hic exitus Sanctini fuit , hæc ei mors obtigit vitæ sanctissime actæ prorsus consentanea , ut hoc illi mortis genus non tam a Deo tributum , quam ejus eximiis virtutibus retributum esse videatur .

XXII. Ejus mortem Collegium Romanum ægre admodum tulit , et quam de eo habebat tum sanctitatis , tum doctrinæ opinionem apertis indiciis declaravit . Unanimi juniorum præsertim consensu ejus exprimendæ imaginis , quæ inter illustrium virorum effigies collocaretur , petita a Præsidibus facultas est , & impetrata . Expressa imago fuit , atque imagini adscriptum elogium , eo potissimum nomine , quod *morum innocentia , orationis studio , in servandis nostris legibus exactissima diligentia fuisset commendatissimus* . Obiit III. Non. Majas , An. MDCCCLXVI. Ætat. suæ LIII. Fuit statura justa , colore albo , capillo nigro , exporrecta fronte , ea totius oris conformatione , quæ animi ingenui-

genuitatem & candorem indicaret. Ritus quidam modestiæ & verecundiæ plenissimus in ejus facie fere semper efflorescebat. Vox lenis admodum & demissa, quam efferre nunquam consueverat, Supra quam dici aut credi potest suavissimi ejus mores fuerunt, ut propterea plurimum ab omnibus diligeretur. Neminem unquam ne leviter quidem carpsit, nec cuiquam vel minimæ quidquam molestiæ intulit; quietus, pacatus, liberalis, benignus, bene semper de omnibus mereri studuit.

XXIII. Ego vero, qui eum & dilexi plurimum, & suscepi, ejus obitum ægerrime tuli, distracto a me suavissimo socio, & meorum consorte studiorum. Cum meum tunc Electricorum opus in manibus haberem ejus laudandi occasionem elabi mihi minime sum passus, idque præstiti facta de eo perhonorificæ mentione. In hoc vero non tam secutus Poetarum morem, quam obsecutus amoris meo eos versus scripsi, qui lib. vi. meorum Electricorum leguntur, quibusque non tam ejus dessevi mortem, quam ex intimo animi sensu eam deprompsi, quam summam semper habui de tanto viro, & doctrinæ & sanctitatis opinionem.

Particulam elegiaci carminis, quam in fine hujus sui Commentarii se exhibiturum Parthenius recepit, hanc nos idoneis Lectoribus hic exhibemus, & confidimus fore, ut si ex hac una, velut ex *ungue leonem* coniciant qualis quæque excellens in pangendo carmine

Sanctinus fuerit. Historiam in sua lubricatione quadam cum Poësi de dignitatis præstantia certantem, & multa, quæ causæ suæ patrocinabantur, percutam induxerat, tum Poësim inducit, atque ita contra Historiam pro se loquentem facit.

At

At non ille tuus tecum, nec talia sensit
 Heros Argiva primus in Hicoria
 Rex Macedum, qui cum longarum ambage-viarum
 Se tandem Æacida, sisteret ad tumultum,
 Et prius infueto tactus præcordia motu
 Ora Deo dignis promeret lacrymis;
 Non illi Æmoniam, non moenia Larissæ,
 Aut conjuratorum agmina Myrmidonum
 Invidit, non belli ullos & pacis honores,
 Rex ipse, & magni conditor Imperii,
 Innumeras ducens devicto ex orbe catervas,
 Et Bacchi laudes unus & Herculeas
 Æquare, amborumque unus superare labores,
 Et patrem merito visus habere Jovem.
 Unum illi invidit divini Vatis honorem,
 Disque præconis carmina Mæonidæ.
 Hac una sensit se Vatis laude minorem;
 Nimirum hoc illi invidit, & ingemuit.
 Cum vero insontes voluit subvertere Thebas
 Et laudata Deum moenia diruere,
 Jamque furens circum fremeret per compita miles,
 Non usquam precibus parcere non lacrymis
 Jussus; jamque alto ruerent a culmine Thebæ,
 Et circum immensis ampla voluminibus
 Sese ageret, lateque ingenti flamma ruina
 Delubra atque arces sterneret series;
 Hæsit Pindarica victor violentus in æde,
 Tantisque in rerum cladibus atque hominum,
 Illam unam (tanta est divini gratia Vatis)
 Illasum. extemplo jussit & incolorem.



JOANNE POMPEJO MANZUCHIO

COMMENTARIUS III.



UÆ de Joanne Pompejo Manzochio mandabo litteris, ea non veritati minus, quam amicitiaꝝ officio tribuam. Nemo mihi illo carior, nemo jucundior, & voluntatum conjunctione, & studiorum similitudine. Pro mutua familiaritate ego scripta mea cum eo communicabam, & mecum ille vicissim sua. Atque ille quidem in studiis meis mihi summo adjumento fuit, propterea quia me pro ingenio meo animum persæpe despondentem, ac prope rebus meis desperantem hortationibus ipse suis erexit & confirmavit, atque ad ea, quæ subinde publici juris feci, perpolienda atque in lucem edenda auctoritate sua potissimum impulit.

II. Natus est Manzochius in oppido quodam, quod *Marcitelli* appellatur, non longe, ut opinor, a *Marsis*. De anno, quo editus in lucem fuit, nihil habeo comperti, non quod ego omiserim diligentiam inquirendi, sed quod eam aliena incuria inanem reddi-

reddidit. Nactus est parentes honesto genere, & si ex filiorum pietate parentum probitatem conjicere licet, non solum honestate generis, sed virtutum etiam commendatione spectandos. De ejus prima educatione illud mihi solum exploratum est; Puerum egregiam animi sortitum indolem se parentibus suis, eorumque piæ institutioni maxime docilem præbuisse atque morigerum. Vix ad eam pervenit ætatem, qua ad scholas publicas itari solet, Aquilam in Societatis Jesu Gymnasio bonis moribus & artibus erudiendus missus est. Hic dici nequit, ut statim se fingendum ad Magistrorum suorum arbitrium formandumque permiserit; hic pietatem combibit; hic serio ad bonas artes incubuit, ut condiscipulis suis exemplo proponi, & esse incitamento potuerit. Doctores in litteris nactus est eximios, de quibus vir factus, cum de iis judicare poterat, sæpe loquebatur, nec vero sine laude, & grata memoris erga eosdem acceptorum beneficiorum animi testificatione.

III. Posita aliquot annos, & bene locata in Humanioribus litteris opera, ad graviores disciplinas ediscendas animum appulit, in quibus non minus, quam in politioribus artibus acerrima ejus ingenii vis, & præstantia eluxit singularis. Illud Philosophiæ genus, quod ejus ferebant tempora, doctus est; neque vero se in eo operam male posuisse suam unquam existimavit; quippe qui dicere consueverat, se Peripatetici

ripaticæ Philosophiæ debere plurimum , quod illa & ejus acuisset ingenium , & cum subtilem effecisset Dialecticum . Et merito quidem . Nam quid sine ingenii acumine , & sine Dialecticæ præsidio effici laude dignum a quoquam potest ?

IV. A Philosophia ad Theologiam progressus in eam probe atque intime percipiendam totus incubuit . Hac facultate , dum vixit , plurimum delectatus est , in ejusque scientia maxime excelluit ; quod oblata occasione satis luculenter ostendit . Se enim habendis concionibus non parum exercuit , quas qui audiebant hujus facultatis non ignari , quam certus in sententiis , quam nihil titubans in doctrina , quam uno verbo Theologus esset , facile judicare poterant . Absoluto cum laude studiorum suorum curriculo Sacerdos consecratus est . Sua eum pietas , quam jam inde a teneris annis penitus imbiberat , ad hoc sanctioris vitæ genus amplectendum potissimum compulit . Ab inito Sacerdotio , quoad vixit , hortatu Apostoli , *sibi & doctrinæ* diligenter attendendum putavit ; & vero utrique officio egregie satisfecit .

V. His doctrinarum & artium præsidiis instructus relicta patria Romam venit , quo fere ex omni regione , siquidem facultas suppetat , tanquam ad commune domicilium , concurrere solet . Ut venit , se statim Francisco Cardinali Barberino applicuit , qui Romæ eo tempore & auctoritate , & opibus florebat plu-

plurimum, & optimis ingeniis mirifice delectabatur. Ab eo inter familiares adscitus se in ejus animum & doctrina sua, & modestia, quæ doctrinam commendabat, insinuavit, ut non vulgarem in ejus gratia atque existimatione tenuerit locum. Ejus opera Cardinalis in iis muneribus, quæ doctrinæ præstantiam requirebant, plurimum usus est, eique Manzochius, qua erat doctrinæ excellentia præstans, operam & navavit, & probavit suam. Quandiu vixit Cardinalis, eum aluit, & carissimum habuit; moriens autem non omnino destituit, relicta ei testamento quinquaginta aureorum summa, tenui illa quidem, sed annuo proventu non contemnenda.

VI. Aula digressus multis muneribus functus est, quorum partes cumulate implevit. Ob insignem probitatis opinionem, & præstantem Latinæ linguæ peritiam certatim a pluribus Episcopis expetitus fuit, ut eo Doctore in propriis Seminariis, & vero etiam Rectore uterentur. Exorari se passus est Manzochius, & hanc laboriosissimæ provinciæ partem libenter suscepit, non ullo proventu illectus, sed ut ne oblatam sibi juvandorum hominum & maxime adolescentium occasionem elabi sineret. Hoc suscepto munere nihil prætermisit eorum, quæ ad imbuendos & bonis artibus, & bonis moribus adolescentium animos pertinebant. Pluribus in Seminariis hoc munus sustinuit, sed eadem ubique diligentia, eadem assiduitate, sum-

summa ubique optimi ac præstantissimi Doctoris existimatione . Ubi vero utrumque munus & Rectoris & Doctoris conjunxit , quæ major ei tributa auctoritas erat , eam in majus & subditorum , & discipulorum suorum commodum atque utilitatem contulit . Verum siue laxior , siue contractior ejus auctoritas foret , nunquam non exstitit maxime salutaris .

VII. Pluribus annis in docendo consumptis , & laboriosissimo munere fatigatus , quod jam affectæ valetudini noxium experiebatur , ei nuncium remisit , neque se plurimorum Episcoporum allegationibus , atque adeo precibus exorari passus est , ut quam semel dimiserat provinciam , illam iterum susciperet . Umi Cardinali Spinello Episcopo Prænestino repugnare non potuit , quin intermissum munus resumeret , & Præneste contenderet , ea tamen conditione , ut absoluto sex mensium , quos ipse præfiniverat , spatio , sibi bona cum Cardinalis venia Præneste discedere , & Romam remigrare liceret . Sed vix exactis sex mensibus , Spinello vita functo , qui certe pro ea , quam habebat de ejus probitate & doctrina , opinione , quod semel arripuisset , sibi tantum eripi bonum non sivillet , eo , ut diximus , vita functo ipse tanquam e laqueis expeditus Romam statim evolavit .

VIII. Atque ut hic aliquid singillatim de ejus studiis dicam , fuit Manzochius & Theologus insignis , & Philosophus in paucis acutus & subtilis . Verum gravioribus

ribus studiis prætermiſſis, pauca quædam de humanioribus atque elegantioribus litteris delibabo. Primum linguam Latinam egregie calluit, in eaque ſe plurimum exercuit; & vero etiam intimam ejuſdem ſcientiam, ut ejus ſcripta declarabant, aſſecutus erat. Latinam quoque Poëſim vehementer adamavit, & legendo obſervandoque perfecit, nulla ut earum venuſtatum, quibus illa maxime commendatur, in ſuis carminibus deſideraretur. Multa quoque vernaculo ſermone & proſa & verſu conſcripſit, in quibus idem elucet ingenium, idem ſubactum judicium, eadem elegantia & venuſtas.

IX. Optandum quidem erat, ut ſua ipſe ſcripta recognoſceret, & ad limam exacta ac perfecta ederet; ſed pro ſua ſingulari modeltia illa neglexit, nec publica luce digna exiſtimavit. Cum ego eum ſæpe & alii hortarentur, ut id faceret, nec tot præclara ingenii ſui monumenta perire ſineret, modoſto quodam riſu ſe facile cum a me, tum a reliquis hortatoribus expediebat. Contentus amicorum plauſu atque approbatione, quibus quæ ſcripſerat legenda tradere ſolitus erat, quidquam præterea non requirebat, nihil de inani nominis immortalitate ſollicitus. Cæterum in humanioribus litteris ita præſtitit, ut nemini, quos quidem ætas hæc noſtra tulit, hac laude concederet. Hoc non tam meum, quam doctorem hominum, qui ejus elegantiffima ſcripta non acri ſine cenſura legerunt

runt , judicium est . Quam ipse , ut dixi , de suis edendis scriptis suscipere curam noluit , ego post ejus obitum libenter suscepissem , si scriptorum tanti viri facta mihi fuisset copia ; sed ea , ipso vix e vivis erepto , statim Roma , una cum libris ab eo relictis , exportata fuerunt . Pluribus litteris institi , ut hanc ob causam Romanam iterum comportarentur , sed nullo semper eventu . Quare , desperato negotio , pluribus urgere rem epistolis desii , satisque me voluntatem meam amico vita functo probasse existimavi . Nunc vero quid de tot egregiis hominis ingeniosissimi monumentis factum sit , prorsus ignoro ; sed quid futurum sit , ipsa satis edocet experientia . Unum ejus elegantissimum carmen editum exstat in fine meorum Electricorum , aliud in fine hujus Commentarii speciminis ergo dabitur , ex quibus solis me non assentatorie , sed vere scribere dignosci poterit . Reliqua scripta hominum sive inscitia , sive incuria facile perdet .

X. Qua re docemur quam inani contentione frangamur , qui totam in studiis ætatem conterimus , & nescio quam nominis perennitatem somniamus . Male enim vero nobis ipsi consulimus , nisi ad ejus vitæ , quæ nullo sine circumscribitur , beatam immortalitatem conatus ipsi nostros contentionesque dirigamus . Præclare in hanc sententiam , ac plane more suo philosophice Tullius in Somnio Scipionis , cujus carptim verba exscribere placet , quibus Christiani docemur ab Ethnico cælestia semper

për spectare , humana contemnere . Tu , inquit , quam celebritatem sermonis hominum , aut quam expetendam gloriam consequi potes ? Ex his ipsis cultis notisque terris num aut tuum , aut cuiusquam nostrum nomen vel Caucasum transcendere potuit , vel Gangem transnatare . Quis in reliquis orientis , aut obeuntis solis ultimis , aut aquilonis austrive partibus tuum nomen audiet ? quibus amputatis , cernis profecto , quantis in angustiis vestra gloria se dilatari velit . Ipsi autem , qui de vobis loquuntur , quam loquuntur diu ? Quin etiam , si cupiat proles illa futurorum hominum deinceps laudes uniuscuiusque nostrum a patribus acceptas posteris prodere , tamen propter eluviones exustionesque terrarum , quas accidere tempore certo necesse est , non modo eternam , sed ne diuturnam quidem gloriam assequi possumus . Quid autem interest , ab iis , qui postea nascentur , sermonem fore de te , cum ab iis nullus fuerit , qui ante nati sint ? qui nec pauciores , & certe meliores fuerunt viri . Igitur alte spectare si voles , neque te sermonibus vulgi dederis , nec in præmiis humanis spem posueris rerum tuarum . Suis te oportet illecebris ipsa virtus trahat ad verum decus . Quid de te alii loquantur , ipsi videant ; sed loquentur tamen . Sermo autem omnis nec unquam de ullo perennis fuit , & obruitur hominum interitu , & oblivione posteritatis exstinguitur .

XI. Hoc persuasum cum haberet ex longa rerum

divinarum commentatione Manzochius in id potissimum semper incubuit, ut animum suum ad omnem virtutem formaret, atque ad perfecti Sacerdotis normam exigeret. Id vero postremis vitæ suæ annis ut certius assequeretur in Sodalitium quoddam, quod ab *Apostolis* nomen habet, admitti expetivit, & obtinuit. Sodalitium hoc in Collegio Romano adolescentium Collegium ipsum frequentatum bono institutum olim fuit a Patre Pompejo de Benedictis viro sanctissimo, & salutis animorum studiosissimo. Floruit autem nullo non tempore magna copia virorum & sanctitate & doctrina excellentium. Longum horum possem hic catalogum texere, nisi brevitati studerem. Nuperrime Joannes Baptista de Rubeis Basilicæ S. Mariæ in Cosmedin Canonicus ex eodem Sodalitio unus insigni eximiae sanctitatis opinione decessit.

XII. In hoc Sodalitium admissus Manzochius dici non potest, quanta assiduitate ac diligentia omnes egregii sodalis partes fuerit executus. Sodalitio nunquam absuit, sed inter primos semper adfuit. Sodalitii vero moderator nunquam ejus operam in omnibus, quæ res & tempus poscerent, requisivit, quin ad omnia præsto esset, *omnibus omnia factus* Manzochius. Ad Nosocomium singulis hebdomadis Collegii Romani discipulos eo itantes comitabatur, iisque exemplo suo præibat, quo & inservire ægrotis, & eos in Christiana doctrina erudire, & ad patientiam confir-

ma.

mare edocebantur . Idem singulis diebus festis solebat eo se conferre , quo reficiendi animi causa convenire adolescentes iidem solent , atque hic nihil omittere , quod ad eorum & animi relaxationem , & in virtute profectum pertineret . Idem etiam , quo singulis prodesse certius posset , eos sevocare , & remotis arbitris si quid in iis animadvertisset a bonis moribus dissentaneum , peramanter reprehendere , & unumquemque de officio suo commonere . Hac industria atque assiduitate dici nequit quam multos adolescentium juverit , quam multos a vitiis avocarit , quam denique multos ad virtutem incitarit ; quo certe nomine Collegium Romanum parem ei referre gratiam non poterat , cuius opera , quandiu illud celebravit , maxime utilis ad rectam adolescentium institutionem existit ac salutaris .

XIII. Neque vero solum pietatem impense excoluit , sed etiam bonarum artium studia auctoritate sua plurimum fovit . Ego sane me summum ei debere beneficium profiteor , quod , cum Rhetoricam traderem , auditores meos propemodum duxerit suos . Cum litterariæ a me habebantur exercitationes , & quod quisque privatim exarasset publice pronunciabat , præsens aderat Manzochius ; attentissime quæ ab unoquoque pronunciarentur , excipiebat , fere semper manu ad aurem admotâ , ne ei verbum vel unum exideret ; tum quidquid peccatum esset me volente ,

palam reprehendebat ; collaudabat etiam si quid laude dignum occurrebat . Quæ res ad acuenda discipulorum ingenia in utramque partem siue quid recte scriptum , siue quid in scribendo peccatum esset , mirum in modum valebat .

XIV. Sed brevis Commentarii fines transgrederer , si quæ plurima a Ioanne Manzuchio in Collegium Romanum collata beneficia sunt, singula persequi vellem. Jam vero ut aliquid de ejus virtutibus , quibus præcipue enituit , dicam , hoc de Manzuchio vere potest affirmari ; Nullam earum ei defuisse virtutum , quæ hominem pium ac religiosum maxime commendant . Pravas animi permotiones probe edomitas habuit . Itaque nemo eum aut iratum , aut aliquo minus recto animi affectu concitatum vidit . De se demisse admodum sentiebat , ingeniumque suum , quo summo pollebat & acerrimo , tantum aberat ut efferret , ut potius illud verbis extenuaret ; quæ causa fuit , cur ea , quæ scripsit neglexerit ipse atque contempserit . Si quid forte in iis animadversum esset , quod minus recte scriptum videri posset , corrigere statim , atque adeo inducere non recusabat . Quæ res & modestiam hominis singularem , & singulare item ingenium declarat , contra atque in arrogantibus atque indoctis evenire solet , qui cum sibi plus tribuant , quam aliis deferant , nulla auctoritate adduci possunt , ut , quæ semel scripto mandarint , inducant aut corrigant .

XV. Quo-

XV. Quotidie sacrosanctum Missæ Sacrificium non sine intimo pietatis sensu offerebat . In rerum cælestium commentatione multum temporis impendebat . In excutienda conscientia diligens erat & severus , in eaque expianda frequens ; in precibus , quibus sibi Deum propitiabat , assiduus . Erga Beatam Virginem singulari pietatis affectu ferebatur . Oblata occasione ejus celebrandi laudes , ea fere expromebat , quæ non tam lecta atque audita , quam ab ipso corde profecta videbantur . Sæpe me ad aliquid de divina Matre scribendum hortabatur , cui respondebam, Me id quidem vehementer cupere, sed mihi nequaquam ingenii vires tanto argumento pares suppetere . Acerbissimos Christi Domini cruciatus animo propositos frequenter habuit , atque hac pia cogitatione se ad spem eribat , seque erga Deum , qui tot ac tanta hominum causa pertulerat , præcipuo amoris æstu inflammari sentiebat . Afflictiones vero corporis sui non omisit , quod Apostoli exemplo *castigabat , & in servitutem redigebat , ne cum aliis prædicaret , ipse reprobus efficeretur* . Et si gravissimo morbo implicitus esset , quod ex omænti diffractione contraxerat , ferreas tamen catenulas acuminibus introrsum exstantibus , & cutem non acri sine doloris sensu fodicantibus , ad lumbos præcinctas atque constrictas adhibere solitus erat .

XVI. Hæc præcipuæ Manzochii virtutes fuerunt ,

quibus se ad exitum vitæ anteaactæ respondentem , multo maturius , quam exitus ipse adventaret , comparavit . Duos fere ante annos , quam e vivis eriperetur , periculoso morbo decubuerat , a quo tametsi sese expediverat , ejus tamen valetudo multum immutata fuit . Vitam fortasse propagare suam longius potuisset , si iis morem gerere non detrectasset , qui de ejus ipsius vita anxii erant atque solliciti . Hi assidue illum hortabantur , ut aliquid de immodicis laboribus , quos proximorum salutis causa suscipere consueverat , remitteret; sed tanti hæc fluxa ac mortalis vita Manzuchio non fuit , ut ejus causa hac in re sibi obtemperandum esse amicis existimaverit . Itaque vix aliquantum ab eo fuit , quem diximus , morbo confirmatus , ad intermissa studia ac pristinam rediit munia . Frequens in Collegio Romano , creber in Nosocomiis , assiduus in Sodalitio , ac prorsus idem qui antea , strenuus , gnavus , impiger , operosus . *Animus* quidem *promptus erat* , & alacer , sed *caro infirma* tantum ferre diutius laborem non potuit .

XVII. Hoc ipse animadvertit , & qui se a morte non longe abesse sentiret , illud sæpe usurpabat , modicum sibi temporis superesse ; & vero divinus fuit . Mense Septembri an. MDCCLXVIII. VI. Id. ejusdem mensis , repentino intestini defluxu , cum id nulla Medicorum opera , unde delapsum erat , revocari potuisset , amicis ignorantibus , nec tam subitum casum

sum pertimescentibus , improvise quodam mortis genere exstinctus est . Exstinctus autem die nona , ut diximus , Septembris , quæ salutarem Divinæ Matris ortum consequbatur , & in feriam sextam inciderat , ut videri potuerit hoc præfinitum illi non sine peculiari numinis providentia vitæ spatium fuisse , quod subsequens Matris ortum Filii obitum exciperet .

XVIII. Dixi improvise quodam mortis genere exstinctum fuisse Manzochium ; sed hoc de insigni probitate viro affirmari omnino non debet . Improvisa quidem eos adoriri mors potest , qui nunquam de illa cogitant , & perinde vivunt , ac si nunquam essent morituri . Manzochio vero improvisa mors non fuit , sed multo ante prævisa , quippe qui vitam jam inde a primis annis ita instituerat suam , ut sibi moriendum esse quotidie cogitaret . Præterquamquod , ut jam diximus , mortem sibi instare præsenferat ; hac autem præensione commonefactus , non dubium quin sibi consuluerit , qui illud Augustini multo jam ante perspectum habuerat atque propositum ; *Neminem etsi nullius sceleris sibi conscium committere debere , ut sine penitentia migret e vita* . Et vero pridie quam eum mors occupasset , rite conscientiam expiaverat suam , & sacrosanctum Missæ Sacrificium obtulerat , quod ei ad capeffendum æternitatis iter pro *Viatico* fuit . Ejus obitum amici luxerunt , luxerunt Sodales sui , luxit Collegium Romanum , illi , quod fidelem
ami-

amicum , isti, quod sodalem optimum, Collegium vero, quod strenuum *in vinea Domini operarium* amisit . Ego sane pro mutua amicitia unus omnium fortasse ejus obitum acerbissimum sum expertus , amici , hortatoris , ac studiorum meorum consortis desiderio .

XIX. Vixit carus omnibus , qui ejus consuetudine usi sunt , propter jucundissimos mores . Quandiu vixit , tandiu summa & eximiae doctrinae & egregiae probitatis opinione floruit , & , si meo huic commentariolo perennare contigerit , florebit in posterum . Conatus enim sum illum talem exprimere, qualis reipsa fuit , ac longo mihi usu & consuetudine probe cognitus esse debuit . Majorem certe fortunam promeruit ; & vero ipsi ad altiorem dignitatis gradum aditus parvisset , si illum sua ei modestia , & rerum humanarum contemptus non praeclusisset . Quod vero in summa ejus laude ponendum est , ita vixit , ut *acceptus & Deo & hominibus* fuerit . Nam quod ad homines spectat , summa in eo facilitas erat , humanitas , comitas , & nullo furo illita , ac plane candida morum simplicitas . Risus quidam ingenuitatis plenissimus fere semper in ejus ore efflorescebat . Vox leni quodam ad suavitatem inflexa sono non minus blande in aures , quam in animos audientium influebat . Deo autem acceptus quam fuerit suae virtutes , quas indicavi , & mors pie & sancte obita , satis superque declarant .

Spe-

Specimen Poeticæ facultatis, qua maxime præcelluit Manzochius, hic habeat Lector, non electum illud quidem e multis, sed casu inter Parthenii scripta repertum, ex quo tum viri in cōdendo carmine facultas, tum historici in narrando veritas manifeste & citra omnem dubitationem lectoribus apparebit.

JOANNES POMPEJUS MANZOCIUS AD RAYMUNDUM CUNICHIIUM

Ut Poemata sua in lucem edat.

S Uavidici quondam legerem cum docta Catalli
Nativo veteris plena lepore Latī
Carmina; seu deflet præreptum funere fratrem,
Turtur ut amisso moesta gemit socio,
Sive comam stellas inter facit ille loquentem,
Dulci ut Reginam sublevet alloquio;
Seu te cantat, Hymen; & semihiante labello
Jam puer ad Patrem ridet amabiliter;
Seu quondam affurgens paulo majora canendo
Thetyos, & magni nobile conjugium
Æacidæ celebrat; sic me rapiebat, ut alter
Non magis, ipse licet dulce canens iterum
Callimachus redeat, quæque olim Iussit Achæis,
Ausonijs reddat blandius illa modis.
Sed tamen, (Audite o, pietas quæis ultima cura est;
Namque ego non pravo vera pudore tegam)
Non mihi, siqua fides, tanta dulcedine pectus
Perfundit residens illius ore lepos,
Quanta movet stomacho fastidia turpis amorum,
Quam lepido tractat carmine, materies.
Sic ut quisquis inest operi nitor obscuretur,
Fandi & quæcumque est gratia depercat.

Non

Hic mihi non blando se præbeat ore Cupido,
 Non geminas quassans acer Amor faculas,
 Sed Pudor, & Pietas, quanquam non respuat illa
 Innocuosque jocos, ingenuosque sales.
 Proh quantum, hæc siquis præstet feliciter audax,
 Debebit tanto casta juventa viro!
 Non erit, ut medijs in vepribus aspera lædat
 Spina manum, teneras dum legit inde rosas.
 Non erit, ut limo turbatas hauriat undas,
 Dum cupit e liquido fonte levare sitim.
 Hæc mecum. Ad nostras cum plane accommoda votis
 Pervenere manus carmina Cunichij.
 Obstupui, spectet ceu qui peregrina; negassem
 Vatis tam felix esse recentis opus;
 Ni nova materies præcis incognita sæclis,
 Nostri hujus vatem temporis arguerent.
 Perlege, quisquis eris vel durus censor, & acrem
 Fige aciem, summo jure licebit agas,
 Quid non Augusti dignum miraberis ævo?
 Quid melius dici, quid pote candidius?
 Fidenter dico; Cunich legat ipse Catullus:
 Laudator Cunich ipse Catullus erit.
 Non hic ille quidem molles reperiret amores,
 Quos neque laus colere est, nec cecinisse labor;
 Sed quæ digna magis, minus & vulgata Camoenis,
 Atque indicta aliis plurima suspiceret.
 Multa ut prærerream, quæ posse nitescere cultu,
 Ceu loca dumetis horrida quisque æget,
 Quam facili tractat, quam mira perpolit arte!
 Quanta sit Ærumna cum docet, utilitas;

Nunq

Nunc arctum per iter luctantis imagine lymphæ
 Exspuat ut coenum turbida quæ fuerat;
 Nunc auri, excoquitur cui fex admissa per ignem,
 Quodque faber multo sedulus attenuat
 Verbere, ut ornandis fiat laquearibus aptum,
 Utitur; ipsam oculis ut prope rem (a) videas.
 Nempe illi, & Musæ, & Charites genus omne leporum
 Certatim plena contribuere manu.
 Ergo agite, o juvenes, accedite; moribus apta
 Aptæ eadem ingeniis vena reperta nova est.
 Non ego Cunichii vobis cum carmina monstro,
 Exiguæ rivum, vixque fluentis aquæ,
 Sed fontem ostendo, nostra hæc quem protulit ætas,
 Quo pellucidior nullus & uberior.
 At tu flos Vatum, rerum dulcissime, doctæ
 Quid cunctaris adhuc edere mentis opus?
 Quantumvis nostri censura sit acrior ævi,
 Censuram vincis, vincis & invidiam.
 Quod, si forte tuæ spernis præconia laudis,
 At bene Te nobis consuluisse juvet.

(a) Composuit Cunichius egregium me tractat. Carmen hoc publici ju-
 Carmen elegiacum, quod inscripsit ris factum est primum Varaviae an-
 De bono Ærumne, & uberem ma- no, ut opinor, 1770., deinde Cre-
 teriam luculentissime ac copiosissi- monæ anno 1772.



CONTUCCIO CONTUCCIO

COMMENTARIUS IV.



Officia inter se ita fere apta sunt & colligata, ut unum aliud excipiat, & veluti catenam quandam efficiant, & cujus si primum annulum arripueris, ad teque pertraxeris, cæteri consequantur. Hoc mihi usuvenit, qui aliud ex alio secutus officium jam ad quartum Commentarium nihil tale propemodum cogitans pervenerim. Igitur aliquid nunc mandabo litteris de Contuccio Decessore in Rhetorica tradenda meo, qui suo jure videtur illud ipsum a me postulare officium, quod Sanctino eodem in munere Collegæ item meo jam perfolvi. Perhonorificam ego quidem in sexto Electricorum meorum libro de Contuccio mentionem feci, sed ea hujusmodi non est, ex qua qualis quantusque vir Contuccius fuerit, possit agnosci. Enitendum igitur mihi nunc esse video, ut aliquid fusius & explicatius de eo persequar, & talem illum meo hoc commentario lectoribus exhibere coner, qualis re ipsa fuit, virum videlicet eruditum, & inter eruditos hac ipsa eruditionis laude præcellentem.

II. Con-

II. Contuccius Patriâ fuit Politianus, nobili loco natus. Patricias enim inter & præcipuas ejus urbis familias Contuccia familia numeratur. Parentes habuit Alamannum Contuccium Equitem S. Stephani, & Juliam Egidiam lectissimam fœminam, avita item generis nobilitate spectandam. Editus in lucem est anno MDCLXXXVIII. XII. Cal. April. De prima ejus educatione, primisque litteris nihil habeo comperti; neque vero aliquid ut haberem magnopere mihi laborandum esse duxi. Itaque hanc ejus vitæ partem de commentario meo præcidam, quæ minus digna est, quæ cognoscatur, atque ad ea festinantius properabo, quæ exploratius de Contuccio scribi possunt ac magnificentius. Facile enim, quæ ab Historico de primis exordiis reticentur, ex rerum consequentium narratione conficiuntur. Solet enim natura res ita ordiri, ut ex præclaris totius operis argumentis ipsa rudimenta factis appareant.

III. Contuccius vix excessit ex ephebis, editis jam egregiæ indolis atque ingenii certissimis indiciis, cum de vitæ ratione, quam potissimum iniret, secum ipse deliberaret, a Deo in Societatem Jesu vocatus est. Deo vocanti ingenuus adolescens, sibi parendum esse censuit; & vero statim paruit, atque familiæ illustris splendorem religiosæ vitæ humilitati atque obscuræ conditioni generoso rerum humanarum contemptu prætulit. Causa igitur ineundæ Societatis Jesu Romam

venit, & voti statim compos factus de more tirocinium posuit. Confecto tirocinio, cum satis politioribus disciplinis excultus esset, Philosophiæ operam dedit; a Philosophia ad tradendam Grammaticam primum, tum ad humaniores litteras edocendas destinatus, muneri suo egregie satisfecit; ac reliquis item deinceps muneribus, quæ ei delata sunt, summa cum laude functus est. Decurso Theologiæ curriculo, Sacerdos initiatus, atque emissa statò tempore solempni *Professione*, transactisque omnibus pro recepta consuetudine, ad extremum Rhetoricæ in Gregoriano Collegio tradendæ præficitur.

IV. Ludus hic ei velut quædam officina fuit, in qua multo potissimam vitæ suæ partem transegit; suum exercuit, discipulorum suorum procudit ingenium; quo ex ludo, tanquam ex illa eloquentiæ Isocratea longe clarissima officina, multi in arte Rhetorica excellentes prodierunt. Nec vero non etiam patuit quam a natura ad hoc munus factus esset, quantaque ad illud & ingenii & doctrinæ præsidia summo cum discipulorum suorum profectu attulerit. Hoc enim in munere totos triginta annos perstitit, prope incredibili perseverantia, ut, pene dixerim, loco moveri vix potuerit. Jam qualis in tradenda arte Rhetorica, quam tamdiu professus est, ejus præstantia fuerit, tum ex fama optimi præceptoris, qua maxime floruit, tum ex ejus ingenii, etsi paucis admodum, quæ edidit, monumentis demon-

strari potest. Nam quod ad famam attinet, ea omnino summa fuit, ac plane talis, quam ei tam diuturna, & nunquam intermissa in litterario illo munere exercitatio conciliare debuit. Itaque suo tempore nemo fere existit, qui Romæ aliqua doctrinæ commendatione præcelleret, qui se Contucci fuisse discipulum non gloriaretur. Plena suis auditoribus Aula, referta Curia, Mitto illos, qui ad summos honores evaserunt, ex quorum amplissimis ornamentis ipsa quoque crescere magistri fama debuit atque existimatio.

V. Qualis vero ejus tum in arte Oratoria, tum in Poetica fuerit excellentia, ex illis, quæ edidit, ut diximus, sive potius edere coactus est, ingenii sui monumentis demonstrari certo non minus potest. Aliquot habuit Orationes in Collegio Romano, quæ publici juris factæ in manus hominum pervenerunt, ex quibus præstans auctoris ingenium, & eloquentia singularis aperte declaratur. Omnium primam edidit, quam habuit in funere Cardinalis Joannis Baptistæ Ptolemæi; hanc excepit, quam dixit in solemnibus Benedicti XIII. electione; consecuta est tertia, quam consecrato in Pontificem Maximum Benedicto XIV. pronunciavit. Omnibus in his orationibus eminet culta quædam, subtilis, & crebra sententiis dicendi ratio, quibus virtutibus hæ orationes, tametsi fusiore ac magnificentiore stylo conscriptæ non sunt, quam maxime illustrantur.

VI. Jam, quod ad artem Poeticam attinet, in ea non
ex-

excelluit minus , quam in Oratoria . Documento sit carmen illud , quod de Monte Testaceo scripsit , & in Collectione Latinorum Poematum , quæ composita ab Arcadibus Romæ edita sunt , legitur . Hujusmodi carmen satis ejus hoc in Poematum genere præstantiam declarat . Proxime enim ad Horatianam scribendi formam accedit , & subtilissimo quodam , quo maxime Horatius præcellit , juncturarum , & coagmentandorum verborum artificio commendatur . Probatissimos Scriptores legebat Contuccius , & ad eorum se fingere conabatur similitudinem . Alienus quidem , ut ea ferebant tempora , a Martiali non fuit , qui tamen ineps sæpe , & inficetus sit , falsus tamen interdum , acutus , facetiis & leporibus affluens est , & certe eo carminis in genere , in quo se exercuit , princeps . Nam quæ de Catullo hoc ipso in genere supersunt , & pauca admodum sunt , & multis partibus mutilata . Verum si Martiali delectatum esse Contuccium vitium a quibusdam delicatioribus existimatur , hoc non tam hominis , quam ejus ætatis vitium fuit . Prodiit Satyra quædam , egregie illa quidem conscripta , quæ Arcadicam Collectionem illam , quam diximus , vehementer exagitavit . Carpsit etiam Contuccium nostrum , quod in scribendo Martialem secutus sit , sed immerito . Nam ea , quæ a Contuccio edita sunt , Martialem certe non sapiunt . Ipsi autem ejus Collectionis Editori ignoscendum arbitror , cui quidem in delectu ju-

dicium non defuit , sed , uti assolet , liberam optionis facultatem necessitas ademit . Nam quid facias , cum aut imperiosa nobilitas , aut importuna inepti alicujus ambitio potentiorum sustentata opibus irrumpat , & locum per vim in Collectione expugnet ? Aut multorum offensiones subeundæ , aut non moleste ferendum cum bonis atque optimis carminibus locum esse mediocribus , & interdum etiam malis . Lector sapiens mala a bonis secernet , nec illis quidquam proderit societatem habere cum his , nisi forte apud indoctos , quorum contemnendum judicium est .

VII. Et vero quantum præ cæteris Poetis Virgilium Contuccius suspexerit , quantum adamarit , quantum summo illi in arte Poetica antistiti adhæserit , illud in primis Poema declarat , quod de *Plantis* , & scripsit , & inscripsit . Hoc certe Poema est hujusmodi , cui supremam si manum admovisset Contuccius , magnum sibi & Societati decus conciliaisset . Etenim in hoc conficiendo unum sibi Virgilium tanquam absolutissimum exemplar in Georgicis imitandum proposuit . Et vero , quantum quidem ingenioso homini fas est , ad absolutum illud exemplar accessit , quod ipsa structura carminis , percussio pedum , in adhibendis cæsuris artificium , in conquiescendo modus , & certa ratio declarant .

VIII. Unde autem hujus condendi carminis occasionem arripuerit , ab eo præstat audire . *Cum* , inquit ,

quit, propter autumnales calores, quibus fortasse majores nunquam meminimus, in agri Tusculani, ubi seriatu apricabar, sylvam divertissem, consideremque ita, uti sit, umbroso in solo, zephyris circum leniter aspirantibus, contemplatus arborum, quibus tegebar, proceritatem, exceptoque ex deciduis earum fructibus semine; Hem, aiebam, tanta proceritate arbores ex tantulo semine! Quod cum tacitus mirarer, ut dudum ab litteris aberrabat animus, cæpi mecum cogitare, quod in natura fieri videremus, idem in litterarum tractatione usuvenire consueisse, ut ex minimis etiam præceptis, quasi quibusdam sapientiæ seminibus, summus litterarum profectus, summa maturitas proveniret. Tandem post multa, quæ ingeniose atque eleganter persequitur, ita concludit. Ac mihi quidem hæc meditati, provido sane casu, oblata materies visa est, ut, quandoquidem præfari me ex hoc loco oportebat, alio non decurrerem. Videbam enim si de Plantarum ortu carmen conscriberem, quid mihi, quid discipulis præstandum in hoc studiorum curriculo esset, intellecturos omnes ex ipsius naturæ magisterio; non enim facilius aut citius stirpes, quam litteræ proveniunt ac maturescunt.

IX. Hæc præfatus Poema exorditur suum. Ne vero omnia a me amicitiae, atque officio donari quisquam putet, libet particulam ejus carminis ex MS. depromptam huic meo commentariolo tanquam gemmam aliquam illigare, unde auctori, quem a Scri-

ptore non habet, splendor accedat, fidemque faciat
 legentibus vera esse, quæ scribo, & ab omni assen-
 tandi turpitudine quam maxime abhorrentia.

*Quæ segetes virtus pariat, proceraque truncis
 Robora; quæ semen genitabilis irriget humor;
 Unde novo coeant inter se caudice fibræ;
 Ut vernum augefcatur foliis nemus; altaque ramos
 Explicet in flores, & se sua seminet arbor,
 Expediam, &, quæ sit plantis natura, docebo.*

*Namque sub aerio Parnassi vertice Musas
 Dum sequor; increpuit ferula Sylvanus, & altos
 Ut canerem montes, Dryadumque virentia regna
 Admonuit. Juvet umbrosas exquirere sylvas
 Cum satyris, & nigrantem lustrare Cithærum
 Taygetumque, & quæ latis aviaria lucis
 Concentu volucrum resonant, animosque canenti
 Sufficiunt. Dryades vatem comitatur euntem
 Alternatque choros, fertisque recentibus ornant.*

*Seu gravidum effossis hominum experientia sulcis
 Obruerit semen; seu fors dejecerit arvo,
 Complexum gremio tellus fovet. Et reliqua.*

X. Ex his particulis, quæ Contucciî fuerit in scri-
 bendo tum prosa, tum versu elegantia conjicere le-
 ctor poterit; quod autem nominatim ad Poema at-
 tinet, ex his veluti feminibus, minimis illis quidem,
 sed magnarum rerum gravidis, quantam quamque pro-
 ceram in arborem se Contucciî Poema ipsum explicarit,
 ju-

judicare . Et vero Virgiliano plane stylo opus conscripſit ſuum , plures in libros diſtributum , in quibus multa variis de Plantis , multa de earum ortu , multa de incremento , multa de reſpiratione , de circuitione humoris , de propagatione ramorum , de ipſarum arborum proceritate , de moribus , de morbis , aliisque earundem proprietatibus fuſe , erudite , eleganterque perſequitur . Optandum utique fuerat , ut tam præclaro operi ſupremam manum admoviſſet . Verum Con-
tuccio non facultas , ſed voluntas deſuit . Plures mihi auctores fuerunt , ut Poema illud recognoscerem , & perpolirem ; nec non , ſi quid in eo labis occurreret , abſtergerem , edendumque curarem ; ſed ego committere nolui , ut alienæ eximie tabulæ temerariam manum admoverem , & tanti viri opus , quem ſemper tanquam magiſtrum reveritus ſum , auderem attentare . Præterquamquod ita multa multis partibus manca ſunt & mutila , ut reſtaurari , quod veteribus in ſtatu ſieri nunc ab Artificibus ſolet , nonniſi difficillime poſſit .

XI. Scripſit etiam nonnulla Italico idiomate , & inter cætera , quæ ſingula indicare hoc loco non vacat , edidit vitam S. Pulcheriæ Virginis Imperatricis . Occaſionem operi ſuſcipiendo & perſiciundo ejus ſanctiſſimæ Virginis attulit cultus , quem Benedictus XIV. amplificavit . Hanc autem amplificationem Fabius Danzetta S.J. vir doctiſſimus ab eodem Pontifice , apud

quem summa ob præstantem atque eximiam eruditio-
nem valebat gratia, obtinuit. Rogatus Contuccius ab
Emmanuele Azevedo amicissimo suo vitam, quam di-
xi, conscripsit. Summa ejus hoc in vitæ genere, quæ
nonnisi ex vetustissimis erui monumentis poterat, eru-
ditio, ac plane singularis agnoscitur. Sed ne quid dis-
simulem, ac ne laudare velle omnia videar, stylus,
qui lucubrationes omnes, & eas præcipue, quæ a
Rhetore proficiuntur, ornat, ac maxime limat, meo
quidem judicio paullo negligentior est atque incom-
ptior; quod satis docet laborem, quem plerique na-
tura defugimus, in suis perficiendis lucubrationibus
Contuccium ferre noluisse; nec vero debilem hanc ani-
mi sui partem his in rebus unquam confirmasse.

XII. Delata item ei provincia fuit Cardinalium
vitas conscribendi, & opus a Ciacconio primum incœ-
ptum, tum ab Oldoino feliciter productum, ad sua us-
que tempora deducendi. Oblatam operosam juxta ac
perhonorificam provinciam suscepit Contuccius; sed
cum exstimulator deesset, qui homini latera assidue
fodicaret, qui eum cessare non sineret, qui veluti
pensum exigeret, multa quidem collegit, multa con-
scripsit, multa in adversariis suis reliquit, sed opus
non perfecit. Pagellæ porro ita raptim conscribillatæ
sunt, ita sententiæ crebris lituris inductæ, vix ut in-
telligi possint, ita denique omnia confusæ, ut qui-
vis de illis distinguendis ordinandisque desperet. Nam
quid

quid iis hominibus facias, qui ita comparati sunt, ut laboris molestiam, quæ in perficiendis operibus ferri necessario debet, sive consilio, sive inertia, sive quacumque alia de causa, quam hic investigare non est necesse, refugiant. Certe tempus Contuccio ad multa conficienda, & vero etiam perficienda non defuit, si eum voluntas, quæ rerum omnium effectrix est, non defecisset. Sed quæ scripsit Contuccius, cum fere non voluntate adductus, sed necessitate adactus scripserit, mirandum non est, si negligentius ea, & præcipitantiùs effuderit, ut propterea in iis perfectio atque absolutio desideretur.

XIII. Verum in Contuccio illud fuit plane singulare, ut cui vel quidquam efficiendi, vel quod semel aggressus erat, perficiendi patientia & voluntas deerat, utramque & patientiam, & voluntatem, non domesticis ille quidem, sed externis quam promptissime hominibus libentissimeque deferret. Itaque non pauca scripsit, & castigate scripsit, & summa eruditione scripsit, quæ alieno nomine vulgata iis, quorum gratia scripta fuerant, summam eruditionis famam commendationemque pepererunt. Ego certe nihil unquam expugnare ab eo potui; non quod ego quidquam ex ejus labore atque ingenio proficere voluerim, qui mea hac quantulacumque facultate contentus sum; sed quod ab eo vehementius contendebam, ejus potissimum causâ contendebam, cujus mihi

hi nominis maxime cordi erat amplificatio . Sæpe hominem aggressus sum , sæpe adhortationibus urgere non destiti , ut , quandoquidem summa Antiquitatis eruditione præstaret , & tam multa in Musæum Kirkerianum intulisset , opus aliquod hoc in eruditionis genere conficeret , & suo nomine ederet , aut saltem quæ dubiæ cognitionis essent , propria distingueret nota , & quid de unoquoque monumento ipse sentiret , aut suspicaretur , monumentis ipsiis quam brevissime adscriberet ; quod illi facile admodum fuisset propter singularem rerum antiquarum cognitionem . Ad hoc ego eum sæpius impellere conatus sum , sed irritò semper propter eam , quam dixi causam , conatu .

XIV. Et vero singularis prorsus in Contuccio nostro notitia Antiquitatis fuit . Græcam , & Latinam linguam callebat apprime , quæ duarum linguarum subdia ei , qui Antiquitatis studia colere velit , in primis sunt necessaria . Valebat præterea memoria admodum tenaci ; quæ semel legisset , ita animo infixæ hærebant , ut non facile dilaberentur ; quæ semel viderat , eorum claram perinde speciem habebat propositam , ac si præsentia cerneret . Fere nunquam domo egrediebatur , nullum tamen , ne vel abditissimum quidem Romæ angulum , in quo aliquod antiquum monumentum latitaret , ignorabat . Quæ adolescens Roma curiosius obeunda inspexerat , ea senex meminerat . Itaque locum certo designabat , monumenti formam graphice descri-

be .

bebat, quid additum, quid ademptum, quid immutatum esset indicabat. Ad hæc accedebat & singularis solertia, & admiranda quædam sagacitas, qua res hujusmodi tanquam venaticus canis vestigabat, & quam longissime positas ac retrusas odorabatur. Quæsitæ vero plurium annorum spatio experientia fiebat, ut his de rebus & acutissime conjiceret, & certissime judicaret.

XV. Talis cum esset Contuccius mirum nequaquam videri debet, si hoc in studiorum genere singularem fuerit excellentiam, & summam excellentiæ opinionem consecutus. His de rebus, si quando controversia aliqua inter eruditos excitaretur, ad eum tanquam ad oraculum adibatur, ejus sententia exquirebatur, opinioni subscribebatur, controversia omnis tollebatur. Quotquot suo tempore Antiquarii Romæ, ac tota Italia floruerunt, Contuccium magnopere suspexerunt, & vero etiam per litteras consuluerunt. Exstant de eo doctissimorum virorum honorificentissima testimonia, quæ ei non assentatio tribuit, sed perspecta hominis harum rerum intelligentia detulit. Inter cæteros, qui cum plurimi fecerunt, recensendi sunt Boldettus, Ficoronius, Muratorius, Gorius, Maffejus, Capponius, Oliverius, Passerius, Victorius; hi autem in scientia Antiquitatis principes, & præclarissimis editis operibus celeberrimi.

XVI. Et Capponio quidem viro nobilissimo, & hujus eruditionis potissimum generi apprime dedito
ita

ita familiaris fuit , & carus adeo , ut ejus unius gratia Musæi sui partem Collegio Romano legarit , cujus accessione Kirkerianum Musæum incredibiliter auctum fuit , insigniterque ditatum . Ficoronius etiam pro ea , quæ illi cum Contuccio erat amicitia , ad Kirkerianum Musæum augendum plurimum contulit . Quæ ego libenter commemoro , ut virorum de Collegio Romano egregie meritorum hæc commentario in hoc meo grati animi testificatio exstet . Ex his , quos dixi , veluti fontibus in unum confluentibus singularis antiquorum monumentorum collectio facta fuit , ac plane digna , quæ ab harum rerum studiosis omnino visatur . Contuccius vero novis subinde monumentis , & conquirendis , & coemendis jugiter intentus mirum sane in modum illud locupletavit .

XVII. Nullum vero rarius monumentum in Musæum Kirkerianum illatum a Contuccio fuit , quam Picturæ quædam veteres in parietinis impressæ , quæ eo pretiosiores haberi debent , quod hujusmodi monumenta prope omnia consumpta sunt , & ferre temporis diuturnitatem nequaquam potuerunt . Æra , statuar , sigilla , aliaque hujusmodi nativam duritiem temporis edacitati objectarunt , quæ vel ferreos ejus dentes retunderet , vel saltem ita fatigaret , ut nonnisi plurium sæculorum spatio aliquid ex iis absumere tempus potuerit atque conficere . Nihil tale in picturis , quas utpote teneras admodum ac delicatas , perfacile aut imber
cor.

corrumpit, aut situs perdit, aut vel ipse molliſſimus aer paulatim exedit. Caſus quidem intercedat neceſſe eſt, qui eas aut alte aggeſta humo conditas & conſepultas conſervet, aut ſuperinductis ſalium cruſſis obductas ab interitu vindicet; ſed novum inde periculum; nam ſi locus minime ſiccus, & paullo humidior ſit, facile primum liveſcunt, tum magis ac magis deformantur, donec ad extremum evaneſcentibus ſenſim coloribus prorſus delentur. Jam ſiquæ veteres ex tot injuriis picturæ, quibus tanquam imbellem ſexum obnoxias fuiſſe conſtat, incolumes evaſerunt, næ illæ maximo in pretio habendæ ſunt, & ſupra reliquam veterum monumentorum turbam efferendæ.

XVIII. Porro ſuper hujusmodi picturis, quas diximus in Muſæum Kirkerianum a Contuccio illatas, non minima inter Antiquarios & Pictores excitata controverſia fuit, veteresne ſint, an recentes. De his dicam, quod ſentio; per me licet ſentiant alii, quod libet. Tales enim hujusmodi de rebus controverſiæ ſunt, quæ in utramque partem ab eruditis ſine cujuſquam offenſione agitari poſſunt. Neque vero has picturas ita perditæ amo, ut quaviſ ſponſione provocatus eas omnino veteres eſſe, nec recenti opere ad veterum ſimilitudinem effictas contendere paratus ſim. Certe has nemo picturas vidit, quin eas vehementer ſuſpexerit; ego ſane ut illas vidi, ita me vel primo intuitu perculerunt, ut penitus animo earum forma non infe-

de-

derit solum , sed totum occuparit . Ac ne illud quidem mihi arrego , ut certum his de rebus iudicium feram , sed qui nobiliores picturas , & hic Romæ , & Florentiæ cum essem , curiosius inspexerim , recta a pravis possim fortasse distinguere . Præterquamquod hæ res huiusmodi sunt , ut omnes aliquid in nobismet ipsis instrumenti habeamus , quo quid pulcrum sit , quid non , internoscere possimus . Neminem enim harum rerum natura esse voluit funditus expertem , sed tacitum quendam sensum indidit , quem secuti non ita facile in iudicando fallimur .

XIX. Et vero has in picturas animum si quis intendat , oculosque defigat , certissima antiquitatis indicia deprehendet . Quæ intuentibus primo objectu occurrunt , scuta , thoraces , elypei , cristæ , gladii , hastæ , lanceæ , arma , vexilla , insignia , sagi , Imperatorum indumenta , chlamydes , paludamenta , & reliqua ad militiam spectantia ; mulierum ornatus , pallæ , vela , pepli , cyclades , muliebris cultus omnis ; insuper conclavium prospectus , fenestræ , januæ , murorum coronides , architectura tota ; mystici quidam characteres picturis ipsis adscripti , minuti , evanescentes (Punici-
ne , an alterius ignotæ linguæ divinare quis possit ?) hæc conjunctim omnia , aliaque huiusmodi vetustatem videntur unam prodere , exhibere , demonstrare . Nihil simile in picturis recentibus , imitatio nulla , nullum ne vel levissimum quidem imitationis vestigium

gium. Omnia nova, nunquam visa, inusitata, singularia, uno verbo ad speciem antiqua. Verum, ne quid dissimulem, animadversum est ab intelligentibus aliquid esse negligentius in formis & lineamentis expressum, sed nihilo tamen minus hæc ipsa negligentia non displicet, & antiquitatem quodammodo sapit. In picturis enim alios horrida, inculta, abdita, & opaca, contra alios nitida, læta, collustrata delectant. Quamquam in harum nonnullis tantum artificium cernitur, ut cum nostris probatissimis picturis certare de excellentia possint. Hoc autem quo certius ex contentione appareat, eodem, quo hæ picturæ asservantur loco, nobilissima Guidi Reni pictura proposita exstat. Quod in Guidi tabulis molle, tenerum, delicatum ex artificioso colorum temperamento efflorescens intelligentes suscipiunt, hoc etiam in earum aliquibus iidem vehementer admirantur. Immo vero rogati, si daretur optio, Guidine opus illud egregium, an earum picturarum unam sibi auferre mallent, nihil ambigunt de optione, earumque aliquas vel egregiæ Guidi tabulæ anteferre non dubitant.

XX. His illud accedit, de quo iudicium non omnino imperite meum, possum interponere, propter artium Picturæ & Poësis cognationem maximam. Qui diu in arte Rhetorica tradenda versatus sum, probationes utique Poetas legere debui; & vero legi, Virgilium præsertim, & Homerum, cujus etiam insigniora

ra loca diligenter animadvertendo notavi , & cum Virgilianis contuli . Itaque quod attinet ad totius , quæ exprimitur , coagmentationem operis , hæc talis in quibusdam est , nihil ut neque expressius cerni , neque magnificentius excogitari posse videatur . Didonis mortem a Virgilio descriptam cum sæpe legirim , non minus ea sæpe animum concussit meum . Hanc autem ipsam his , de quibus loquor , picturis expressam cum primum aspexi , si dicam animum non minus perculisse meum , & fortasse etiam magis , dicam id , quod re ipsa sum ego ipse expertus . Ab latissima area gradatim exsurgit pyra , & incredibili magnificentia in sublime educitur . Supra pyram constituta Regina gladio incumbens semimortua exhibetur , ut eam non tam aspicias , quam miserabilis infortunii ad vivum proposita imagine intimis sensibus commovearis . Cernis ipsam *collapsam in vulnus , ensisque cruore spumantem , sparsasque manus* ; cernis & teterrimam speciem refugit animus intueri ; usque adeo omnia ad luctum sunt ac mœrorem mirabiliter expressa . Circa pyram multitudo ingens subitum Reginae ipsius interitum lugentium ac lamentantium ; alius alio modo dolorem indicat suum , omnes summum . Porro hæc ipsa circumfusa multitudo quibusdam veluti togis (neque enim quo satis idoneo vocabulo indumenta , quibus tegitur , appellem , habeo) obvolvitur , quæ longo tractu a tergo profluentes terram late confernunt &

& nescio quid funestum ac lugubre intuentium animis inspirant, nihil ut funestius objici possit atque lugubrius.

XXI. Quod in expressa Didonis morte observare est, hoc in Alexandri magni funere animadverti peræque potest. Apparassima funebri exhibetur pompa, aurei currus, quo defuncti Regis cineres aureo inclusi loculo deferuntur, forma omnino nova, qua nulla magnificentior ad ornatum ac regium plane luxum excogitari videtur posse; quæ præcedunt, quæ comitantur, quæ consequuntur currum, omnia ad funebrem sumptuosissimam speciem composita. Funalia quædam; & lucernæ ardentes tenebras noctis temperant, & tristem quendam splendorem efficiunt, qui & luctum incredibiliter auget, & ad totam pompam subobscurum in lumine collocandam mirifice valet. Quid plura? Generatim atque universe his in picturis multa observantur, quæ explicare me posse verbis despero sic, ut ea perinde lectoribus proponam, ac re ipsa sunt. Certe in omnibus acerrima quædam, & cogitandi, & exprimendi vis eminet. Sed non pauci, qui sive intelligentes sint, sive intelligentes existimari velint, multo aliter sentiunt de his picturis, & acerrime contradicunt, quibus, ut jam professus sum, facile concedo, ut de iis, quod volunt, opinentur; me sane nunquam neque suæ ipsorum opinionis oppugnatorem, neque hujus meæ propugnatorem habebunt.

XXII. Præter has, quas indicavimus, antiquitatis

Tom. III.

H

no-

notas, alias etiam his in picturis, si eas per otium & curiosius contempleris, minime requiras, quæ dubium omne ex ambigentium animis possint eximere. Admota lente exiles quædam rimæ apparent, quas temporis diuturnitas distractis dissociatisque coloribus efficere debuit. Præterea concretæ salium crustulæ, quarum vestigia adhuc supersunt, in angulis cernuntur, quæ picturis longa annorum serie superinductæ picturas ipsas veluti tunica quadam obvolutas nostram ad usque ætatem integras inviolatasque conservare potuerunt. Hæc, aliaque hujusmodi diligentius inspecta has picturas pro antiquis esse habendas omnino videntur evincere. Credibile enim non est, tanto artificio existitisse Pictorem, qui operi quam recentissimo tantam vetustatis speciem allinere potuerit. Quod si existit (audio enim nescio quem nominari) is certe hoc in fallendi genere parem non habuit, ut in hoc ipso summam dici debeat excellentiam consecutus. Quid igitur fuit, cur tantus Pictor Contuccio potius, quam alicui principi viro has picturas venales obtulerit? Stultus profecto ac plane fatuus is esse debuit, cujus æstimatione picturæ tam nobiles adeo conciderunt, ut eas vendere homini minime pecunioso non dubitarit. Contuccius certe summa pecuniæ laborabat inopia, & harum in rerum sumptu parcus admodum erat, vix ut nummulos aliquot utcumque extricare posset.

Jam

XXIII. Jam quo nam potissimum modo has picturas compararit, quod ego sentio, sive potius suspicor, ut dicam, existimo illas a fossore aliquo in antiquis parietinis casu fuisse repertas, erutas subinde, & ad Contuccium a fossore ipso statim delatas, cui, quod visum fuerit, citra injuriam, a Contuccio persolutum continuo sit. Certe magna illi cum tota fossorum gente amicitia & familiaritas fuit; quidquid hujusmodi repertum esset, ad eum ultro deferebant, ab eo exquirebant pretium, auferebant etiam, si a Contuccio fuisset oblatum, & malebant pretio quantumvis exiguo, sed statim persoluto, cum eo decidere, quam cum aliis transigere ac pacisci, a quibus pactam pecuniam nonnisi sero admodum, ac summa cum difficultate extorquere possent. His de causis factum arbitror ut hæ picturæ in Contuccii manus pervenerint, quibus Kirkerianum Musæum rara ac pretiosa suppellectili ditatum est. Contuccius vero optimo usus consilio, qua ratione has picturas lucratus fuerit, semper reticuit, neque moriens cuiquam patefecit, illudque, dum vixit, habuit solatii, ut homines de re levi, si ad graviores referatur, serio disputantes inter se, ridens ipse secum, atque altercantes audiret.

XXIV. Sed ut ad institutam narrationis seriem revertamur, exactis a Contuccio triginta in Rhetorica tradenda annis, gravissimo tandem onere levatus est, eique scholarum Præfectura inferiorum delata.

Ququam non tam onere levatus dici potuit, quam novo onere prægravatus. Multa enim secum incommoda atque molestias munus illud affert. Invisendæ scholæ, invigilandum magistris, census discipulorum habendus, qui novi adveniunt examinandi, veteres ad superiores gradus promovendi, nunquam cessandum. Quod vero gravius est, contendendum sæpe cum parentibus, qui vel ineptos promoveri omnino volunt, & diutius in scholis detineri liberos queruntur suos; nec vero non audent de docendi ratione præscribere, de Magistrorum præstantia judicare, homines harum plerumque rerum ignorantissimi. Quæ narro, expertus narro; in Contucci enim demortui locum suscepto mihi ipsi multæ hujusmodi hominum stultitiæ devorandæ fuerunt. Et vero haud ita pridem, quam hæc mandarem litteris, cum Barbitonfore non nullius momenti contentionem habui, cujus filium minime idoneum cum ad Rhetoricam negasset promovendum, ille eo me oculo aspiciens, ut sibi peracutus videretur; *Posse se*, inquit, *qui ad Collegium adolescens ventitasset, aliquid his de rebus pronunciare; filium suum sibi idoneum, qui ad Rhetoricam gradum faceret, videri*. Quid agerem? quid reponerem? Auctoritatem meam homini gregario committere nolui; ei morem gessi, atque hunc honorem Barbitonforis novaculæ habendum existimavi. Nimis fortasse lente, sed, ut puto, æquanimiter,

& vi-

& vitandarum offensionum causa, prudenter. Nam quid dicam de discipulis ipsis, qui nullam disciplinam ferre possunt, nec pati volunt? Ut flagellum increpuit, dilabuntur; ex his abeunt ad alias scholas, ex aliis ad has adeunt, meant & remeant, nusquam constantes nisi in ipsa inconstantia.

XXV. Hac molestiarum plenissima, quam dico; Præfectura donatus Contuccius in ea, quod reliquum ei vitæ tempus fuit, consumpsit, atque ita se gessit, ut offensiones vitarit omnes, & omnium animos sibi mirum in modum benevolentia & comitate sua devincherit. Discipuli eum dilexerunt plurimum, quorum frequenti corona stipabatur. Ille vero hilari vultu omnes excipiebat, omnibus aliquid suæ humanitatis impertiebatur. Si quis erat ingenio tardior atque obtusior, ei peculiarem operam impendere, eumque privatim edocere non recusabat. Nonnullos privata hac institutione ita jovit atque erudit, ut nunc apud principes viros honesto loco sint, & conscribendis epistolis adhibiti eo munere non sine laude fungantur.

XXVI. Sed de Contuccii doctrina, studiis, & muneribus dictum sit satis. Quod ad ejus mores attinet, vir fuit sane pius ac probus. De se demisse admodum sentiebat, & hanc ob causam sua scripta neglexisse putandus est, quorum amore non adeo captus fuit, ut ea peccandi comendique laborem su-

scipere in animum unquam induxerit . Idem vero rogatus aliquando a familiari , quare scripta sua non perpoliret atque ederet , respondit ; Vereri se ne pagellis ipse suis *Purgatorii* flammis aleret , quibus & diutius torqueretur , & molestius ustularetur . Preterquamquod quietis ac pacis amans , & omnium fugitans litium ab omni contentione quam maxime abhorruit . Si quid , ajebat , in re præsertim antiquaria edideris , quæ conjectura fere continetur , ecce tibi statim tricæ , quæstiones , controversiæ ; quam semel amplexus fueris sententiam tueri si velis , nullus quæstionum , nullus controversiarum finis . Hac de causa nihil in ea , in qua plurimum excellebat , scientia suo nomine edere neque voluit , neque cujusquam auctoritate adduci potuit , ut vellet .

XXVII. In cultu domestico iis semper , quæ ad privatum usum omnibus præbebantur , contentus fuit , a singularibus quam maxime alienus . Hoc minimi certe faciendum non est , quanquam ei , quod amplexus fuerat vitæ generi conforme , & commune omnibus , qui illud ipsum vitæ genus profitebantur . Sed nihilo tamen minus nisi virtus naturæ sustentaret infirmitatem , necessario quæ subeunda erant incommoda ferri diutius non potuissent . Ea Contuccius & libenter subivit , & æquanimiter tulit . Ejus vero patientia talis fuit , qualis omnino esse in eo debuit , qui tot annos in ærumnosissimo munere sine cessatione impendit .

Præ-

Præter docendi molestiam multo gravissimam, sæpe, ut in magno discipulorum numero evenire solet, cum arrogantibus, pervicacibus, ingratis contendendum est, quibus cum bene feceris, peiores fiunt. His accedit tanquam cumulus, quod tot labores nullo privato emolumento suscipere debuit; nisi forte emolumentum loco ducere velimus immensam curarum molem, qua prægravantur magistri, & interdum obruuntur.

XXVIII. Cum patientia eodem in munere obeundo copulanda caritas omnino fuerat, qua nisi doctos probe instructus sit, munus illud cum discipulorum utilitate obire nullo modo potest. Porro quanto Contuccius studio ab ipsa utique caritate profecto operam discipulis impenderit suam, ex eo colligere licet, quod tot annos, ut sæpe jam diximus, eodem in munere sine intermissione persisterit. Illud præterea certissimo argumento est, quod paullo ante de singulari adolescentium institutione attulimus, qua fiebat, ut a schola vacationem nactus, & publica docendi provincia jam defunctus, privatam suscipere non recusaret. Quod quidem caritatis ego genus satis æstimare non valeo. Relabebatur enim eo, unde elapsus erat, & rursus iisdem se laqueis, quibus fuerat expeditus, induebat.

XXIX. Per quam raro domo egrediebatur; neque vero ulla unquam tanta in urbe celebritas fuit, quæ cum ad prodeundum vel alliceret, vel compelleret. Præter Tusculanum secessum paschalibus & autumnali-

libus feriis Magistris concedi solitum, quo delectabatur plurimum, nullum fere aliud solatium admisit. Prospera semper usus est valetudine, ut eum nunquam lecto decumbentem sive febris, sive aliquo alio morbo implicitum, quisquam viderit; sed postremo vitæ suæ anno enato in crure erysipelate graviter ægrotare cœpit. Crus deformem in modum intumuit, ut incedere vix posset. Hoc morbi genus patientissime toleravit, & ne verbum quidem unum, quo dolorem indicaret, unquam edidit. Nec vero strato se commisit, sed gravi non sine incommodo ambulabat sic, ut, cum affecto cruri insistere vix posset, non incedentis, sed ægre corpus trahentis molestant intuentibus exhiberet speciem. Morbo nequidquam adhibita medicamenta, medicamentis omnibus morbus pertinacior fuit, & omnem medentum artem vicit. Unum levamen erat defluxus humoris in subiectum crus, ejusque extra cutem derivatio; qua intermissa certum imminebat mortis periculum.

XXX. Hoc cum videret Contuccius, contra atque suadebat Medicus, lecto se sternere aliquandiu recusavit; quod ei ignoscendum arbitror. In hoc enim naturæ paruit, quæ instans lethum propellere, quantum poterat, conabatur. Neque enim dubium, quin malignus humor, qui stante corpore in affectum crus defluebat, jacente relaberetur in pectus, ubi si collectus stagnasset, certissimus consequebatur in-

interitus . Verum Medico in proposito suo obstinatus persistente , ejus imperio cessit tandem Contuccius , & lecto se commisit ; qua in re non tam Medico , quam S. Ignatii præscripto paruit , cujus ea lex est , ut ægrotantes Medico in his , quæ ad curandum corpus & tuendam valetudinem pertinent, obtemperent . Singulari igitur Obedientiæ exemplo diutius repugnare destitit , & propemodum certus mori Medico paruit . Quod probabiliter eventurum putarat , id continuo evenit . Ut decubuit , humoris in crus defluxus cessavit , lethalis humor pectus obsedit , & hominem ad extrema deduxit . Mortem adventantem intrepido & constanti animo excepit Contuccius , nihil ejus adventu perterrefactus , nihil præsentia conturbatus ; sed eo in discrimine constitutus illud unum enixe flagitavit , ut omnibus Ecclesiæ *Sacramentis* , quæ morientibus impertiri solent , procuraretur ; quibus summa religione susceptis humor ille , quem diximus , hominem oppressit atque exstinxit .

XXXI. Ejus obitu magnum Collegio Romano ornamentum ademptum fuit , quod ipse tot annos doctrina ac virtutibus suis insigniter nobilitaverat . Qui in Musæi Præfectura illi successit , ejus imaginem exprimendam curavit , & in Musæo ipso , de quo optime meritus fuerat , omnibus conspiciendam proposuit . Imagini addita inscriptio perelegans , quæ docet Contuccii in re antiquaria præstantiam , & singu-

gularem ejus in locupletando Musæo ornandoque diligentiam. Fuit statura justa, hilari ore, & ad suavitatem simul gravitatemque composito, ingenio peracri, eruditione singulari, talis denique, cujus memoria exstingui omnino non debuit. Id ego efficere meo hoc commentario adnissus sum; quod si assecutus fuero, magnum laboris me percepisse mei fructum arbitror. Multo ante, quam hæc mandarem litteris, perhonorifica a me, quod jam inde ab initio significavi, in sexto meorum Electricorum libro de Contuccio facta mentio aliquot versibus fuit; quos inde desumptos huc placet transferre.

*Ille autem lente gradiens tardante senecta
 Ecquis erit? meritos cui cingit laurea canos,
 Nescio quid manibus versans, & totus in illo.
 Fallor? an admoto detrita numismata vitro
 Callidus explorat? non fallor; scilicet ille est
 Egregius Vates, summusque Orator, avitum
 Florere eloquium stupuit, quo Rhetore, Roma.
 Nare sagax idem, longoque instructus ab usu
 Quidquid edax reliqui sæclis labentibus atas
 Fecit, odorari; nec non Kirkerius olim
 Quas Latio collegit opes e divite, felix
 Augere in tantum, ut vincantur scrinia, nec jam
 Amplius accessus capiant stipata recentes.*

D E

CÆCILIA SOMENTIA

PARTHENII MATRE.

COMMENTARIUS V.

Ersolutis a me , superioribus com-
 mentariis , & Collegæ , & Amico ,
 & Decessori meo grati & memoris
 animi officiis , nemo consilium , opi-
 nor , meum reprehendet , si debitum
 plurimis nominibus pietatis officium Matri exsolvam ,
 ejusque memoriam , si quo modo scribendo assequi
 possim , perennandam suscipiam . Id autem , ut su-
 sciperem pietas in primis , tum eximius , quo eam ,
 dum viveret , prosecutus sum , amor , & vero etiam
 singularis , quæ post ejus obitum de suis virtutibus
 infixæ animo hæsit opinio , me non impulerunt modo ,
 sed propemodum coegerunt . Talem enim singulari
 Dei beneficio nactus sum matrem , qualem me forti-
 tum esse nunquam non gloriabor , insignibus præditam
 animi & corporis ornamentis , ac plane dignam , cujus
 memoria prorsus non intercideret . Itaque hac in re
 cessi pietati , cessi amori , cessi , quam de ea summam
 semper habui , virtutis opinioni , & hoc commentario-
 lum

lum conscripsi, quo illam, qualis re ipsa fuit, conatus sum exprimere. Neque vero, ut ait Vellejus Paterculus (lib. 1.) *Ego verecundia domestici sanguinis gloriæ quidquam, dum verum refero, subtraham*; sed quæ mihi de ea nota sunt, fideliter mandabo litteris, & hanc saltem illi referam gratiam, quod me non genuerit solum, sed ingenue etiam ac liberaliter instituerit, unde mea hæc qualiscumque in scribendo facultas profecta non tam mihi usui foret, quam illi alicui aliquando honori esse posset.

II. Cæcilia Somentia nata est Cremonæ in Infusoria III. Cal. Feb. An. MDCLXXXIX. & sacro Fonte abluta Anna Maria Cæcilia appellata est; sed, quoad vixit, uno Cæcilix nomine nuncupari consuevit. Infantem e sacro Fonte de more extulit Comes Horatius Mainoldus Patritius Cremonensis. Parentes nata est Michaellem Somentium insigni probitate virum, & Catharinam Pansiam, singulari atque eximia virtute fœminam. Et Familia quidem Somentia inter antiquiores ac nobiliores Cremonenses Familias recensetur. Quanquam, quod perversum est iudicium hominum, qui non genus, sed opes spectare solent, nunc accisis opibus, non eo, quem olim ea in urbe obtinebat, loco habetur. Mentionem hujus Familiæ perhonorificam facit in sua Patriæ Historia Antonius Campus, nobilis Eques Cremonensis, idemque Pictor excellens, & Scriptor eximius, atque illustres aliquot

quot ex eadem Familia viros ac fœminas (a) non sine laude commemorat .

III. Hos , quos dixi pios & probôs parentes nacta , ab iisdem Christianis moribus imbuta est , quos adeo raræ indolis puella combibit , ut eos ad ultimum uf-

(a) Antonius Campus in sua Cremonensi Historia edita Mediolani in œdibus Joannis Baptistæ Bibellii anno 1645. non pauca de Familia Somentia persequitur , quæ placuit excerptare , & hic lectoribus exhibere .

Lib. II. pag. 145. an. 1535. hæc habet : „ Pensando il Re Francesco „ di Francia di occupare Cremona.... „ Laonde il Duca Francesco Sforza „ Visconte , il quale si trovava in „ Cremona , vi mandò Aleffandro „ Bentivoglio Bolognese , Aleffandro „ Stampa Milanese , ed il Capitano „ Barone Somenzio Cremonese con „ mille e quattrocento Fanti affol- „ dati in Cremona per opporsi &c. „ *Lib. II. pag. 169. an. 1549.* „ Fù „ etiandio celebre in questi tempi „ il Barone Somenzo nobile e va- „ loroso Capitano , il quale fù mol- „ to caro al Duca Francesco Sforza „ di Milano , e dopo lui all' Impe- „ ratore Carlo V. Hebbe questi mol- „ ti gradi onorevolissimi nella mi- „ lizia , perciocchè fù Capitano , e „ Colonnello , & Governatore d'Asti „ in Piemonte , & di Lecco nel Du- „ cato di Milano .

Libro II. pagina 191. anno 1571. „ Non voglio lasciar ad-

„ dietro un'altra sacra Vergine Cre- „ monese , la quale nella predetta „ Città di Milano , per la santità „ della vita , & per le molte sue „ virtù , e particolarmente per l'ec- „ cellenza della Musica d'ogni for- „ te è tenuta in grandissima stima ; „ è questa Donna Corona Somenza , „ che fù figliuola d' Agostino So- „ menzo Senatore , e del Consiglio „ secreto dell' ultimo Francesco Sfor- „ za Duca di Milano ; vive ella nel „ Monastero delle sacre Vergini det- „ to il Monastero maggiore .

Lib. II. pag. 197. an. 1575. „ Non „ è molto che morirono due Gio- „ vani di grandissima speranza , ne' „ quali si vedeva una grandissima „ vivacità , & eccellenza nell'ope- „ rare „ (loquitur Historicus de ce- „ lebrioribus Cremonensibus Pictori- „ bus) „ l'uno fù Cristoforo Ma- „ gnano da Picighitone rarissimo „ nel ritrattare dal naturale , e l'al- „ tro fù Francesco Somenzo . „ *Lib. II. in fine Historiæ Consularit' Urbis , omnes ex Patriciorum ordi- „ ne electi , qui tunc vivebat , ab Hi- „ storico recensentur ; inter hos pagi- „ na 226. an. 1582. Joannes Petrus „ Somentius numeratur .*

usque vitæ exitum constantissime retinuerit . Cum aliquantum adolevit, nobilissimis Virginibus, quæ a Purificatione B. V. M. nomen habent, & peculiari instituto ad piam ac liberalem sequioris sexus educationem sedulo incumbunt, in disciplinam tradita est . Ab his, præter Christianas virtutes, quibus sanctissimæ illæ Virgines eminent, ac toti urbi insigniter prælucent, ea, in quibus exerceri ingenuam puellam decet, edocta est . In primis didicit acu pingere, quo in artificio plurimum excelluit ; magnoque postea ea illi res usui fuit, tum ad tempus honeste collocandum, tum ad filias suas, sorores meas, eodem liberali in opere exercendas .

IV. Viro matura propter eximias animi & corporis dotes a multis in matrimonium expetita fuit, sed Philippo Patri meo singulari Dei beneficio obtigit ; quod quidem ipse beneficium, qua erat insigni probitate, ac mentis sollertia vir, & agnovit, & bonorum omnium auctori Deo acceptum retulit . Hoc mihi met ipse, cum secum iter Senogallia Pisaurum haberem, inter colloquendum significavit, dixitque talem sibi Dei munere obvenisse uxorem, qualem certe commeritus non fuerat ; quo dicto singulares ejus laudes prolixo sermone persecutus est . Et sane illud mihi ulla sine assentationis nota affirmare de matre mea videor posse, nullam ei laudem defuisse ; qua quidem muliebris sexus maxime nobilitatur, &
quæ

quæ propria optimæ & Christianæ matrisfamilias habetur. Quas laudes ita mirifice copulavit, ut quæ optimam matremfamilias probant, eadem & Christianam ostendant ac piam; quod omnibus, qui hunc commentarium lege non gravabuntur, planum profecto fiet.

V. Verum ante, quam ejus virtutes exponam, quemadmodum in hoc ipso commentario conficiendo me gesserim, libet indicare. Ego quidem cujusquam diligentiam, qui me conquisitis studiosius notitiis scribentem juvaret, non magnopere expetivi; sed illa de matre mea satis habui mandare litteris, quæ mihi ipsi probe cognita erant, ac plane perspecta, & quæ ad ejus imaginem sine fuco ac fideliter exprimendam sufficere visa sunt. Itaque hæc, quæ memoriæ prodo, qualiacumque sint, non ab aliis didici, sed ego ipse vidi, atque animadvertendo notavi, illis exigui temporis intervallis, quibus mihi una secum esse licuit, & suavissima ejus consuetudine frui. Distractus enim a parentibus vitam fere omnem longe ab eorum conspectu exegi. Nam vix septennis Cremonam missus sum, ibique ab Andrea Patruo memorabili pietate viro educatus fui. Ea in Urbe Grammaticæ primum, Humanioribus deinde litteris, tum Philosophiæ in Gymnasio S. J. operam dedi. Emenso Philosophiæ curriculo annos natus decem & octo Pisaurum remigravi, & in paterna domo paucos menses confedi. Inde digressus ineundæ Societatis

tis causa Romam veni. Posito ibi tirocinio, eoque absoluto, recolendis humanioribus litteris aliquot menses impendi, quibus exactis informandis pietate ac bonis artibus de more adolescentibus præceptor sum destinatus. Munus hoc quinque extraxit annos; primum Florentiæ annos duos Grammaticam, deinde Humanitatem, quam vocant, annum unum, tum Firmi in Piceno annum item unum Rhetoricam docui. Firmi cum essem locorum propinquitate invitatus Pisaurum me contuli, ibique nonnullos dies cum parentibus transegi, quibus exactis Pisauro discessi, & Romam iterum Humanitatem annum quintum docturus veni; eodem autem revertendi, nec voluntas, nec vero facultas fuit. Hoc interjecto perexigui temporis spatio, quod mihi varia & abitus, & reditus intervalla supeditarunt, ea diligenter observavi, quibus hoc commentariolum contexere placuit.

VI. Fuit igitur, ut supra dixi, & pia mulier, & optima materfamilias, quibus conjunctim officiis cumulatissime satisfecit. Atque ut a matrefamilias & filiorum institutione exordium capiam, in hac ad Christianam normam exigenda plane existit singularis. Nihil enim habuit prius, nihil ei magis cordi fuit, quam ut filios & filias suas bonis moribus imbueret, & ad omnes Christianas virtutes jam inde a primis annis erudiret. Tenerum quendam pietatis sensum teneris liberorum suorum animis sensim instillare studuit, quo veluti lacte, multo, quam maternum sit, salubriore
li-

liberos bona mater aluit, atque eduxit suos. Dicam de me, & dulcem suavissimarum rerum memoriam jam inde usque ab ultima pueritia arcessitam revocabo. Recordor enim, & non sine quodam piæ affectionis sensu recordor, cum me puerulum Sanctissimam Dei Genitricem dulci matris vocabulo, appellare edoceret, ejusque ostendens imaginem ad ei manum tanquam matri carissimæ exosculandam assuefaceret. Edocuit etiam quoties, horologio pulsante, hora indicabatur, toties conceptis, quibus utimur verbis, B. Virginem salutare. Memini quoque, cum adoleverim, cœpisse me hortatu suo, singulis diebus quinque Psalmos illos, interjectis totidem *Angelicis salutationibus*, recitare, ex quorum primis litteris Mariæ nomen coalescit; quam postea consuetudinem nunquam non retinui. Hæc levia fortasse videri poterunt, sed filio de matre loquenti condonanda. Præterquamquod levia certe non sunt, quippe quæ & insignem ejus erga divinam Matrem pietatem docent, & sanctam filiorum educationem declarant; meum autem ex ejus obitu susceptum mœrorem ac desiderium, vel sola harum usurpanda rerum commemoratione, incredibiliter levant.

VII. Quantum vero hujusmodi optimæ matris institutio filiis suis exstiterit salutaris, ex eo colligi potissimum debet, quod fere omnes peculiari jure Deo volentes volens ipsa obtulit & consecravit. Nam ex decem adhuc superstitibus mater duo, feminæ omnino

quinque , abdicata rerum terrenarum cura , sanctioris vitæ genus diversis in Religiosis Ordinibus amplexi sunt . Quo loco non possum , quod mihi ipsi hac ipsa hujusmodi vitæ generis suscipiendi occasione accidit , reticere . Cum enim illi ego meum jam certus de ineunda Soc. Jesu consilium patefecissem , primum rei novitate perculsa hæsit aliquantum cogitabunda , tum in lacrymas effusa , utpote quæ meæ erga eam pietati atque amoris plurimum tribueret , rogare enixe cœpit ; *Viderem quid agerem , & cui eam , si forte orbari viro maturius , quam ipsa vellet , & tempus posceret , contigisset , commendarem ; se reliquis fratribus meis natu minoribus non tantum fidere , quantum mihi , proinde suam mihimet proponere solitudinem , & obsecrare , ut , quid consilii caperem , etiam atque etiam considerarem .* Hæc illa ; cui ego respondi ; Solitudine me quidem sua vehementer commoveri ; neque vero , nisi Deum consilii mei auctorem haberem , nunquam de ea deferenda fuisse cogitaturum ; sed cum vererer , ne , si Deo vocanti non obtemperassem , ejus orbitati non solatio , sed ægritudini potius futurus essem , idcirco hanc ipsam ob causam , quod eam diligere plurimum , relinquere statuisse , ea Evangelii secutum verba ; *Qui amat Patrem , & Matrem plusquam me , non est me dignus .* Hoc accepto , præter expectationem , responso pia mater conticuit , nec plura addidit , statimque divinæ voluntati acquiescens in-

ineun-

ineundæ Societatis Jesu facultatem una cum materna benedictione peramanter impertivit. Ego vero, ne quid dissimulem, fatebor hic ingenue imbecillitatem meam. Etenim si lacrymis & precibus diutius insisteret, & me vehementius oppugnasset, constantiam in suscepto proposito fortasse meam labefactasset. Quanquam non solum æquo animo se a me destitui propter Deum pia mater tulit, sed etiam paullo post ob eandem ineundæ Societatis Jesu causam se deferi passa est a fratre meo Joanne Maria, qui me ætate consequebatur, & in cujus observantia non minorem certe spem, & multo etiam exploratiorem collocare poterat. Is fuit salutaris piæ exitus institutionis, quem quidem exitum hujusmodi institutio non habuisset, nisi ex materna pietate ac religione tanquam e fonte in filios profluxisset.

VIII. Et vero pia admodum & religiosa mulier fuit. Non hic ego singulas ejus virtutes colligam, sed quæ præcipue in ea eminebant, pro commentarii modo perstringam. Et primum ejus erga Deum pietas insignis prorsus exstitit ac singularis. Multum temporis cælestium rerum commentationi tribuebat; sæpe conscientiam sacra *Confessione* expiabat suam; sæpe ad sanctum *Eucharistiæ Sacramentum* singulari pietatis affectu sumendum accedebat, quo sumpto non exiguo temporis spatio perstabat immota, ut satis appareret divinam sentire præsentiam; quo vero die *Eucharistica* dape reficiebatur, eo se aliquo delicatio-

re cibo mensæ accumbens abstinere consueverat ; qua re ostendebat se divino illo epulo , quod reliquorum ciborum fastidium gignit , satis esse satiatam .

IX. Secundum Deum eximia ejus in Sanctissimam Dei Genitricem pietas fuit . Omnes fere , quos suscepit liberos , Mariæ nomine insignivit . Die Sabbati B. Virgini præcipue dicato , solo interdum pane & frigida contenta erat ; ad eumque ipsum diem religiosius observandum etiam liberos jam inde a primis annis instituit suos . His aliisque hujusmodi obsequiis Divinam Matrem sibi demerebatur , quam & colebat ipsa , & a liberis suis colendam curabat . De ea sæpe , ejusque eximiis virtutibus sermonem inferebat , filiosque ad earum imitationem & excitabat sermone , & præibat exemplo . Jam illa , quæ de me , deque mea peculiari institutione dixi , huc referenda sunt , quæ satis ejus erga Divinam Matrem amorem docent , satis pietatem demonstrant . Quo quidem nomine ego nunquam parem ei referre gratiam , nec vero habere potero , quod me ab ipsa infantia sic erudierit , ut tam salutarem pietatis sensum animo bona parens inspirarit meo . Confido enim fore , ut Dei Genitricis patrocinio adjutus eo tandem evadam , quo unice in hac fluxa ac mortali vita homini aspirare fas est .

X. Inter omnes Sanctos peculiari cultu S. Tere-
siam profecuta fuit . Ejus vitam legebat sæpe , cal-
lebat optime ; de ejus virtutibus multo sæpius loque-
ba-

batur . Hujus rei illud etiam argumento esse potest , quod quinque , quas ab ea dixi consecratās Deo filias , in ipsa Religiosi Ordinis ingressū , cum aliud ab eo , quo appellabantur , sumendum pro more nomen esset , Teresiæ nomen adsciscere voluit . Neque vero hoc contenta fuit ; sed nunquam quievit , quoad usque unam saltem ipsi S. Matri Teresiæ dedicasset . Instigit enim precibus , & diu multumque conquesta apud Deum ex tot fœminis , quæ Religiosas ingressæ Familias jam essent , ne unam quidem , quod vehementer optabat , animum ad S. Teresiam adjecisse , voti tandem composita est . Etenim , quæ supererat una , natu minima , Catharina nomine , *Discalceatarum* , quas vocant , Monialium in religiosissimo Fanensi Cœnobio institutum amplexa , non tam genitrici morem gessit , quam Deo vocanti , qui piæ matris vota cassa esse non sivit , obtemperavit .

XI. Ex omnibus vero , quibus excelluit virtutibus , insigniter ejus castitas eminuit , ac verecundia . Quo quidem nomine est , cur eam non solum laudem , verum etiam prædicem . *Rara est concordia forma* , ut ait Poeta , *atque pudicitia* . Hanc vero concordiam , etsi raram , in ea & ego , & quotquot illam norunt , magnopere suspexerunt . Fuit eximia facie , & singulari pulchritudine . Nam prodere litteris , & commemorare quid dubitem , quod in Scripturis sacris de nobilioribus fœminis enunciatum invenio ; nec

vero a sanctis viris, cum sese illis id ipsum enunciandi occasio obtulit, prætermisum? Hoc quaecumque sequioris sexus ornamentum S. Tereſia de matre ſua ſuis in Operibus non modo non reticuit, ſed diſcrete etiam ſcriptum reliquit. Hæc ſecutus exempla non eſt proſecto, quamobrem cuiuſquam, ſi quid huiusmodi de genitrice mea memoriæ prodam, reprehensionem pertimeſcam. Forma quidem & venuſtas res eſt per ſe contemnenda, & talis, qualem ſtylo illo ſuo Magnus ille Gregorius mirabiliter deſcripſit, qui loquens de *Sanctimoniali* quadam ſœmina, ejuſque venuſtatem commemorans his verbis uſus eſt; (Dial. lib. I. cap. IV.) *Una earum*, inquit, *quæ juxta carnis putredinem ſpecioſa videbatur*. Sed quamvis muliebre hoc ornamentum verbis Gregorius merito abjecerit ſuis, negari tamen non poteſt, quin, ſiquidem virtuti ſerviat, cum virtutes omnes, tum caſtitem præfertim, maxime ornet atque commendet.

XII. Et vero hanc ipſam commendationem illa ipſa eximia ſpecies ei conciliavit; qua in ſpecie illud etiam fuit ſingulare, quod non cito evaneſcens brevi deſloruit, ſed, contra atque uſu in mulieribus venire ſolet, vigenſ diu perſtitit, & prope ad devexam in ea manſit ætatem. Hoc naturæ ditata munere inſigniter cum eſſet, nihil in ea non ingenuum, nihil non pudicum, nihil non verecundum; habitus, inceſſus, mores, verba honeſtatem indicabant. Vidi egomet illam, cum
ne-

nescio quid in sermonem casu incidisset , quod vel leviter pudicitiam lædere posse videbatur , vidi , inquam , illam modesto pudore suffusam , & perinde verecundantem , ac si tenera puella esset atque virguncula . Usque adeo mirificus in ea pudor fuit , ac verecundia enituit singularis . Hac pudicitia laude cum ipsa præcelleret , ad hanc liberos etiam suos erudit , & verecundos esse voluit ac pudicos . Atque hujus quidem rei , quod supra , cum de suscepto meo , cum eaque communicato ineundæ Soc. Jesu consilio loquerer , præstiti , non aliunde documentum petam , sed a me ipso depromam , & , quod mihi ipsi accidit , hic quoque non reticebo . Etenim quadam cum ei die improvisus advenissem , ea vero cum muliere infimi generis nescio qua , sed valde speciosa , seorsum in conclavi esset , inopinato adventu meo exterrita quodammodo hæsit , & certe vehementer perturbata ; quod statim atque ego animadverti , converso repente vestigio , me e conspectu proripui . Verita enim est , quod ex subita illa perturbatione conjicere promptum ac facile fuit , ne species illa mihi offensioni esse posset atque periculo ; qua re bona mater satis clare ostendit suis se quoque cavere filiis , & non propriam tantum , sed eorum etiam pudicitiam sibi maxime cordi esse .

XIII. Hanc porro ut integram inviolatamque servaret , omni , qua potuit , custodia munivit ac sepelit . Itaque externorum hominum vitavit familiaritatem ,

nec cuiquam facile se adeundi potestatem fecit. Domi-
clausa, præterquam diebus festis, quibus ad Sacra pro-
dibat, aut siqua alia honesta occasio prodeundi offer-
retur, se continebat. Vix primos matrimonii sui an-
nos prætergressa iis fere incessit vestibus, quæ cul-
tum quidem atque munditiem ostenderent, non exqui-
sitam elegantiam ostentarent. Crines, quod ego sciam,
nunquam adu sst ac finxit, nec pulverem illum, cu-
jus usus tantopere nunc invaluit, ad eos conspergen-
dos adhibuit, de animi magis, quam de crinium
candore sollicita. Atque utinam quarum mulierum
crines albicant, earum æque omnium animi candica-
rent. Capillos non totondit, sed collectos in nodum
& complicatos, ut castam decet matronam, velo
contextit. Externas vestiendi formas, morum plerum-
que corruptrices, non adamavit, nec iis serviendum
censuit. Saltare, quod græcæ levitatis quondam fuit,
nunquam didicit. Neque vero filias suas saltatrices
esse voluit, optimo in hoc usa consilio. Eam enim
contempsit artem, ejusque ignorantiam non erubuit,
quæ cum gravitati semper inimica, tum vero infe-
sta non raro pudicitiae est atque honestati.

.XIV. Talis, qualem descripsimus, cum esset, ca-
sta nimirum & pudica, ob hanc causam fœcundita-
tem pudicis & castis conjugibus promissam in Scri-
pturis sanctis ei tributam a Deo esse arbitror, & lar-
ge impertitam. Viginti, & eo fortasse amplius libe-
ros

ros enixa est. Dico fortasse, quod certum definire numerum nequaquam possum; non quia diligentiam requirendi omiserim, sed quia molestam inquirendi, qui suscipere vellet curam, reperire non potui. Tot vero partibus edendis nunquam vita periclitata est, neque debilitata viribus; sed tanta felicitate liberos in lucem edidit suos, ut major ne optari quidem potuerit. Non omnes utique vivaces fuerunt, sed quibus in infantiâ vita mortalis erepta, iis, valde expetenda commutatione, sempiterna donata. Itaque quos suscepit liberos partim immatura morte sublatis, & salutari lavacro ablutos cælo præmisit, partim, atque adeo fere omnes ex superstitis, Deo ipsi, cui referebat acceptos, diversis in Religiosis Ordinibus, ut jam diximus, obtulit & consecravit.

XV. Hanc supra communem mulierum sortem nata fœcunditatem magis ipsa in dies ac magis egregiæ matrisfamilias partes omnes implere studuit. Laboris in primis amans eum non modo, quod plerique natura facimus, non refugit, sed ultro etiam ac libenter appetivit. Nemo eam otiantem unquam vidit, & inter ipsa se convenientium otiosa plerumque colloquia, intenta operi acum de manu facile non deponebat. Familiæ vero non optima solum constitutio, sed etiam splendor quidam ac dignitas ei maxime cordi fuit; quod ego quidem in fœmina nobili loco nata reprehendere non possum, nec in matrefamilias, quæ,

uti par erat , omni , qua honesta ratione posset , filiis prospiciendum censuerit suis , non summopere collaudare . Cum visendorum filiorum causa venisset Cremonam , familiæ suæ *Arborem* , quam appellant , accurate delineandam , & ad publici tabularii auctoritatem exigendam curavit . Requisita a me qua de causa id fecisset , respondit ; *Sperare se eam rem filiis suis usui aliquando futuram* ; addiditque ; *Si quid hoc in genere foret , quod ingenuitatem proderet , nullo esse modo negligendum* .

XVI. Nec vero non aliis , præter illa , quæ hætenus persecuti sumus , prædita fuit ornamentis , quibus maxime enitebat , & supra vulgarium mulierum conditionem plurimum efferebatur . Lectioni valde dedita erat , qua & animum excoleret suum , & unde haberet , quod subinde ad audientium , & maxime liberorum utilitatem , pro temporis opportunitate , depromeret . Historicos sacræ Scripturæ libros e Latino in Italicum sermonem conversos legerat , penitusque memoriæ mandarat , qua felici admodum utebatur . Memini multa ex iisdem libris , cum nocturnis ego ei assiderem horis , mihi narrasse , & me ex ejus ore pendentem tenuisse sic , ut singularis ejus memoriæ vim suspicerem , & sacram eruditionem demirarer . Prudentiæ etiam laude excelluit , quam nulla fraudis suspicio corrumperet , & nativa quædam ingenuitas commendaret . Atque hæc prudentiæ laus privatis
fe-

septa parietibus non se continuit, sed foras etiam in vulgus emanavit, & qua in urbe vixit, in ea singulari ejus virtutis opinione floruit. In agendis præterea tractandisque negotiis non vulgari dexteritate valuit, & multa feliciter expedivit, quæ difficiles exitus atque explicatus habebant.

XVII. Quod autem ad indolem, atque animi habitudinem attinet, fuit, supra quam dici aut credi potest, mitissimo ingenio, & animo semper quieto ac pacato, ut ego nunquam, neque vero unquam, ut arbitrator, quisquam alius aut iratam viderit, aut aliqua minus recta permotione commotam. Rebus prosperis non insolescebat, neque frangebatur adversis; sed mirum quendam in utramque partem tenebat modum. His rebus fiebat, ut omnibus carissima esset. Filios in primis habuit sui amantes, & quantum humana infirmitas patitur, morigeros etiam atque obsequentes, apud quos, quamdiu vixit, tamdiu maternam retinuit auctoritatem. Filix vero eam dilexerunt plurimum, sed omnibus eximia erga illam caritate Lucia præstitit, quæ virgo nunc Deo sacra in Pisarenfi Franciscano Cœnobio una cum sorore Constantia vitam conjunctissime degit. Ego vero erga eam sic affectus fui, sic illam dilexi, ut mihi quidem videar nemini neque fratrum, neque sororum mearum quidquam hac ipsa dilectione concessisse. Et sane tempus omne vitæ meæ cum ea libentissime exegissem, nec ulla certe

proposita, quatumvis vel maxime expetenda conditione, illam derelinquere unquam sustinuissem, nisi divina, ut supra dixi, intercessisset voluntas, quæ me ab ea divelleret, quod ego dissidium, ingenue fateor, acerbissimum sum expertus. Hunc filiorum amorem, etiam se extincta, ut foveret, sui effigies exprimendas curavit duas, quarum altera juniorem, altera ætate proveciorem exhiberet, in quas intuentes filii & optimæ matris recordarentur, & ad ejus imitanda virtutum exempla excitarentur.

XVIII. Generatim erga omnes comis fuit atque officiosa. Erga pauperes benigna, & pro facultatis modo liberalis. Alienæ parcebat famæ, & si quid narrari, uti fuit, audisset, quod in quaque re a quoquam peccatum esset, omni qua poterat ratione excusabat. Erga famulos & famulas perinde se gessit ac mater, & famuli illam ac famulæ vicissim perinde ac matrem & vehementer coluerunt, & mirifice amarunt. Itaque nemo eam non caram habuit; domestici, externi, & quicumque demum, quibus nota fuit, cujuscunque conditionis essent, singulariter illam insigniterque dilexerunt. Audiivi egomet sæpe infimi generis mulieres quasdam, domum, uti assolet, celebrantes, quæ eam nunquam non sine præviis quibusdam vocabulis eximium quendam amorem significantibus appellabant, nec vero ejus perfequendis laudibus satiari poterant. Eximium amorem hunc & virtutes illi suæ, & suavissimi

simi mores, & comitas, & humanitas, & omnibus benefaciendi studium merito conciliarunt.

XIX. Hanc porro vitæ rationem, quam hæcenus descripsimus, & quam omni ex parte ad Christianæ disciplinæ normam exactam jam inde a primis annis iniecit, & viro juncta, & eodem defuncto vidua tenuit; semper sibi met constans, semper pia, semper religiosa, uno verbo Christiana, quo vocabulo virtuter omnes comprehenduntur. Atque hæc quidem constantiæ laus cæteris mihi videtur ejus jure laudibus anteposenda, qua & infirmitatem mobilioris sexus vicit, & omnibus nullo non vitæ suæ tempore se vehementer probavit. Singularem in modum, quoad vixit, conjunxit ea, quæ tametsi copulata sunt inter se, sæpe tamen, pro humana in deterius proclivitate, disjunguntur. Nam & quæ sui muneris erant, optima mulier curavit semper, & quæ Christiani officii propria habebantur, nunquam non in primis executæ est; ut mihi quidem in ejus totius vitæ rationem animum intendenti nihil in ea requiri videatur posse, quod ipsa & sibi primum, ut æquum erat, & optimæ liberorum educationi, & domus recte administratæ regimini, & familiæ demum bene constitutæ incremento non præstiterit.

XX. Quæ optimam animi sortita fuit, corporis etiam non minus optimam nacta est habitudinem. Usque ad propositam ætatem prospera semper usa est

va-

valetudine , quæ nec febribus , nec aliis morbis obnoxia unquam fuit . Multum tam prosperæ sanitati contulit , & bene compositi animi quies , & summa in cibo ac potu temperantia . Postremis vitæ suæ annis tentari ejus cœpta est valetudo ; sed , qua erat firma atque integra constitutione corporis , & summa , quam dixi , in victu sobrietate , morbos facile discussit , seque ab iis feliciter expedit . Verum ingravescente ætate , cum suis nimium fideret viribus , & contra atque ii , quibus ejus vita erat cara , hortabantur , suimet ipsius curam negligeret , vitæ cursum , quem certe longius producere potuisset , interceptit . Cum vero ad Lauretanam ædem iter religionis causa suscepisset , & inde Ælium filiæ visendæ gratia , quæ illic in matrimonio collocata commorabatur , divertisset , iter illud valde incommodum experta est , atque adeo exitiale . Domum enim reversa in morbum incidit , quo se explicare non valuit . Variæ fuerunt alternantis morbi vicissitudines , quæ spem nunc afferrent , nunc adimerent , sed is exitus fuit , ut eo demum exstingueretur .

XXI. Graviter decumbens mortis aspectu exterrita minime fuit ; sed bono conscientiæ testimonio confirmata eam intrepido animo excepit . Medicorum artem , qua sanitati restitueretur , non admodum requisivit ; immo vero se eorum opera non usuram diserte affirmavit , si proprio uti sibi hac in re licuisset

set arbitrio . Aiebat enim ; *Se parum medentum arti fidere , iisque tantum suæ valetudinis curam permittere , ut filiis de ejus vita sollicitis obsecundaret ; cæterum nulla protrahendæ vitæ sollicitudine teneri ; se naturæ vixisse satis , exspectare beatam spem , ad quam , Deo ac Deipara bene juvantibus , perventuram quam primum consideret .* Hos sensus in vitæ exitu constituta pia mulier & animo fovebat , & verbis significabat . Dolores , quibus cruciabatur , patientissime toleravit , proposito Christi e cruce pendentis , & Virginis Matris cruci adstantis exemplo . Ingravescente vehementius morbo filios advocavit , eosque extremum allocuta ad Christianas virtutes omnes adhortata est ; *Has certum esse patrimonium , has locupletem censum , his optime constitutas familias casum atque interitum non pertimescere .* Divinam *Eucharistiam* morti propior ardenter expetivit , & summa religione suscepit . Hoc Divino refecta viatico alacrior esse ad capeßendum æternitatis iter visa est ; a suscepta *Eucharistia* sacro oleo inuncta fuit , & sæpius *Sacramentali absoluteione* expiata . His peractis , cum nihil præterea curandum restaret , quod ei præstitum ad animi subsidium non foret , inter adstantium preces , & lacrymas pie e vita migravit ac placide . Ejus obitus incidit inter diem decimum quartum , & decimum quintum Februarii , hora noctis septima , anno MDCCCLXVI . Vixit annos LXXVIII. dies XXV. , & vita , ut docui-

cuimus , pie sancteque peracta , vitæ ipsi respondentem exitum nacta est , decessitque plena non minus dierum , quam meritorum .

XXII. Ejus mortem ægro animo filii ejus ac filia tulerunt , optimam e vivis creptam lugentes matrem , sed luctum spe melioris commutationis vitæ consolantes . Mihi vero nihil ejus obitu tristius ad eum diem accidit atque acerbius . Sed jam edoctus nefas esse Christiano homini *contristari de dormientibus , sicut eos , qui spem non habent* ; divinæ acquievi voluntati , ejusque mortem ea , qua decuit , animi moderatione tuli . Lacrymis quidem indulsi , (neque enim erubescō fateri ingenuè hoc a me extinctæ matri præstitum fuisse pietatis officium) sic tamen , ut potiores istius ipsius pietatis partes implere , quam celerime & diligentissime potui , studuerim . Ut enim nihil ea , cum in vivis ageret , carius habui , ita , postea quam discessit e vita , nihil mihi prius fuit , quam ut ejus animum modis omnibus expiandum curarem , quo citius , si quibus detinebatur laqueis , expeditiusque ad beatam ac sempiternam quietem evolare . Itaque Sacrosanctum *Missa* Sacrificium in Romanis Basilicis , locisque Martyrum memoria consecratis pro ejus animi expiatione aut statim a me , aut ab aliis efflagitatu meo oblatum fuit . Datis præterea ad amicos in omnem partem epistolis in sanctioribus Italiæ , & vero etiam Europæ , atque adeo extra Europam ip-

ipsam locis simili modo pro ejus anima litatum est. Sexto ab ejus obitu nondum expleto mense, hujusmodi sacrificia ad trecenta, & eo amplius numerabantur, nunc vero eorum summa fere ad non-genta excrevit, nec vero non augeſcet in posterum. quotidie magis. Ego ſane, optimæ matri bene precari, dum vivam, certe non deſinam. Amicis autem, quorum opera hac in re plurimum uſus ſum, magnam, immo maximam, me habere gratiam, & nunquam non habiturum proſiteor. Verum ne hujus ipſius gratiæ memoria prorsus intercideret, compaſto volumine, perſcriptoque uniuſcujuſque nomine, qui ſacrificia peregit, & notatis præterea locis, ubi ſacrificia peracta ſunt, perfecì, ut eorum erga me meritorum & monumentum aliquod exſtaret, & merita ipſa apud gratum ac memorem hominem recte collocata viderentur.

XXIII. His adjuta ſubſidiis tot ac tantis, quanta demonſtravimus, non dubito, quin eo jam evaſerit, ubi *cum Domino ſemper futura ſit*. Neque enim arbitror tam piam atque opportunam immittendam mihi a Deo fuiſſe cogitationem, ut illam tot undique conquiſitis ſacrificiis juvandam curarem, niſi ibi fuiſſet, ubi iis juvari poſſet. Quo loco, illud obſervare placet quam munifice actum a Deo cum ea fuerit ac liberaliter. Nam cum ejus filii, cui plurimum confi-debat, præſidio, quo poſtea non indiguit, ſe libenter

ter propter Deum in vita orbari passa est , eodem post mortem , quo maxime indigebat tempore , destituta non fuit , ut præsidium hoc ipsum non illi fuisset tunc ereptum , sed ad commodiorem translatum opportunitatem ac reservatum videri possit . Præterquamquod paucula hæc , quæ de ea mandavi litteris , aliquam certe habere remunerationis speciem ducenda sunt ; neque enim aliam ab illa , quam inivitæ rationem ingressus , aut de his conscribendis fortasse cogitasset , aut si cogitasset , hac saltem tolerabili mediocritate conscribere potuissem . Multo quidem plura de ea scribi poterant , si conquirere studiosius notitias placuisset , sed his , quæ a me animadversa sunt , ut ab initio professus sum , contentus fui . Puto enim ob hanc ipsam causam testatiora fore , quæ scripsi ; & vero plura addere supervacaneum existimavi , cum hæc ipsa fatis superque sufficere visa sint ad ejus imaginem fideliter exprimendam , quam non aliunde adscitis coloribus , sed meo veluti e penu depromtis effingere placuit . Malui enim matrem meam arbitrari potius meo , quam alieno expressam , hoc in commentario , tanquam in tabula spectandam lectoribus exhibere .

XXIV. Fortasse in hoc ipso summo illi , quo nunquam non eam profecutus sum , amor , nimium indulisse existimari potero , quod etsi filio de matre scribenti ignoscendum sit , non parum tamen de vera ejus laude deteret . Sed ego certe in scribendo illud
ma,

maxime providi, ut ea solum, quæ mihi probe cognita erant, ac plane perspecta, omni ablegato fūco, sincere exponerem; nec quidquam magis cavi, quam ut ne falsam ei laudem affingerem. Si vero inter scribendum aliquid irrepsit, quod ad meam qualemcumque commendationem referri videatur posse, hoc, quidquid id est, primum ingenuitate mea excusabo, tum historiæ ipsius ingenio, quæ nihil simulat nec dissimulat, deprecabor. Neque enim propter aliquam laudem communionem prætermittenda ea duxi, quæ valere plurimum ad ejus virtutes significantius demonstrandas putavi. Mihi vero importuno cuidam pudori servire visus essem, si hac in re nimium religiosus, atque adeo ineptus fuisset. Cæterum, si quid est in me, quod aliqua dignari laude existimetur posse, id omne primum ad Deum, a quo tanquam a fonte in nos bona cuncta procurrant, referri volo; deinde, secundum Deum, tribui piæ ac liberali parentum institutioni, unde illa ipsa, quæ in filiis laudantur, procedere solent atque profluere.

XXV. Jam vero, optatissima & desideratissima mater, quandoquidem ex hac terrenarum rerum turba, atque ex hujus sæculi contagione, non tam necessitate naturæ, quam opportunitate temporis evasisti, atque ad beatorum cœtum, quemadmodum mihi persuadeo, profecta es, quid restat, nisi ut hanc tantam tibi felicitatem, ut filium decet, ex animo gratuler. Ego quidem te, quo
ad

ad usque captiva in hoc *carcere mortis* fuisti , caram habui ; nunc vero , cum libertatem nacta ex eodem egressa vivas , & vita potiore vivas , multo etiam cariorum habeo . Fruere igitur tanto bono , quod tibi virtutes tuæ pepererunt ; fruiere , & totius ante actæ vitæ cursum respiciens , immortales immortalī Deo gratias age , cujus singulari beneficio eum sic inire , & tenere potuisti , ut & tibi ad commendationem illustris , & filiis tuis ad institutionem salutaris , & familiæ toti ad incrementum percommodus esset , quo feliciter peracto , tibi demum aditus ad æternam quietem beatitudinemque pateret . Itaque jam non est cur ego tantam opportunitatem mortis lacrymis pergā ulterius prosequi , tuumque ex hac vita abitum insolabiliter lugere ; immo vero est , cur omnem mœrorem abitergam , cur tua causa maximopere læter , migrationemque ex hac vita tuam omnibus & lætantis & exsultantis animi significationibus celebrem . Interea vero , dum ego vivam , tui semper meminero , tua semper exempla recolam , & me suavissima tui , virtutumque tuarum recordatione consolabor . Video , quocumque me vertam , omnia hic esse fluxa , caduca , interitura ; nihil hic stabile , nihil certum , nihil ratum , nihil diuturnum . Sentio mihi jam , mea hac deversa præsertim ætate , aliud non esse reliqui , nisi eo aspirare , ubi tu es , & ubi omnibus solutus curis vacuusque molestiis tecum una beatus esse possim . Illa quidem cogitatio
me

me vehementer angit ac torquet, non semper votis respondere eventus. Sed, ut incertus æternæ salutis exitus sit, me tamen ipse confirmo, & Deipara conciliatrice, cujus tu amorem jam inde a primis annis animo infudisti meo, in certissimam spem adducor fore, ut talis mihi, qualem opto, contingat. Hoc cum evenierit, quidquam certe non erit, quod præterea expetam, & qui hac in vita distractus a te fere semper fui, tibi in altera perpetuo confociatus adhærebo; nec vero non providentissimum Dei mirabor consilium, qui res ita temperaverit, ut distractio tantum fuerit ad tempus, confociatio vero sempiterna futura esset.

XXVI. Hæc habui, quæ de matre mea litterarum commendarem monumentis. Eximio, fateor, in hoc obsecutus amori erga illam meo, qui reprehendi fane non potest, & vero etiam pietatis nomine laudari debet. Hanc enim ei pro suis erga me promeritis referre gratiam volui, ut aliquid de ea scriberem, qui multa multis de rebus scripsi; & illud insuper, mihi quidem jucundissimum, habere solatium placuit, ut quamdiu litterulæ hæ meæ durabunt ac loquentur, tandiu de matre mea non conticescant, ejusque laudes persequantur ac prædicent. Quanquam hujus ipsius consilii auctor mihi fuit omnium longe certissimus, & gravissimus, cui quidem refragari nefas est, Spiritus Sanctus nimirum, qui ad honorem matri exhi-

hibendum non hortatur solum, sed proposito etiam thesauro allicit. *Sicut* (Ecclesiast. cap. III. ver. v.) *qui thesaurizat, ita & qui honorificat matrem suam.*

JOANNIS POMPEII MANZUCHII

A D

JOSEPHUM MARIANUM

PARTHENIUM

*Ut deflato jam satis Cæcilia Somentia Parentis optima
funera, cæmen suum de Machina, ut ajunt,
Electrica tandem edat.*

E Tū me gelidus circum præcordia sanguis,
Nec satis sonitis apta senectæ modis
Jam moneat versus & ludrica ponere, cæstus
Trinacrium perhibent ut posuisse senem;
Attamen haud potui (neque enim fas esse putabam)
Abnuere hoc sanctæ munus amicitia.
Scilicet, ut si qua possem, te, dulcis amice,
Solarer grato carminis alloquio,
Defixamque alte mœsto sub pectore curam
Eximerem, atque pio fungerer officio.
Edere nam vulgo dum carmina docta parabas,
Ætatis nostræ grande futura decus;
Jamque metu posito tandem, victoque pudore
Plus aliis de te, quam tibi credideras;
Pierides dum ferta parant pulcherrima, Vatis
Mantoi sacras cingere digna comas;
Heu! dulce hoc studium eripuit materas tibi mors,
Expulit atque omnem pectore lætitiæ.
Nec lacymis caruere genæ, dum cara recurvat,
Qua tibi nil poterat dulcius esse, Parens,
Osque illud bande arridens, & gratia fandi,
Plurimus & nulla cultus ab arte decor,
Et genus, & mores casti, & sollertia mentis,
Junctæque inoffensa forma pudicitia;
Et super hæc, sobolem pietas quæ fluxit in omnem,
Dum sapiens, alios quod monet, ipsa facit.
Quæ memori tecum volvis dum singula mente,
Jucundis mœror sevocat a studiis;
Nec finit ingenii dulces expromere fœtus
Perfusus tristi pectus amaritæ.

Nec

Nec vero arguerim, tali quod Matre carentem,
 Dum bona tot recolis, cura dolorque premant.
 Non hos ipsa tibi Mater mitissima sentus
 Indidit; exempla non ita te erudit
 Ipsa suis, nullo ut suffundens lumina fletu
 Maternas ventas duras ad inferias.
 Sed meminisse decet, fuerat si causa dolendi
 Iusta tibi, luctu sat, lacrymisque datum.
 Ergo feret tua sola tibi iactura dolorem;
 Matti parva quies gaudia nulla feret?
 Tu gemis; illa alto jam lata potitur olympo,
 Cumque bonis agitat gaudia Caelitibus.
 Defuncta ærumnis tandem, defuncta periclis,
 Quod cupide optarat, Numine perfuitur.
 Nec tamen est oblita suos. Te semper ab alto
 Et videt, & magno flagrat amore tui;
 Teque suosque omnes exspectat, & anxia cælo
 Stipari densa percipit a sobole.
 Forstian ista tibi videantur fœusta precantis
 Verba; ratam sed habent scilicet illa fidem.
 Hoc animi pietas spondet, spectataque virtus;
 Hoc morum spondet candida simplicitas.
 Quin terrena illi quicquam si labis inhæsit,
 Obiectique aliquam, dum petit astra, moram;
 Non longa illa fuit certe mora; nam quid omissum
 Abs te, quod celerem pandat ad astra viam?
 Ullane in urbe tibi restat jam sanctior Ædes?
 Ullane in extremæ finibus Ausoniar?
 Sacra ubi non fuerit Divinaque Victimæ, Matri
 Quæ requiem pareret, rite litata Deo?
 Ergo age sume animos, tristes jamque abjice cûras,
 Et repete abruptum morte Parentis opus.
 An terret nostri censura severior ævi,
 Et bene quæ multos fors miserranda premit?
 Nempe obversantur sexcenta poemata passim,
 Exposita heu? misere per fora, perque vias,
 Nostrorum vitiosa patrum quæ protulit aras,
 Turgida dum nimio fervet ab ingenio.
 At modo sub dio squalientia pulvere multo
 Se minimo exspectant siquis eruat pretio;
 Nec tamen inveniunt, puerum nisi forte, venusti
 Quem lita frons auro codicis alliciat.
 At non fata tuis sunt hæc metuenda libellis,
 Quos nova materies, pieriusque lepos
 Commendant. Stulti non hic tractantur amores,
 Quos neque laus colere est, nec cecinisse labor;
 Non aulæ infidi mores, non mollia ruris
 Otia, quicquid Helicon Pimplæque tota sonat.
 Sumant ista sibi, quos non respexit Apollo,
 Avia Pieridum nec loca adire finit.
 At, quæ indidit aliis, conari hæc dicere primum,
 Hoc opus; hinc nomen claraque fama venit.
 Ergo aliquid, Vir doctè, novi cum promere velles,
 Deque argumento carminis ambigeres,

Ad-

Adfuit ecce tibi cum Pallade pulcher Apollo ,
 Vibrantem flammæ exhibuitque globum .
 Atque hæc (mitte aliam sectari incertus & anceps)
 Hæc tibi materies carminis , inquit , erit .
 Ardua res certe , & lepidæ minus apta Poesi ;
 Ut qui tantum audax aggrediatur opus ,
 Ille per abruptas cautes , salebroſæque montis
 Per juga , ſuſpenſo vix adeunda gradu ,
 Audeat & choreas agitare , leuſque movere
 Ad numerum , veluti plana per arua , pedes .
 Horrida ſed Sophiæ quæ nunc dumeta videntur ,
 Induſtri fuerint ſi modo culta manu ,
 Vernabunt tibi flore novo , ceu Theſſala Tempe ,
 Mirata inſuetas ſe dare delicias .
 Nunc age , ab Electro quæ traxit Machina nomen ,
 Ingenio admoveat , quas jactit ipſa , faces .
 Non ego , non dextro abſuerit tibi numine Pallas ;
 Tu modo ne deſis laudibus ipſe tuis .
 Dixit ; & ipſe ſuos tuaſque fudit in ora lepores ;
 Ingenio flammæ addidit illa tuo .
 Hæc mihi , ſi neſcis , quæ interfuit ipſa Thalia
 Narrabat , quin & res facit ipſa fidem .
 Anne aliter poteras duras res atque ſeueras
 Mollire , & blandis exhilarare modis ?
 Cenſorum huc opto veniat jam quilibet , etſi
 Lagomartino ſe ſerat ille parem ;
 Omnes Parthenii ſollerti peſtore verſus
 Exigat ad normam , diſſimuletque nihil .
 Quid non Auguſti dignum mirabitur ævo ?
 Quid non , ipſe Maro quod velit eſſe ſuum ?
 Res nova ni priuſ , priſciſque haud cognita ſæclis
 Noſtri huius carmen temporis argueret .
 Æquævum Caro quis non putet eſſe , vetuſtas
 Cæca quod ad noſtram preſſerit uſque diem ?
 Neu mihi quis veteres ſic laudet ametque poetas ,
 Ut jam ſæcla pares edere nulla queant .
 En tibi Parthenius , Phœbo vel iudice dignus ,
 Qui veteres cultu carminis æquiparet .
 Hunc igitur præſens , ſera hunc mirabitur ætas ;
 Donec honor pulchris artibus ullus erit .

JOSEPHUS MARIANUS PARTHENIUS
 QUIDQUID HACTENUS SCRIPSIT
 QUIDQUID IN POSTERUM SCRIBET
 TIBI MARIA VIRGO DEIPARA INSCRIBIT
 UT PER TE MEREATUR SCRIBI
 IN LIBRO VITÆ .
